

 <p>Адабий-бадиий, илмий, ижтимоий-иқтисодий журнал</p>	
<p><b>Муассис</b>  <b>“Ijod olami” МЧЖ</b>  2017 йилдан чиқа бошлаган.</p>	
<p><b>Таҳрир ҳайъати:</b>  Мухаммад АЛИ  Сироғиддин САЙИД  Иқбол МИРЗО  Тўлан НИЗОМ  Сайди УМИРОВ  Аҳмаджон МЕЛИБОЕВ  Исажон СУЛТОН</p>	
<p><b>Бош муҳаррир</b>  Бахтиёр ҲАЙДАРОВ</p>	
<p><b>Мусаҳих</b>  Дилфуз МАҲМУДОВА  <b>Диз@йнер</b>  Фиёсиддин ЎНАРОВ</p>	
<p>Таҳририятга келган қўлёзма ва суратлар эгаларига қайтарилмайди.  Муаллифларнинг фикрлари таҳририят нуқтаи назаридан фарқланиши мумкин. Нашрдан қўчириб босилганда “Ijod olami”дан олингандилиги кўрсатилиши шарт.</p>	
<p><b>Манзилимиз</b>  Тошкент шаҳри,  Ислом Каримов кўчаси, 16-“а” уй.  e-mail: ijod_olami@ijod.uz,  inbox@ijod.uz  Тел./факс: (0-371) 239-26-91</p>	
<p>Босиша 15.05.2017 йилда руҳсат берилди.  Қофоз формати 60x84 1/<sub>8</sub>.  Нашриёт хисоб тобоги 8,7.  Индекс 1290.  ISSN 2181-8959. Журнал 2016 йил 15 декабрда Ўзбекистон Матбуот ва ахборот агентлиги томонидан № 0893 рақами билан рўйхатга олинган.  “SILVER STAR PRINT”  МЧЖ босмахонасида чоп этилди.  Буюртма № 26. Адади 1500 дона.  Тошкент шаҳри, Учтепа тумани,  22-мавзе, 17-й.</p>	
<p><b>Миқовамизда</b>  Акмал НУР  “Шахрисабзлик купол” портрети</p>	

# МУНДАРИЖА

## СУҲБАТ

**Сайёра РАШИДОВА.** Отам ҳақида хотира ёзишга журъатим етмайди..... 2

## СҮНМАС САТРЛАР

**Абдулла ОРИПОВ.** Абадият муҳри бор гўзаллик туйғусида ..... 5

## НАСР

**Неъмат АРСЛОН.** Маҳбуснинг иккинчи ҳаёти. Новелла..... 21

**Гулчехра АСРОНОВА.** Ой қиз. Ҳикоя..... 48

**Фозил ФАРҲОД.** Кўклам куйи. Ҳикоя..... 35

## НАЗМ

**Муҳаммад ЮСУФ.** Кўкламойим..... 29

**Дадаҳон МУҲАММАДИЕВ.** Ўзимга ўзимни эслатди саҳар..... 47

## ХОТИРА

**Абдусаид КЎЧИМОВ.** Сўнгги суҳбат..... 9

**Озод ШАРАФИДДИНОВ.** “Кўкламойим” туғилди..... 28

## АДАБИЙ ГУРУНГ

**Одил ҲОТАМ.** Искандарнинг шохи бор!..... 14

## ПУБЛИЦИСТИКА

**Нурилла ЧОРИ.** Дуога очилган қўллар ..... 42

## ТАДҚИҚОТ

**Абдуғани СУЛАЙМОН.** Кўнгил ҳақиқати билан юзма-юз. ..... 30

**Отабек САФАРОВ.** Қаҳрамондан баланд ижодкор. ..... 52

## ШИНГИЛ

**Адҳамбек АЛИМБЕКОВ.** Япроқ ҳикоялар..... 40

## ЎРНАК

Ижодкорларнинг метин иродаси ..... 56

## ЖАҲОН ҲИКОЯСИ

**Ги де МОПАССАН.** Мурданинг қўли. Ҳикоя. ..... 44

**Умар САЙФИДДИН.** Форса. Ҳикоя. ..... 58

## ТАБОБАТ

Хосиятли табиат..... 55

## ШИНГИЛ ҲАНГОМА

**Бахтиёр ОЛЛОМОУРОД.** Кунлардан бир кун..... 62



Сайёра РАШИДОВА:

# “Отам ҳақида хотира ёзишиа журъатим етмайди”

**Тошкентнинг Абдулла Қодирий кўчасидаги кўп қаватли оддий бино: Ўзбекистон Фанлар академиясининг Полимерлар кимёси ва физикаси институти. Қабулхона-даги ёзувни ўқйман: “Директор академик Сайёра Рашидова”.**

**Саволларни ёдимда тақрорлар-канман, туйқус эшик очилиб, хаёл-ларим бўлинди. Ўгириламан, бироқ биринчи бўлиб салом беришга кеч қолдим. Опанинг хуш муомаласи ва самимияти ҳаяжонни босади. Опа камтар, сода, зиёли. Беихтиёр Шароф Рашидовнинг сурати кўз ўнгимда гавдаланади: “Отасининг қизи”.**

**Шу боис олдиндан тайёрланган саволлар эсимдан чиқди. Аслида самимият қудрати олдида ҳар қандай ўйлаб топилган нарса ожиздир.**

**- Сайёра опа, Президентимиз Шавкат Мирзиёевнинг шу йил 27 мартағи “Атоқли давлат арбоби ва ёзувчи Шароф Рашидов таваллудининг 100 йиллигини нишонлаш тўғрисида”ги қарорини ўқиб, кўнглингиздан қандай ўйлар кечди?**

– Фақат шукроналик, қувонч. Чунки ҳалқимизга мансуб гўзал фазилат бор: бирон киши ота-онангизни мақтаса, унга раҳмат айтса, кўнглингиз тоғдай кўтарилади. Ҳаёт янада мазмунли, рангин

ва ҷароғон кўринади. Давлатимиз раҳбари, бутун ҳалқимиз отамга шундай юксак эъзоз ва эҳтиром кўрсатадигани – биз учун чексиз баҳт.

Президентимиз Шавкат Мирзиёевнинг ушбу қарорини нафакат оиласиз, балки отамни яқиндан билган инсонлар, бутун ҳалқимиз катта хурсандчилик билан қарши олди, десам янгишмайман. Отамнинг руҳи шод бўлаётганига аминман.

Давлатимиз раҳбари таклифи билан Олий Мажлис Сенатининг қарорига мувофиқ Жizzах туманига Шароф Рашидов номи берилди. Бу заминга ота-онамнинг, менинг киндиқ қоним томган. Мазкур туманда отам хотирасига бағишлиб ёдгорлик мажмуаси барпо этилиб, у кишининг ҳайкали ўрнатилиши, Жizzах шаҳрида мемориал уй-музей ташкил этилиши қалбимизни қувончга тўлдирди.

**- Биринчи Президентимиз Ислом Каримов ташаббуси билан Шароф Рашидов номи тўла-тўқис оқланганига ҳам, мана, чорак аср бўлди. Ўша тарихий кунларни тез-тез эслаб турсангиз керак.**

– Албатта, у кунларни унугиб бўларканми? Ислом Каримов Республикаимизга раҳбар бўлган

биринчи кунларданоқ ҳалқимизга қилинган тұхмат ва ноҳақликларга қарши курашди, жасорат билан ҳақиқатни тиклади: “пахта иши” билан айбланиб, ноҳақ қамалган юзлаб инсонлар озодликка чиқди, ҳалқимиз номи покланди. Бу ҳалқимизнинг эртанги кунга ишончини мустаҳкамлади.

1992 йил кузида Ислом Каримов раҳнамолигида ҳалқимиз Шароф Рашидов таваллудининг 75 йиллигини катта байрам қилди. Ўша тантанада нутқ сўзлаган Биринчи Президентимизнинг мана бу гаплари бугун ҳам қулоғимда жаранглаб турибди: “Бу куни мизга етганлар бор, етмаганлар бор. Кўпгина аждодларимиз каби Шароф Рашидов ҳам мустақиллик кунига етиб келолмади. Биз бугун тўлиқ ишонч билан айта оламизки, Шароф Рашидов мустақиллик пой-деворига муносиб фишт қўя олган арбоблардан эди”.

Президентимиз Шавкат Мирзиёев 2016 йил 18 ноябрда Жizzах вилояти сайловчилари билан учрашувида “Шароф Рашидов номини ўзбек ҳалқининг тарихидан, ҳаётидан айри тасаввур қилиб бўлмайди. Шароф Рашидов ўз ҳалқига ва Ватанига фидойи фарзанд эди”, деб таъкидлагани, отам таваллудининг

бир асрлик тўйини нишонлашни таклиф этгани бу эзгу ишларнинг муносиб давоми бўлди.

Эзгуликнинг жавоби фақат эзгуликдир. Чунки ҳар қандай фарзанд учун ота-онаси чирогини ёкиш – муқаддас бурч. Шароф Рашидов руҳини наинки авлодлари, балки бутун халқимиз шод этаётгани бизни ногат қувонтиради.

**- Бугун 35-40 ёшга кирган инсонлар ҳам Шароф Рашидовни кўрмаган. Сизнинг хотираларингиз барчага қизиқ. Хотиралар ёзган-мисиз?**

– Йўқ, ёзмаганман.

**- Нима учун?**

– Журъатим етмаган. Чунки мен хотира ёссан, уни кўпчилик мутлақ ҳақиқат сифатида қабул қилади. Лекин уларда отамнинг барча фазилатларини тўла тасвирлай олмасам, ўзимни ҳеч қачон кечиролмайман. Чунки бу дунёда барча нарса нисбий, Шароф Рашидовга бағишланган хотира унинг фено-менига мос бўлиши керак.

Кейин бундай хотиралар билан, қайсиdir маънода, худди мақтагандай бўлиб қоламан-да. Тўғри, ҳамиша отам билан фахрланганимиз, бироқ у киши билан мақтанишдан ҳамиша йироқ бўлганмиз. Чунки отамнинг ўзи бизга шундай тарбия берган.

**- Шароф Рашидовнинг қизи бўлиш сизга нимани англатади?**

– Аввало, масъулиятни, одамларга фойда келтиришнинг шахсий манфаатлардан устунлигини. Бунга яна меҳнаткашлик, ўқимишлилик, профессионаллик, камтарлик, ҳалоллик, покизалик, сўз ва иш бир бўлишига интилишларни ҳам жамлаш мумкин. Чунки бу ҳаётда ҳар бир инсон топган ва бой берган барча нарса, аввало, оиласида олган тарбияси маҳсулидир. Мен ва ука-сингилларим доимо ота-онамга муносиб бўлишга ҳаракат қилиб яшадик. Бугун ҳам шундай.

Хозир ҳам отамнинг нигоҳларини жуда-жуда яқиндан ҳис қилиб тураман. Нимаики ўйламай



ё бажармай, “бунга отам қандай муносабатда бўларди?” деган савол, албатта, онгимнинг бир четида қойим туради. Айнан мана шу хислат менга доим эзгуликка интилиб яшашда катта қувват бағишлиди.

**- Шароф ота ҳаётда қандай инсон эди? Отангиз портретига қандай чизгилар берган бўлардингиз?**

– Отам, том маънода, ўзбек бўлган: халқимизга мансуб барча фазилат унда мужассам эди. Бу доим юзида балқиб турарди – жуда файзли, фариштали инсон эди. Бирор марта бақириб гапиргани ё сўкинганини билмайман. Қийинчиликлар гирдобида катта бўлгани учун ҳаёт ва инсон қадрини жуда теран англарди.

1942 йили Иккинчи жаҳон урушида оғир ярадор бўлиб, юрга қайтган. Бир йилдан сўнг мен дунёга келганман.

Отам – оиласиз учун ҳамиша идеал инсон бўлган. Чунки кўз ўнгимизда ҳар томонлама юксалиб борди: газета муҳаррирлигидан республиканизнинг биринчи раҳбари даражасига кўтарилди, унинг онги, дунёқарashi, маънавияти ҳам шунга мос юксалди. Қайси лавозимда ишламасин, ўзгармади – ўша-ўша самимийлигича қолди.

**- Отангизнинг ўзига хос тарбияусуллари қандай бўлган?**

– Оиласизда ёзилмаган, лекин қандайдир қатъий тизим бор эди. Отам бизнинг таълим-тарбиямиз ҳақида онамдан сўраб-сuriшти-

рарди. Дўстларимиз кимлиги, фанларни қандай ўзлаштиришимиз, нима китоблар ўқиётганимиз, уйга ким келиб-кетаётганигача қизиқарди. Сўнг ҳар биримиз билан кўнглимизга мос гаплашарди. Албатта, талабчан эди, бироқ жазолашга шошилмасди. Дейлик, фарзандларига бир нарсани қатъий буюрмас, балки таклиф сифатида айтарди. Фикрлашга ундарди. Биз уни бажонидил қўллаб-қувватлардик. Отам биздан хурсанд бўлиши, фуурланиши учун барчасига тайёр эдик.

Онам Хурсандой ая жуда зиёли, ўқимишли, камтар, меҳрибон, оиласига садоқатли аёл эди. Гарчи олий маълумотли бўлса-да, у давлат ишидан кўра, оиласи танлаган. Чунки оиласиз кичкина эмасди, фарзандлардан ташқари бошқа қариндошларимиз ҳам биз билан яшарди.

Кечки овқатдан сўнг отам онам билан анча гаплашиб ўтиарди. Бирга сайр қиласарди. Бу сухбатлар асосан оила, фарзанд-неваралар тарбияси, адабиёт, ҳаёт мазмуни ҳақида бўлган. Онам етим ўсгани учун отамга қаттиқ суянарди. Иккиси бир умр бир-бирини қўллаб-қувватлаб яшади. Агар мендан “Шароф Рашидов қандай қилиб бундай юксакликка эришган?” деб сўрашса, “аввало, оиласида барча нарса жойида бўлган, унинг ўзига муносиб оқила, доно ва гўзал рафиқаси бўлган”, деб жавоб берардим.

**- Отангиз Ўзбекистоннинг биринчи раҳбари бўлганда, сиз 16 ёшда эдингиз. Табиийки, бу вақт оралиғида Жиззах, Самарқанд ва Тошкент шаҳарларида кўчиб яшагансизлар, мактаблар, дўстлар ўзгариб турган.**

– Бу борада оиласизда тушунмовчилик бўлмаган. Чунки онам бизни ҳамиша отамизга чексиз ҳурмат руҳида улғайтирган. Биласизми, отам Олий Кенгаш раиси, республика раҳбари бўлган пайтида ҳам мактабдаги ота-оналар мажлисига бораради. Ҳамиша шунга вақт топарди, ҳафсала қиларди.

**- Қандай оилавий анъаналарингиз бўлган?**

– Аввало, китобхонлик: каттагина оилавий кутубхонамиздан ташқари ҳар биримизнинг алоҳида шахсий кутубхонамиз бўлган. Отамнинг ижодхонасида ҳам, ётоқхонасида ҳам доим китоб бўларди. Янги чиқсан бадиий асарларни талашиб ўқирдик, баҳслашардик, муҳокама қилардик.

Яна бир анъана: отам қайси лавозимда ишламасин, онам кечга яқин барчамизга энг оҳорли кийимларимизни кийдириб, отамни кутиб олишга тайёрларди. Ишдан чарчаб келган отамнинг кайфиятини кўтариш, уни хурсанд қилиш учун барчамиз ҳаракат қилардик. Отам уйга келиши билан байрам бўлиб кетарди.

Қароргоҳдаги мўъжаз кино театр ҳам эсимда қолган: янги кинофильмларни оилавий томоша қилардик. Сўнг отам ҳар биримиздан таассуротимизни, фикримизни сўрарди.

**- Тарихимиздан маълум: давлат раҳбарлари келин олиш ё қизини турмушга узатишни давлат иши билан баравар қўйган. Шароф Рашидовнинг бу борада қандай қарашлари, қоидалари бўлган?**

– Отам замонавий, шу билан бирга қадрият ва анъаналаримизга содик инсон эди. Қизларини турмушга узатишда, биринчи навлатда, ўз фикримизни инобатга олган. Асосан ўқимишли, зиёли

оилалар билан қуда бўлган. Масалан, мен Ўзбекистонда фалсафа мактабига асос соглан академик Иброҳим Мўминов оиласига келин бўлганман. Турмуш ўртогим билан танишиб, оила курганмиз. Ёки синглим Светлана ўз синфдошига турмушга чиқсан. Дарвоқе, унинг ўғли – энг кичик жиянимнинг исми ҳам Шароф.

**- Ҳукумат шифохонаси сартароши Мисрхай Яиров бир интервьюсида "Шароф Рашидов тўй-маърaka ўтказса, менга ҳам таклифнома юборарди", деган. Шароф ота оддий сартарошга шундай илтифот кўрсатган бўлса, демак, у кибрини енгган инсон бўлган, деб ўйлайман.**

– Ҳа, отам одамларнинг мансабига эмас, қалбига қараб муомала қиларди. Шу боис жуда кўп оддий одамлар билан яқин бўлган. Чунки улардаги самимият, оққўнгилликни қадрлаган. Дейлик, оилавий архивимизда боғбон, ошпаз, кўриқчилар бирга тушган суратларимиз кўп. Уларни ҳамиша ўз оила аъзомиз деб билардик. Бу сурат марказида, албатта, отам бўларди.

**- Шароф Рашидов авлодлари қайси қасбларни танлади?**

– Барчамиз илм-фан йўлидан кетдик. Сингилларим Дилором, Гулнора, Светлана, укам Илҳом фан номзоди бўлди. Бугун Шароф Рашидовнинг беш фарзандидан 9 невараси, 9 эвараси бор. Улар асосан тиббиёт, физика, иқтисод, экология, хуқуқшунослик каби йўналишларни танлади. Ораларида фан номзодлари анча, битта фан доктори бор.

Дарвоқе, докторлик диссертациямни ҳимоя қилган куним – 1983 йил октябрининг сўнгги кунларида Москвадан Урганчга қўнғироқ қилдим. Отам Хоразмда сафарда экан. Жуда хурсанд бўлди, бироқ фақат "раҳмат, қизим", деб олди, холос. Эртаси куни отамдан ажralиб қолдик.

**- Ёзувчи Шароф Рашидовнинг ижодий лабораторияси борасида қандай хотираларингиз бор?**

– Отам ёзувчи сифатида ҳам баракали ижод қилди. Асосан тонг пайти ва меҳнат таътилида ёзарди. Сабот билан ишларди. Қайта-қайта таҳрир қиларди. Уларда самимийлик, инсонга меҳр, муҳаббат ва садоқат мужассам.

Айниқса, "Кашмир қўшиғи" – Шароф Рашидовнинг қалб дафтари. Бир қадар ҳазин, умидбахш ва дилбар бу қўшиқ ҳали ҳам тиллардан тушгани йўқ, дилларга ўрнашган. Бу асар ҳақида атоқли адабиётшунос Файбула ас-Салом пухта тадқиқотлар қилган. Ўйлайманки, бу асар ҳали яна чукур ўрганилади.

Отам ўзи ижодкор бўлгани учун ёзувчиларни қадрларди, ёш ижодкорларни ҳимоя қиларди, қўллаб-куватларди. Мумтоз адабиётни яхши биларди. Айниқса, Мирзо Бедилни кўп ўқирди. Унинг "Комде ва Мудан" достони асосида "Икки дил достони"ни ёзган.

Президентимиз Шавкат Мирзиёевнинг "Атоқли давлат арбоби ва ёзувчи Шароф Рашидов таваллудининг 100 йиллигини нишонлаш тўғрисида"ги қарорига кўра, адабнинг "Сайланма" китоби, Шароф Рашидов ҳаёти ва фаолиятига бағишиланган "Халқимизнинг оташқалб фарзанди" номли хотира китоби нашрга тайёрланмоқда, ҳужжатли фильм яратиш, илмий конференция ўтказиш режалаштирилган, хотира тадбирлари ташкил этилмоқда. Буларнинг барчаси бир умр ҳалқимиз, Ватанимиз учун хизмат қилган отамнинг меҳнатларини эл-юртимиз муносиб қадрлаётганинг исботидир.

Назаримда, отамдан катта бир уй мерос қолди. Унда асл ўзбекона фазилатлар – фидойилик, камтарлик, ҳалоллик, покизалик, ширин-суханлик камол топади. Халқимиз омон экан, бу ўйнинг чироғи ҳеч қачон учмайди. Зеро, эл-юртимиз ҳалқ учун ўз ҳаётини, бутун борлигини бахшида қилган фарзандларини ҳамиша бошига кўтаради.

ЎзА мухбири  
Умид ЁҚУБОВ сұхбатлашды.

# *Абдият мұхғи бөй иżаллик түйтусида*

**Абдулла ОРИПОВ,**

Ўзбекистон Қаҳрамони, Ҳалқ шоири

## *Нұғ*

Нима қолур мендан дунёда,  
Фарзандлару түрт-бешта баёт.  
Толиқсам-да ҳаддан зиёда,  
Сени жуда севаман, ҳаёт.

Фаҳм этарман, не бўлар кейин,  
Мармар тошнинг нархи бир тийин.  
Қийин, қийин, кетганга қийин,  
Сени жуда севаман, ҳаёт.

Туғилгандим меҳрдан гарчанд,  
Яшаш учун курашдим ҳарчанд.  
Турмуш доим берса ҳамки панд,  
Сени жуда севаман, ҳаёт.

Ўз жойига мослашгай янтоқ,  
Дарранда ҳам апоқ ва чапоқ.  
Кўниқмадим теграмга, бироқ  
Сени жуда севаман, ҳаёт.

Зимистоннинг юзин терс қилсин,  
Умр қадрин билгандар билсин.  
Билмаган-чи, кўксини тилсин,  
Сени жуда севаман, ҳаёт.

Яшаяпман, тангрига шукур,  
Деразамдан тушиб турсин нур.  
Мен шундан ҳам қилурман ҳузур,  
Сени жуда севаман, ҳаёт.

26.08.2016

\* \* \*

Шоир деганлари шаҳиддир – хунсиз,  
Учинчи дунёдир – кундузсиз, тунсиз.  
Бола каби кулар, бироқ кўзда ёш,  
Бола каби йиглар ва лекин унсиз.

19.03.2015

## Ғаламислар

Балки бир кун бўлай деб одам,  
Зўр тахаллус топгандинг, болам.  
Ўзинг тушган сассиқ ҳовузга  
Тортаверма бошқаларни ҳам.

Хьюстон, 10.10.2016

## НАСА

Мен ҳайрон қоламан,  
Одамзод гоҳо  
Кўрган мўъжизасин бирдан унугтай.  
Искандар, Магеллан довруғи ҳатто,  
НАСА иғнасининг кўзидан ўтгай.  
Қандоқ бунёд бўлган ҳазрати Одам,  
Ҳеч кимса кўрмаган илоҳий дамни.  
Лекин машқ қилганлар минг йил муқаддам,  
Ойда Армстронг қўйган қадамни.  
Конрад коржомаси осиғлик турар,  
Мархум фазогирлар кўргазмасида.  
Шоҳларнинг либоси яхлит сийму зар,  
Барibir, илингай унинг пастида.  
Тоғнинг этагида ўтирган сайдоҳ,  
Унинг маҳобатин кўрмас ҳеч қачон.  
Асрлар қаъридан ташласанг нигоҳ,  
Инсон қуриб олмиш янги бир жаҳон.  
Низолар йўқолур бир кун, албатта,  
Одамзод ўзлигин топар қайтадан.  
Шонли ўтмишини эслаб у пайтда,  
Келгай маъракага ҳар битта Ватан.  
Башар болалари фаҳрға тўлиб,  
Тафаккур тўйида кўтаргайлар жом.  
Ишонгум, ўша кун биринчи бўлиб,  
Ёдга олинажак Улуғбек бобом.

Изоҳ:

1. НАСА – Хьюстонда жойлашган АҚШ фазогирлар тайёрлаш ва назорат қилиш маркази.
2. Армстронг, Конрад – Ойга қадам қўйган дастлабки фазогирлар.

## Бахиллик

Мен деб бонг урасан шому саҳарда,  
Гўё ҳаққонийдек айтар сўзларинг.  
Ҳаммани бир хилда кўрсанг агарда,  
Тешилиб қоларми сенинг кўзларинг.  
Йўлнинг чеккасида мажруҳ бир инсон  
Мадад тилаб турар сендан, эҳтимол.  
Сен унга узатсанг агар парча нон,  
Қўлларинг майишиб, бўлармикан шол.  
Қаршингда турибди ёш бир истеъдод,  
Балки оламшумул бўлажак даҳо.  
Бир оғиз сўз айтиб, берсанг гар имдод,  
Тилларинг кесилиб қолгаймикан ё?  
Бир сиймо илмнинг бўлмиш сардори,  
Балли, эл-юртига олиб келмиш шон.  
Сен уни қутласанг кўплар қатори,  
Чиқиб кетармикан танангдаги жон.  
Афсуски, яхшилар тортади кулфат,  
Ёмонлар ғолибдир, ётар қалашиб.  
Йўқдир бундайларда зарра фазилат,  
Дунёга келмишлар улар адашиб.

Хьюстон, 24.7.2015

## Инсон

Инсоннинг қўлидан келар ҳар бало,  
Бир соат ичида тўй қиласди, тўй.  
Зарра писанд эмас дашту Карбало,  
Фақат уни тингла, ўз ҳолига қўй.

Думалоқ бўлгунча кўз ёши хоблар,  
Фиръавн умрини яшайди кимдир.  
Вақт ҳам югуради айлаб шитоблар,  
Фурсатдан улушин ололган эрдир.

Техас, 18.10.2016





## Шамол

Шамол увиллайди.

Шамол изиллар...

Биламан у қайдан елаётганин,

Безовта руҳ каби тинсиз увиллаб,

Шарқданми ё Фарбдан келаётганин.

Шамол увиллайди

Билмасдан тиним,

Билмасман қаёқдан елаётганин,

Билмасман шунча вақт топмасдан қўним

Шарқданми ё Фарбдан келаётганин.

Үртада аралаш гирдоб бор гўё,

Турибман ўшанинг қоқ ўртасида.

Теграмда тинимсиз чарх урар дунё,

Дўзах нафаси бор гўё сасида.

Фақат ғалаёндан четда, тубандা

Беписанд жимиirlаб қайнайди уммон.

Фақат ичкарида, қўлтиқ томонда,

Албатрос қушлари оҳ чекар нолон.

Ҳатто қум зарраси эмасман шу зум,

Эссиз, ноҷорлигим қилади алам.

Ногоҳ қўтарилса шамол билан қум,

Расулуллоҳ унсиз чекар эди ғам.

Шамол увиллайди...

Шамол изиллар...

Техас, 10.10.2016

## Ёронлар

Ўз давринг нашъасин меники деб сур,  
Ҳатто тўфон турсин, ҳатто бўронлар.  
Доим оғзи биру қалқон бўлиб тур,  
Орангиздан ола ўтмас, ёронлар.

Бошқа ёққа тортса сен минганд тулпор,  
Бундайин дўстликдан қандайин наф бор?  
Кимдир айламаса қасамингни хор,  
Орангиздан ола ўтмас, ёронлар.

Сенга ёт эмасдир эл қучган зафар,  
Ўзимники десанг бу ютуқни гар.  
Сени кўрган жойдан қочгайдир хатар,  
Орангиздан ола ўтмас, ёронлар.

Ҳасадгўй аҳлига дуч келдинг кўпроқ,  
Қаёққа борсанг ҳам бир хилдир тупроқ.  
Барчага баробар, демакким, чароқ,  
Орангиздан ола ўтмас, ёронлар.

Бемор излар эди дардига чора,  
Уни тополмади, афсус, бечора.  
Кимдир ёрдам қўлин чўзса шу бора,  
Орангиздан ола ўтмас, ёронлар.

Майлига, даврон сур қишлоқ, шаҳарда,  
Турфа одам учрар шомда, сахарда.  
Сен ҳам кечиримли бўлсанг агарда,  
Орангиздан ола ўтмас, ёронлар.

Хьюстон, 16.10.2016

## Қуёш ва шаҳм

Набирам Мумтозбегимга  
Абадият муҳри бор гўзаллик туйғусида,  
Қудратин у йўқотмас ҳаттоки уйқусида.  
Тобланиб юрса арзир қуёш нурида, аммо  
“Хамса” яратса бўлар шаъмнинг ёғдусида.

Хьюстон, 22.08.2016

## Чироқ

Уйдами, кўқдами – нур сочса порлоқ,  
Унинг оти эрур, албатта, чироқ.  
Қалбингга яшириб қўйгин қўёшни,  
Қўргайсан, қанчалар буркама бошни.  
Агар юрагингда бўлса зимистон,  
Хеч ким ёритолмас, билиб қўй, Инсон.  
Яхшиси, сўқирдан олгин сен ибрат,  
Йўлида чироқдир орзуси фақат.  
Ёлғиз битта нур бор, йўқдир қиёси,  
У Аллоҳ зиёси, Аллоҳ зиёси!

Хьюстон, 13.09.2016

## Марғози

Тонгда айвонингга чиқасан яйраб,  
Тарбият қиласан жисму жонингни.  
Тинчлик деган бир қуш тепангда сайраб,  
Қўриқлаб туради хонадонингни.

Ҳолбуки, эллар бор, қирқ йилдан буён  
Мотам либосини ечган эмасдир.  
Ҳар зум фалокатга маҳкумдир инсон,  
Тинчлик деган сўз ҳам, демак, абасдир.

Ювениб, тараниб жўнайсан ишга,  
Кундалик юмушни ўйлайсан фақат.  
Ўрганиб қолгансан сокин турмушга,  
Ёнингдан оқади осойишта вақт.

Ҳолбуки, дунёда шундай жойлар бор,  
Текшириб кўради пайпогинггача.  
Кимлигинг сўрайди такрор ва такрор,  
Сўрайди етти пушт-аймогинггача.

Бу ҳолнинг тагига етганлар борми,  
Дарё ҳам ёндошдир сахролар билан.  
Нафратда яшайди дунёнинг ярми,  
Ярми эса яшар дуолар билан.

26.07.2016

## Фасллағим

Етаклашиб қатор ва қатор,  
Йўлдан ўтди етмиш беш баҳор.

У баҳорлар меники эди,  
Болам, бари сеники энди.

Йўлдан ўтди ёз билан куз ҳам,  
Улар менга бўлганлар ҳамдам.

Иккови ҳам меники эди,  
Эгалик қил, сеники энди.

Ортда қолди чаманлар, боғлар,  
Йўл сўнгида кўринди тоғлар.

Музликларга бориб етдим мен,  
Фақат қишини ола кетдим мен.

Хьюстон, 13.09.2016

## Мантиқ

Дунёдаги жамики неъмат  
Инсон учун яралган, дерлар.  
Дарёлар ҳам теграда фақат  
Бизлар учун таралган, дерлар.  
Ер остида конлар ҳам шундоқ,  
Тайёрланган фақат биз учун.  
Ёғ билан сут, патир ва қаймоқ  
Оширади танамиз кучин.  
Мен мантиқни севдим жуда ҳам,  
Лекин чиқди саволлар доим.  
Хўш, ким учун яшайди одам?  
Ёлғиз Ўзи билгай Худойим.

Хьюстон, 10.09.2016

# Сўнгги сұхбат



Абдусайд КҮЧИМОВ

Устоз Абдулла Орипов гурунгларининг айримларини ёзib кўярдим. Уч-тўрттасини ўқиб мундай қарасам, рисолача бўлгудай авзойи бор. Иқтидорли шоир ва адаб, оқибатли дўст Муҳаммад Исмоилга бериб, бир кўз югуртилинг-чи, дёдим. Муҳаммаджон ажойиб йигит-да, роппа-роса тўрт кун деганда қўлёzmани худди босмахонада босилгандек муқовалаб, чироили китобча кўринишида тўрт нусхада опкепқолди:

– Устозга ўқитиш керак. Роса хурсанд бўлади! Кетдик, йўл-йўлақай Абдуғани Жуманиям олволамиш, Абдулла аканинг ҳозирги портретини яратишим керак, деб юрувди.

Учовлон жўнадик Абдулла ақанинига қараб, қайдасан, Дўрмон, деб.

Ўша кунлари Абдулла ака Америкада биринчи марта даволаниб келган, саломатлиги анча яхши, кайфияти ҳам бинойи пайтлар эди.

Ҳанифаҳон келинойимиз дарров дастурхон тузадилар. Сұхбатимиз Абдулла аканинг америкаликлар қандай даволаганидан бошланди.

– Духтур ҳаммаёғимни текшириб бўлганидан кейин, мен сизга

кетавуринг, дейишим мумкин, деди, – дея гап бошлади устоз. – Сизам индамай кетавуришингиз мумкин. Лекин кейин менинг виждоним қийналади, мен қийналаман нимага жўнатвордим, деб. Сизни охиригача кўришим керак. Мен унга, э-э, қариндош бўмасангиз, юртдош бўмасангиз, диндош бўмасангиз, бегона мамлакатдаги битта духтур бўлсангиз, бор, ўзингни жойингдаги духтурларга учраш, дейишингиз мумкин-у, дёдим. Ўпкангизда катта жароҳат бор, деди ҳалиги одам миннатдор сўзларимга парво қилмай, аввал ҳам текширишганми? Текширишганми, деганингиз нимаси, дёдим жаҳлим қўзиб. Икки ярим йилдан бери текшир-текшир қилишади, ҳаммаси жой-жойида, дейишиди. Лекин йўталим тўхтамайди. Ўзими ни осишим қолди. Мен духтур бўлмасам, нима қилишим керак? Баданингизни ренген қилмадими, яна сўради у. Бир қиз таржимонлик қиласпти. Қилишди, бир эмас, ўн марталаб, дёдим мен. Ана, бир чамадон дори ёзib беришган. Сиздаги бу ҳолат пневманиядан кейинги ҳолат, ўпкани ҳаммаёғи шрам, ўпкада инфаркт бўлган, ҳаво юрмайди, деди. Бир парчаги-

на ўпка – уям сув, тушунтириди у, мирада йўтал қўзгайдиган нуқталар бўлади, сиз олаётган дорилар шуни опиомга ўхшаб тўхтатиб туради, ўпкага ҳеч қандай алоқаси йўқ. У сизни алдайди, алдаб туриб, бир ойда ўлдиради. Жуда хафа бўлдим бу гапни эшитиб. Энди, деди, биз сизга ингалация тайнинглаймиз. Ингалацияни биласилар, чилимга ўхшаган, – изоҳлаган бўлди Абдулла ака. – Кейин икки-учта дори ёзib берди. Манави дориларингиз мутлақо керак эмас, тескари реяксия беради. Биз айтган дориларни сотиб оласиз, йўталингиз ўн беш кунларда тўхтайди, деди.

Дориларни сотиб олдик. Айтилган муддатида йўтал таққа тўхтади.

Туркияга борганимда ҳам шунақа бўлувди. Духтурлар юрагими ни ёзволиб, тревога қоворишуви, ўн кунгина ҳаётинг қопти, деб. Ўн кун-а? Кейин қўзимга кўрсатишиди юракнинг битта томирини иккита жойида қон қотиб қолган, 92-98 фойиз қон ўтмайди. Улар ҳайрон қолиб, сизни анови қилганми, юрак ёзволадиган?

– Кардиограмма? – деб эслатди Муҳаммад.

– Ҳа, ўша. Мен, ҳар кун қиларди, кўрарди, ўттиз яшар йигитникидай дерди, десам, бошини чангллашувди. У ёқда улар, бу ёқда – Америкада булар бошини чангллайди. Охири, энди ҳеч қайсисига учраманг ҳам, борманг ҳам, деди ҳалиги америкалик. Бир-бирини танимайди-ку. Балки у Ўзбекистонни эшитмаган ҳам. Бир дуҳтур ҳақида гапиряпман. Шундай қилиб, айланаб келдим. Шукур-ку, ҳаммасига, лекин яримжон бўлиб қолганидан кейин озроқ инжик бўлиб қоларкан одам. Энди умр охирига етиб боряпти, шекилли. Қолган вақтни яхши юмушларга сарфлаш керак. – Абдулла aka бир зум тин олиб, нафас ростлади. Бизни дастурхонга ундини. – Баъзи тирноқ ичидағи дўстларим бўлса, шу ҳолимдаям тинч қўйишмайди. Ухламай, отиб ётибида палахмонни.

– Умр охирига етапти, деманг, – деб далда берган бўлдим ўзимча. – Бундан баттарлариниям кўп кўрган сиз-ку...

– Кўрганман-кўрганман, – дарров жавоб қайтарди устоз. – Лекин авваллари Москванинг қўли бор, ўрислар қилади, деб ўйлардим. Энди билсан, ҳамма дард ўзимизнинг ичимиизда экан. Шундай кимсалар борки, манфаат йўлида ўз боласини сўяман, дейди. Еб турган қошиқни пайтавасига артади. Шуям одам бўлди-ю... – Кимdir, шу яқин орада устозни қаттиқ ранжитгани билинди. Жимгина сўзининг давомини кутдик. – Ёш бўлсан эканки, мансабини тортиб олсан. Унвон талашсам. Бу, нима бало бўлган? – Америкада бир-иккита шеърлар ёзувдим, бир укамиз шуларни интернет-газетда эълон қилса, битта каттакон чақирволиб, нима учун Абдулла Ориповнинг шеърларини чиқардинг, ундин қилма, оқибати ёмон бўлади, дебди. Мен, бу гапинг янгилик эмас, дедим унга, менга яқин юрсанг, ўзингга қийин бўлади. Кеча Италия элчи-хонасидан бир хабар келди. Дан-

тедан қилган таржима учун менга Италия ҳукуматининг мукофотини беришибди. Яқинда шу мукофотни топшириш маросими бўлади, келасиз, дебди элчи. Энди ким билан боришини ўйлаб ўтирибман. Мен билан борадиганга албатта зарарим тегиши мумкин-да. Мен буни истамайман.

– Унақамас, бундай унтуилмас маросимда иштирок этиш ва сизнинг қаватингизда туриш ҳар бир шеърият ихлосманди учун баҳт! – Бу гапим жуда тантанали чиққани ўзимгаям сезилди.

– Жуда кўп ўқинаман, – деб хўрсинди устоз. – Жуда ўқинаман.

Ўртага чўккан сукунатдан фойдаланиб, устозга “Чўққидаги қуёш”ни кўрсатдим. Абдулла aka шошмай қўлига олди, орқа-олдини айлантириб кўрди. Очиб, вароқлади. Кейин нимадандир кўнгли тўлмагани юзидан сезилди.

– Чиққанми бир-икки дона? – деб сўради.

– Йўқ, тўрттагина чиқарганимиз, компьютерда, сизга кўрсатиш учун опкелувдик, – менинг ўрнимга жавоб берди Муҳаммаджон.

– Бу китобнинг кўрининиши менга ёқмади, – деб орага сукилди Абдуфани. – Офармленияси фарид. Муқовасиям... Қандайдир, публицистиками-е! Шеърият сезилмайди. Менинча, муқовада сизнинг суратингиз бўлиши керак. Ичидаим турли характердаги суратларингиздан фойланиш зарур. Менда ажойиб суратларингиз бор.

– Лекин формат, деймиз-у, қадди-қомати шу, шундайми? – сўради устоз.

– Шундай-шундай...

– Китоб номи...

Абдулла аканинг хаёлланиб тургани “лоп” этиб устознинг “Мен шоирман, истасангиз шу” деган мисрасини эсимга тушириб юборди-ю:

– Китобни: “Мен шоирман, истасангиз шу”, деб атамиз! – деб юбордим. Ўзингизнинг шеърингиз.

– Ана бу бошқа гап! – деб ўрнидан туриб кетишига сал қолди

Абдуфани Жуманинг. – Бу ҳақиқий шеърият алломаси тўғрисидаги китобга мос. “Мен шоирман” катта-катта ҳарфларда, “Истасангиз шу” кичикроқ ҳарфларда ёзилса ва шоирнинг ҳайқириб шеър ўқиётган сурати берилса, бениҳоят гўзал бўлади!

Фикрлар устозгаям маъқул тушгандай бўлди назаримда.

– Ҳа, энди, бу – нисбий. Айнан бошимиздан ўтганиям, қисматимизам шу. Аммо сурат танлашда эҳтиёт бўлиш керак. Ёшлик ҳам, кексайган вақт ҳам ёмонмас-у, аммо, умумий ўрта ёшдаги ҳолат бўлса тузук. Ҳозиргисиям бўлади-ку, энди, 75га кирганда, мен шоирман, деб турса, унча ярашимли чиқмайди. Суратнинг муносабини танлаб, Абдусаидга кўрсатинг-да, ука, бу кишига маъқулини қўйинг. Ўрта ёш тўғри келяпти. Ўрта ёш, менинг назаримда, шоирликни белгилайдиган давр хисобланади.

– Устоз, хўп десангиз бир суратга тушиб кўяйлик, – фурсатдан фойдаланиб таклиф киритди Абдуфани Жума. – Яна ўн йиллардан кейин қараб, э-э, шу суратдаги бизми, дейсиз.

– Кейинги гапингиз яхши бўлди, – деб кулимсиради Абдулла aka. – Сурат деганиям бир тарих. Вақтида ёшлик қилиб, эътибор бермаганимиз. Кейин қарасам, Қайсин Кулиев, Давид Кўғилтинов, Чингиз оғалар билан тушган суратлар боракан. Йиртилиб, сарғайиб кетиби. Оммалаштирганимнинг сабаби, андиша қилганман, шуларнинг отига мингашиб олиби, дейишмасин, деб. Ваҳоланки, кейин ўиласам, бундай қараганда, улар инсониятнинг фахри-ку! Чингиз aka билан мен кейинги даврда жуда яқин эдик, единомишиленнигимсан, дерди у киши. Жуда кўп дардлашардик.

Бир кун Абдуллајон, деди. Ҳа, десам, қизиқ-қизиқ гаплар кўп-ку. Биздинг президент, Акаев менга, бу ўзбек деганинг тинмай байрам қип жатир, Навоийни бир

байрам қиласы, Берунийни бир байрам қиласы, Бобирни, Улуф-бекни бир байрам қиласы. Сенда бизға бировини товиб бер, дейди. Жўгини қайдин топаман, дедим. Кейин, сиз Манасни кўтаравуинг. Манасдай улуф достон дунёда кам. Шуни кўтаравуинг, дедим. Шулайми, деди. Шулай, дедим, дейди. Энди, дедим Чингиз оғанинг бу гапларидан таъсирланиб, сизнинг ўрнингизда Худони қаромати билан мен бўлганимда, қизиқ бўларди, дедим. Не дер эдинг, деди. Мен, Президентингизга Манас билан Айтматовни кўтаравуинг, деган бўлардим, дедим. Кулворди. Ҳали кўрасиз, Манас билан икковингизнинг ҳайкалингиз Бешекни қоқ ўртасига қўйилади, дедим. Ўтиб кетди дунёдан Чингиз ақаям. Онда-сонда телевизорни бураб ёнимиздаги давлатларни кўриб тураман. Бир кун мундай қарасам, Бешекни ўртасида икковининг ҳайкали туриби. Бечора, ўзи кўрмади-да...

— Башорат қилган экансиз-да! – ҳайратини яшиrolмади Абдуғани.

— Мантиқ, – изоҳлади Абдулла ака. — Энди, ўлиб бўлганидан кейин, ҳозир, дунёning қаерида, қайси қирғизни учратсанг, гадайям, бойиям, сен қаерликсан, дессанг, Чингиз Айтматовнинг юртиданман, дейди. У миллатнинг байроғи бўп қолди.

Устознинг бу ҳикояси ҳам кулгили, ҳам ачинарли эди.

— Шунақа дегандайин, – деб давом этди Абдулла ака. — Чингиз оға оламдан ўтганда биздан Анвар Жўрабоев борди жанозасига. Уям ўтиб кетди. Борсам дейди, ўтвадан чиқармай, қараб туришган экан Ўзбекистондан келади, деб, дейди раҳматлик Анваржон. Мен келдим, десам, хурсанд бўлишди, дейди.

— Боя италянлар ҳақида гаплашдик, – деди Абдулла ака. — Ана шу италянлар миллат. Мени СССР вақти чақиришди. Самолётдан тушган замон Дантенинг таржимони келди, деб ҳамма ўраб

олди, гуллар отади. Ўзи италянлар сайроқи бўлади, кўп гапиради. Лекин улуф миллат. Инсоният камоли шулардан бошланган. Римдан. Кейин, яна самолётга чиққанимда, сизлардай тўртта йигит таржимон билан мени ўраб олди. Жаноб, дейишди. Ҳа, дедим. Сизга раҳмат, сиз ҳозир бизни бирлаштиргингиз, сизнинг қиёғангизда Данте бирлаштириди бизни. Бизга тўртта партиянинг раисимиз. Ҳаммамида биттадан писталет турибди. Ҳозир чиқиб отишишимиз ҳам мумкин. Лекин Данте деганда бирлашамиз. Миллат деганда бирлашамиз, сиз келдингиз, ҳаммамиз келиб, мана, биргаликда иноқ бўлиб ўтирибмиз. Данте учун, Ватанимиз байроғи учун бирлашдик. Чиққандан кейин яна ҳалиги гап, деди. Ана шуни миллат, дейди. Тўртта душман партия, битта столда ўтирибди. Данте учун. Энди солиштириб кўринг?..

— Абдулла ака, Навоий бобомизният ўқияпман. Навоий бободаям бу ҳасрат боракан.

— Навоий бобонгнинг дарди сарой билан боғлиқ, – шу заҳотиёқ жавоб берди устоз. — Саройни айттолмаган, ўзи ишлайди, дўсти пошшо. Шунинг учун сарой деб отини айттолмаган. Сарой фитна, иғонинг кони бўлган. Ана шу гап ҳозиргача бор. Ана шу сирни очсанг, бу гапни чеरез-чөрэз қилиб етказишади, саройни ёмонлаяпти, деган айбни бўйнингга бўйинтирик қиласи. Навоий ҳозиралам замонавий, демоқчиман.

Ҳанифаҳон янгамиз патнисда таом келтирдилар.

— Первий тайёр бўлдими? – ҳазиллашди устоз косаларни дастурхонга қўймоқчи бўлиб. Лекин Муҳаммад билан фотограф бара-варига интилиб косаларни устоздан олдинроқ ушладилар.

— Янга, сизният чарчатдик-да, – деди хижолат билан Муҳаммад.

— Ундеймас, устозларингиз сизларни кўрганда яйрайдилар, – деди янгамиз.

— Олинглар, – дастурхонга манзарат қиласи янгамиз чиқканларидан сўнг устоз. — Шундай гаплар-да. Олинглар.

Сұхбат бир нафас тўхтади. Гапсуз жаранг кумуш қошиқларнинг чинни косаларга теккан товуши билан алмашди.

— Кеннойим маставани боллабдилар, – деди Абдуғани.

— Маъкулми? Ош бўлсин.

Ундоғ бўлса, бундан кейин маставаҳўрлик қиласиз деб “Бочка”га бориб юрмай, тўғри шуяқа кела-верасилар, – Абдулла ака шу сўзларни айттаётib косадаги қошиқни тақсимчага қўйди, сўнгра косани иккала қўли орасида ушлаб кўтариб, аста-аста хўплади. Хўплай туриб: – Сизларни билмайман-у, мен суюқ овқатни кўтариб ичмасам, ичгандай бўлмайман, деб кулимсиради.

— Товуққа дон бергандай, – дедим ва бир латифа эсимга тушди. Таомланишни тўхтатиб, айтиб бердим: – Парижнами, Римними дунёга машхур ресторонларидан бирида неча юз киши овқатланадётган экан. Иккита ўзбек ҳам бор экан уларнинг орасида. Эшмат, қара, хув тўрдаги столда ҳам битта ўзбек овқатланяпти, дебди биттаси. Иккинчиси ҳайрон бўлиб, қаёқдан билдинг, деса, биринчи-си, косани кўтариб овқат ичишидан, дермиш.

Латифа устозга ёқди. Елкала-рини силкитиб-силкитиб кулди.

— Американи томошаем қилгандирсиз? Қанақа экан? – сўради бир зумлик сукунатдан кейин Абдуғани.

— Яхши сўрадингиз. Ўзим айтмоқчи бўлиб турувдим. – Абдулла ака шундай деб ўтирган жойида бир қимирлаб олиб давом этди: – Мамлакатга кирган заҳоти кўзга ярқираб ташланадиган биринчи нарса бу – демократия, эркинлик. Ҳамма нарса ўз номи билан айтилади. Мисол учун, бизда ёлғончилик одамнинг энсасини қотиради. Лекин ҳамма шунга кўнишиб қолди, бирор

“ФИНГ” демайди. Ҳатто, об-ҳаво маълумотиям нотўри айтилади. Чунки у кимларгадир ёқиши көрак эмиш: ҳаво очик, ҳештима ёғмайди, даздраствуйте! Қаранг, об-ҳаво бизнинг кайфиятимизга қараб қовоғини уйиши ёки уймаслиги керак экан. Олишиб ўтиргилар-да, – гап орасида манзиратният унутмади Абдулла ака. – Техасда бир орол бор экан, оти бир нарса эди, күёвим, юринг, Атлантика сувида бир чўмилиб қайтасиз, деди. Невараларим билан бирга бордик. Орол ўзимизнинг Сирдарёдай жой экан. Бир суткага бориб вилла заказ қилдик. Икки қаватли уйлардан бирига жойлашдик. Ҳамма нарса тайёр туради, ош-овқатингизни пишириб, еб-ичиб қайтаверасиз. Оролга паромда ўтилар экан. Шу орол халқининг ўз закони борақан. Кимки оролдагиларни авомсан, қолоқсан, маданиятинг паст, иккинчи сортсан деса, ниҳоятда катта жаримага тортилар экан. Кейин ўша гуноҳкорнинг фамилияси компютерига ёзилар ва иккинчи марта киритилмас экан. Шундай аҳвол мабодо яна такрорланса, қаматиб юборилар экан суд қилиниб. Ҳали айтганимдай, Сирдарёдай жой, одамлар юрибди лунгига, яримяланғоч. Уларга қарасам, ҳалиги закун эсимга тушади, кўринганга ҳадеб салом бераман, ёки “хўй-ў”, деб қўяман. Кейин битта шеър ёздим. Техасда шундай орол бор, халқини ҳақорат қилсанг катта жарима тўлайсан. Бу ёғида ўзимизнинг гаплар эсга тушиб, жуда-а қаттиқ бурадим, Тошкент кўчасида юрган олифта тирранча, даладан келган бир мўйсафид бобойни, сенсирайди, ҳақорат қилади “қишлоқи”, деб. Сени ота-бо-бонг, устозларинг бир кун бўлсаням шу оролда ётиши керак, деб. Шу шеър анавида, интернетда чиқди. Болаларим айтди, қаранг, бирори жавоб ҳам ёзибди, деб. Қарасам, балодай ёзипти. Шо-

ирнинг таклифи ниҳоятда яхши, энди шу таклиф асосида қонун қабул қилиш керак, дебди. Мисинча тегибди шеър, дедим. Бу ёғини айтадиган бўлсак, фақат Америка эмас, ер юзида ҳамманинг ҳуқуқида бу. Ўша ерда бирорта қора танлини ҳалигидай қилиб кўринг, калласини сапчадай узуб ташлайди, мени нимага камситасан, деб ёки бошқа. Мана бу тарбия.

Гап-гап билан косалар бўшагани билинмай қолди.

– Янгамиз соғ бўлсинлар, минг раҳмат! – биринчи бўлиб миннатдорчилик изҳор қилди Абдуғани.

– Аёлларимиз меҳмондўстликни, мазали таомлар тайёрлашни янгамиздан ўрганишлари керак. – давом этди Мұхаммад.

– Энди бу ҳаммаси, садағанг кетай, меҳмонларнинг шарофати билан, – деб илтифот кўрсатди устоз. – Меҳмон келавурса, таом тайёрлайвурса, одамнинг тажрибаси ошади. Шундан овқат ширин бўп боради. Меҳмон келмай кўйса, овқат ёввойилашиб кетади.

Устознинг бу камтарона лутфи ҳам жуда жойида айтилди.

– Янгам эллик ёшга тўлганида банкет қилиб берувдингиз...

– Ҳа, Ширин кафесида, – Абдуғанининг сўзи тугамай, уни тасдиқлаб кўйди устоз.

– Шунда кўп расмлар қип берувдим. Негативлари менда бор. Лекин янгамда бормикан?

– Туритти-туритти, янгангиз чақалоқни йўргаклагандай қилиб албомга белаб қўйибди.

Мұхаммад во-ҳо-холаб қаттиқ кулиб юборди.

– Ана-мана дегунча 15-20 йил ўтибди-я. Абдулла ака, бизнинг дуомиз ҳам чаккимас – ўтади, илойим, қўша қариб юрингизлар. Юрайлик, бизар ҳам ёнларингизда ҳавас қилиб.

– Бир куни бир майлисда ўтирибмиз, унда силар йўқ. Яшин ака бор, у киши союзимиз раиси. Бир маҳал, пастдан овоз чиқди: палончи-палончиев

ҳам президиумга сайланси-ин! Яшин ака кўзини пирпиратиб ўтирибди. Ўзи бўйи паст, кичкинагина, устига-устак кўзини қисиб олган, кўрмади. Мен кўриб ўтирибман, ҳалиги одам яна турди: “Яшин ака, президиумга палончиям сайланс-и-ин!” Залда бир юз одам ўтирибди. Яшин ака шовқинни эшитиб кўзини очиб, қўлидаги қалам билан олдидағи шишанинг қорнига мундай-мундай қилиб уриб-уриб қўйди, тинчлик сақлансан, дегандай.

Фамилияси нима айтган одамингни, деди кейин. Ҳа, фалонча. Чиқсин бу ёқса, деди. Чиқди. Қарасак, президиумга номзод ўша одамнинг ўзи экан. – Шундай ҳангомани эшитгандан кейин ҳам кулмаслик мумкинми? Шодон қаҳқаҳа анча давом этди. – Яшин ака пайғаганиям йўқ. Шундан фойдаланган ҳалиги. Унга союздан хат керак экан ўғлини армиядан олиб қолиш учун. Энг қизиги, ўша хатни тайёрлаганлар тескари, яъники, армияга олинсин, деб ёзишибди. Үқимасдан қўл қўявурладиган одати бор эди раҳматлик Яшин акани. Давр айланиб келиб, мен ҳам союзга раҳбар бўлиб қолганимдан кейин, шу кишининг креслосида ўтирибман, бир ҳол-аҳвол сўраб келай, деб бир куни бир банка асал олиб уйига бордим. Борсам, балкончасида ўтирган экан. Калта иштонда, олдига эскироқ адёлнамо бир нарса ёпиб олган. Қўзғалганда адёл сирғалиб тушиб кетади. Вағиллаб учиб-қўниб юрган пашшаларни кўрмайди, кўзини юмиб ўтирибди, кулиб. Дарров бориб пашшаларни ҳайдаб, тиззасидаги адёлни тўғрилаб қўйдим-да, Яшин ака, мен келдим, палончаман, дедим. Э-э, келдингми, деди чиройи очилиб. Ҳа, шундай, дедим. Бу қизиқ экан, деди ўтирган жойида секингина қимирлаб, креслода ўтирганимда тинмай одам келарди. Тўқсон фоизини танимасдим. Энди ҳеч

ким келмайди, деди. Шундай бўлади, Яшин ака, дедим. Уяғини қўявуринг, сизга тоғнинг тоза асалини опкелдим, бир totиб кўринг, дедим. Тоза асал деганинг нима, ажабланиб сўради у киши, асалнинг нотозасиям борми? Сизлар ҳозир, 90 йил яшаган, чақалақлиғидан халқнинг ичидаги бўлган одам наҳотки шуни билмайди деб, ўйлашларинг мумкин. Лекин билмасиди. Эсини танигандан бошлаб тирикчилиги ҳукумат магазинида ўтган, йўқчилик эсидан чиқиб кетган. Мен шуни билардим. Оқсоқолга шошмай тушунтирдим: асалари дегани бир қатра бол тўплаш учун ҳар куни камидаги ўттиз чақирилмалар учиси, ҳар бир янтоқдан мунча-мунча бўлсаям асал топиб келиши сизга маълум, дедим. Эшитганман, деди. Асаларичилар шакарни қайнатиб шинни қилиб, тарелкачага солиб асаларининг олдига қўяди. Ари буни кўради-ю, ҳар куни 30 километр учуб жинниманми, деб тайёр шакарни маза қилиб туширади-да, асал қилиб чиқарди, десам, тиззасига бир урди. Вой қизталоқ одамзодлар-ей, асалариниям бузган экан-да, дейди. Энди умрида уйида овқат пиширгаган Ҳалима опа келади, хизматкор икковига дастурхонни тузаб кутиб олади. Ҳалима опа уйидаги кухнияга умрида кирган эмас. Ҳар куни меҳмонга чақирилади. Бир элликта қизча юради уйида. Бирори Ҳалима опани шогирди, бирори Яшин акани қариндоши ва ҳоказо. Яшин ака билан Ҳалима опа, Худо раҳмат қилсин, мен уларнинг фарзандидай бўлиб қолгандим. Уйида одамни жонидан бошқа ҳамма нарса бор эди. Лекин пишириш эсдан чиқиб кетган. Кейин Баҳодир деган ўғли бор эди. Ҳозир борми, йўқми, билмайман. Узун бўйли ўрис хотини бўларди. Баҳодир мен билан соз эди, урарди арақни. Бир куни Баҳодир ака, дедим, бирон жойда



ишлаганмисиз? Йўқ, деди. Нимага, десам, Ҳалима Носирова билан Комил Яшиннинг ўғли бўп кўринг, шунда биласиз, деди.

– Яна хонада кулги кўтарилди.  
– Тарбия ўрисча-да, яллизлаб ўтирамайди. Юзи Ҳалима опага ўхшаб кетарди. Бўйи Яшин акадан ўн баравар баланд эди. Яшин аканинг ўзи яхши одам эди, фақат давр шунаقا қилиб қўйган.

Абдуғани устозга чой куйиб узатди.

– Укалар, сизларни вақтларингни кўп олмаяпманми?  
– деди чой хўплай туриб Абдулла ака. – Мен бекорчи, сизлар ишли одамсизлар.

Устозникида узоқ қолиб кетганимизни ана шунда англаб қолдик.

– Олис Америкада юрганда чойхона гурунглари кўп эсимга тушди, – деди хайрлашаётганимизда Абдулла ака. – Муҳаммаджон, ўзингиз боз бўлиб, шу савобли юмушни ташкил қилмайсизми?

– Эртагаёқ ест қиласиз!  
– Эртага эмас-у, лекин бир ёзилиб ўтирасак бўлмайди. Сал ўзимга келволай, вақтини ўзим айтаман.

Бу сұхбат 2015 йил 16 ноябр куни бўлган эди.

Орадан уч-тўрт кун ўтди.

Китоб тақдирини ўйлаб, ҳар куни алланималарни интиқ бўлиб кутаман. Ахир, устознинг фикрлари мен учун ниҳоятда муҳим ва қадрли эди-да.

Ниҳоят, мени интизор қилган хушхабар Муҳаммад Исмоил орқали етиб келди.

– Ака! Дўрмонга келувдим. Ҳозиргина устознинг ёнидан чиқдим! – деган жарангдор овози эшитилди телефонда унинг. – Устоз китобингизни ўқибди...

– Нима дедилар? – саволга тутдим сабрим чидамай.

– Зўр! Ниҳоятда самимий ёзибди. Менинг шеъриятим қанча яшаса, бу китоб ҳам ана шунча яшайди, дедилар! Қолган гапларни чойхонада ўзига айтаман, дедилар. Табриклайман!

Абдулла аканинг бу баҳоси мен учун энг олий мукофот эди. Севинчдан бошим осмонга етди.

– Чойхонани тезлаштирайлик ундан бўлса! – қистадим Муҳаммаджонни.

– Аввалги гап – вақтини ўзлари айтар эканлар.

Афсуски, Абдулла Орипов билан чойхонада гурунглашиш пешонамиизда йўқ экан. Устоз даволанишни давом эттириш учун яна Америкага кетдилар. Ва...  
Бошқа юзма-юз ўтириб сұхбатлашиш насиб этмади...



# Искандарнинг шохи бор!..

*Таниқли шоир Одил ҲОТАМОВ билан сұхбат*



**— Сизда адабиётга ҳавас қағон уйғонган, матбуотдаги илк чиқишиларингиз, сүнгра, биринчи китобингиз ўқувчилар қўлига етиб борган дамларни бир эслаб ўтсангиз.**

— Бу саволингиз менга олис болалик йилларимни яна бир марта эслатди. Ўтган асрнинг эллигинчи йилларидағи мактаб дарслерлари, бадиий китоблар, айниқса, халқ эртаклари кўз олдимга келди. Ўша пайтлардаги имло қоидаларига биноан “ўқувчи” сўзи “ўқучи”, “билан” сўзи “блан” тарзида ёзилар эди.

Ўй тўридаги токчаларни отам ўқиган, энди ўқийдиган китоблар әгаллаган. Ҳали ҳарф танимаган тўрт-беш ёшларимда уларни менга Зулфия опам (мени кўтариб катта қилган холам Зоҳида Маманазаровани ҳаммамиз Зулфия опадер эдик) ўқиб берардилар. “Уч оғайни ботирлар”, “Муқбил таштар” ва бошқа халқ эртаклари менга ёд бўлиб кетган.

Қаҳратон қишида ҳафталаб, баъзан ойлаб ерларни шудгор қилишга кетган отам керосин, солярка ҳиди ўтириб қолган кийимларини алмаштириб, ювениб, сандали (танча)га ўтирас, чой

ишиб бўлгач, бироз мизғиб оларди. Кейин токчадаги китоблар сандали устига тушарди. Отам ўзбек тилида, мен ҳали тушунмайдиган рус тилидаги китобларни аввал бир варақлаб, сўнг ўқишга киришардилар. Ўқиб-ўқиб ухлаб қолардилар. Отамнинг устига кўрпа ёпиб қўярдим.

Тўғри, у пайтларда “адабиёт” сўзининг луғавий маъносини тушунмаганман. Тенгдошларим қатори мен ҳам ҳарф таниб, савод чиқардим. Мактабда она тили, математика, физика, кимё, биология фанлари қатори адабиёт ҳам ўқитиларди.

Онам ҳар икки гапларининг бирига мақол, турли ибораларни қўшиб ишлатардилар. Масалан, “Бунга соя ҳам керак эмас, ҳамсоя ҳам...” каби.

Қачонки, адабиёт ҳақида ўйласам, онам билан Зулфия опамнинг қуёшдай чехралари кўз олдимга келади.

Демак, адабиётга илк ҳавас болалигимда уйғонган. Мактабни шу қадар яхши кўрар эдимки, қайтишда кимдир мени судраб уйга олиб кетаётгандай туюларди. Икки кўзим орқада: мактабда...

Биринчи синфни битиргач, ёзги уч ойлик таътил мен учун ит азобига айланди. Кунда-куноша бориб мактабимни, синфимизни, ўтирадиган биринчи партамни кўриб келаман. “Партангни ҳидлаб келдингми?” деб қўярдилар опам.

Охири, “Мактабимни соғиндим” сарлавҳали “шеър” ёзиб юбордим дёнг.

Зулфия опам мактабда ёшлар етакчиси эдилар. Менинг ажи-бужи ёзган “шеърим” мактаб деворий газетасига чиқиб, овоза бўлиб кетди. Ўша йиллари ҳамқишлоғимиз, бўлажак шоир Сулаймон Раҳмон мактабимизнинг тўрттинчи ёки бешинчи синфларида ўқирдилар.

— Шу “шеър”ни ўзинг ёздингми ёки опанг ёрдамлашдими?

Сулаймон аканинг саволига жавобим шу бўлди:

— Ўзим ёздим. Мактабимни соғиндим-да!

— Яхши! Кўпроқ шеър ёдла!

Туман газетасида чоп этилган биринчи мақолам пахта йифим-теримида қатнашган чолу кампирлар ҳақида эди. Исми шарифлари газетада чиқкан боболару момоларнинг менга айтган раҳматлари ҳамон қулоғимда.

Худонинг берган куни туман газетаси таҳририяти йўлини чукур қиласр эдим. Ёзиг борган уч-тўртта “мақолам”дан биттаси чиқса ҳам мен учун байрам. Адабиёт фани ўқитувчимиз Узоқ ака Ҳайитов мени қўллаб-кувватлаб турдилар. У киши туман газетасининг қишлоғимиздаги энг фаол муҳбири. Маҳмуд Саъдий таъбири билан айтганда, “шеър” деб аталган “тимтимак”ларимнинг барчаси таҳририятга борган хатларнинг рўйхатини оширган, холос...

Тошкентда ўқиб юрган йилларимда бекободлик дўйстларимдан бири икки-учта машқ шеъримни оққа кўчириб, Бекобод тумани газетасига олиб борган. Рауф Парфи кўпинча “Бу воқеа қачон содир бўлди?” деб кўярди. Алқисса, мен учун бу “тарихий” воқеа 1970 йил 9 май куни юз берди... Ўшандаги 20 ёшда эдим.

Биринчи тўпламим 1985 йилиFaafur Fулом номидаги Адабиёт ва санъат нашриётида (“Булоқ кўз очди” жамоа тўпламида) “Кечки майсалар” номи билан чоп этилган. Ўша йиллари шеър ёзиш масъулияти жуда юксак, тўплам чиқариш эса ўҳҳу-у!.

Фарғона вилоятидаги бир неча мактаб ўқувчилари ушбу камтарона тўпламдаги шеърларимга муносабат билдиришган. Пойтахтимиздан, бошқа вилоятлардан бўлган ҳаяжонли телефон қўнғироқлари... Ўзимча осмону фалакда учиб юрган кунларим... Адабиётшунослардан бири баъзи камчиликларимни ёзиб, бироз танобимни тортиб кўйган. Тортинчоқлигим туфайли тенгдошларим орасида ҳаёт неъматларига кейинроқ эришганман.

Хуллас, ёзаверсам, гап кўп.

**– Қандай устозларнинг таълимини олгансиз? Улар турмуш тарзингизга, ижодий фаолиятингизга қандай таъсир этган?**

– Аввало, дунёдан ўтган устозларимнинг азиз руҳларини

Аллоҳим ўз раҳматига олган бўлишини тилайман.

Отам, онам, Зулфия опамни, адабиёт муаллимларимиз – Узоқ Ҳайитов ва Норқул Аҳмедовлар биринчи устозларимдир. Университетда Бегали Қосимов, Файбулоҳ ас-Салом, Ботирхон Акрамов, Тальят Солиҳовларнинг ўй-хаёлларимиз, орзуларимизга қанот боғлаган узундан-узоқ маърузлари... Озод Шарафиддинов, Умарали Норматовларнинг донишмандона давра сұхбатлари... Эркин Воҳидов, Абдулла Орипов, Рауф Парфи, Омон Матжон, Ҳалима Худойбердиева мушоиралари...

Курсдошларимиздан бирининг таъбири билан айтганда, Тальят Солиҳов домламиз Мопассаннинг “Дўндиқ” ҳикоясини моҳир жарроҳ сингари “операция” қилиб, ҳикоя қандай ёзилишини кўрсатиб берганлар.

Улар менинг ҳамду саноларимга, олқишлиаримга, боринг, ана, мақтовларимга муҳтоҷ эмас.

Бегали Қосимовнинг илм-фанировожи йўлидаги фидойилиги тилларда достон.

Шогирдпарвар Файбулоҳ ас-Салом домламиздан олган инсонийлик сабоқларимиз бизга ҳозир ҳам аскотмоқда.

Ботирхон Акрамов эса (мустабид тузум даврида) жонини гаровга қўйиб, Пайғамбаримиз ҳадисларининг мазмун-моҳиятини онгу шууримизга сингдиргандар.

Тальят Солиҳов, Файбулоҳ ас-Салом чет эл адабиётининг зукко билимдони сифатида биз учун ҳамон тирик.

Озод Шарафиддиновнинг “сопини ўзидан чиқарувчи” енгил юморга, кулгига бой ўғитларию сұхбатларини унугтиб бўлар эканми...

Ёшларнинг севимли устози Умарали Норматовнинг юраги, бутун илмий ва бадиий фаолияти меҳр булоғига қиёс...

Устоз Эркин Воҳидов адабиётда улкан мактаб яратиб кетди. Бу мактаб халқимизнинг келажакда

ҳаётга қадам қўядиган миллионлаб фарзандлари учун юксак инсонийлик дорулғунуни бўлиши аниқ.

Шак-шубҳасиз, Абдулла Орипов шеърияти миллатимиз қадри, шаъни, орияти учун тикланган ҳайкал – бадиий обида.

Талабалик йилларимизда Рауф Парфи ижодидаги ватанпарварликка, миллатпарварликка, мажнунона фикрлаш тарзидаги тафаккур салоҳиятига ҳавасимиз юз эмас, минг чандон эди, ҳозир ҳам.

Менга қолса, Ҳалима Худойбердиева шеърни эркакчасига ёзади. Ҳозирги айрим “тимтимак”лардан Ҳалима опанинг бир мисраси авто. Худо хоҳласа, ҳадемай ўзининг етмишинчи баҳорига қадам қўядиган опанинг асарларида буюк Тўмарис меҳри, Широқ шиддати-шижоати мужассам...

Ўзбекистон Республикасида хизмат кўрсатган журналист, раҳматли Қосим Ҳасановдан касбга, оиласа, дўйстларга садоқатни ўрганганман. Таҳририятимиз дарвозаси ёнида устоз Қосим аканинг мармарга ишланган сурати бор.

Сайди ака Умиров домламиз билан ҳозир ҳам гоҳо телефон орқали ҳол-аҳвол сўрашиб турдим, гоҳида эса ватанпарвар фотограф Абдуғани Жума устахонасида ҳозирги адабий жараёнларнинг у бошидан кириб, бу бошидан чиқамиз.

Ҳаётимда ул-бул “нимарсалар” қоралашимда камина учун фоят азиз бўлган бу инсонларнинг ўрни ва аҳамияти бекиёс.

Туғилажак фарзандга отонани танлаш имконияти йўқ. Шогирдда эса... Мабодо, Худонинг қудрати билан қайтадан дунёга келадиган бўлсан, яна шу азиз устозларимнинг этагидан маҳкам тутардим.

**– Одил Хотамнинг ижодхонаси қандай олам? У асарларини қандай яратади? Ижод жараёнингиздаги изтироб ва севинч ҳақида сўзлаб берсангиз...**

– Тўғриси, бу саволингизга жавоб қайтариш мен учун бироз эмас, жуда нокулай.

Бир неча йил илгари пойтахтдаги ижодкорлардан бири оғзини тўлдириб шундай деб қолди:

– Устозим уйимизга келганида “Ижодхонангни кўрсатасан?” деб туриб олди. Олиб кирдим. Ранг-кути учиб кетди: “Менинг ижод намуналарим – асарларимни нега иш столингга қўймадинг? Улар сен учун адабиёт дарслиги-ку! Мана бу бурчакка Афродита ҳайкалини кўй! Уйга ўтсанг, дунёга машхур рассомларнинг асарлари рўйхатини бераман. Камида ўн-ўн бештасини танла! Энг сўнгги модадаги гилам ҳам келтир. Ҳар куни икки дона атиргул бўлсин! Келинга айт, кунда-куноша эринмай уларни

алмаштириб турсин!” дедилар. Ер ёрилмади, ерга кириб кетмадим. Устоз топшириқларини бажардим, фақат Афродита ҳайкали топилмади. Бир шогирдимнинг отасига заказ бердим. Икки-уч кунда тайёрлаб етказади. Устозим айтганларидай – “бу ҳайкалча илҳом манбаи”.

... Оббо!.. Ана, бўлмасам... менда бунақа музей – ижодхона йўқ, ўзимга яраша ижодий оламим бор, холос.

Кечираису “асарларим” дешишга тилим бормаяпти. Нимани қойил қилиб ёзиб қўйдим, ўзи... Тўғри, бир неча тўпламим чоп этилган.

Шеър қофозга қандай тушади? Баъзан бир мисра ёки биттагина сўз ҳақида йиллаб ўйлайсиз... Гоҳо кутилмагандан...

Ижодий оламнинг дарвозаси ҳам, таъбир жоиз бўлса, пойдевори ҳам, боринг, ана, ҳавоси ҳам СЎЗ... Яқин дўстингизга, қадрдингизга айланган китоблар. Беназир устозларнинг ўғитлари. Кўп ийллик тажриба... Мен учун буюк тарихимиз, бугунги улуғвор эврилишлар, атрофимиздаги одамларнинг орзу-армонлари, биз етишга илҳақ бўлган келажак қофозга тушадиган битиклар бешигидир.

Ижодий жараённинг ўзига хос изтироблари, севинчлари хилма-хил, унутилмас... Антон Чехов сиёҳдон ҳақида роман ёзиши мумкинлигини айтганидек, улар хусусида ёстиқдай-ёстиқдай китоблар ёзса бўлади. Борингки, шундай китоблар ёзилди ҳам денг, аммо саноқли кишилардан бошқа ҳеч кимга уларнинг кераги йўқ.



Ҳар бир ижодкорнинг ўз ижодий олами бор, бўлган, бўлади.

**— Айтинг-чи, шу пайтгача чоп этилган китобларингизнинг сони, умумий адади қанчага етди? Уларнинг ҳаммасидан кўнглингиз тўлганми?**

— Шу пайтгача менинг номим билан бешта шеърий тўплам, битта ҳужжатли қисса чоп этилган. Ўндан ортиқ жамоа тўпламларини ҳисобга қўшмадим. “Онажон” тўплами бир неча йил мобайнida уч марта нашр этилди.

Шу ўринда ўтган асрнинг 80-90-йилларида шоирнинг биринчи китоби 10 минг нусхада, Эркин Воҳидов, Абдулла Орипов ва бошқа машҳур шоирларимизнинг тўпламлари 35 минг нусхада, улкан адиларнинг романлари 80 минг нусхада чоп этилгани бор гап.

Неча йиллар илгари ёзувчи Ашурали Жўраев таникли шоир Хуршид Даврон асарларининг адади бир миллион нусхадан ортгани ҳақида ҳазилнамо бир нарса ёзган эди.

Кейинги йилларда “Шарқ” нашриёт– матбаа концернида таникли шоирларнинг асарлари беш минг нусхада босилмоқда. Умуман олганда, ҳозир халқ шоирларию халқ ёзувчилари ҳам китоби адади билан мақтанолмайди.

Ўзбекистон Ёзувчилар уюшмаси томонидан ўтказиладиган “Истевъодод мактаби” республика ёш ижодкорлар семинарида нашрга тавсия этилган “Биринчи китобим” рукнидаги тўпламлар “Ижод” фонди томонидан молиялаштирилиб, 20 минг нусхада чоп этилиши ёш ижодкорларимизга қанот бўлаётгани шубҳасиз.

Нашриётларда йилдан-йилга китобнинг нархи ошиб бораюти.

Ҳозир интернетдан дунёдаги таникли адиларнинг истаган асарини саноқли дақиқаларда чиқариб олиш имконияти бор.

Бир замонлар пойтахтимизда бир йил Осиё, Африка ва Лотин

Америкаси кино ижодкорлари фестивали бўлиб ўтса, кейинги йили худди шу қитъалар ёзувчи ва шоирларининг халқаро анжуманлари, мушоирлари ташкил этилар эди. Келган ёзувчи ва шоирлар китобларининг адади 200-300 нусхадан ортмаслигини кўриб, таажкубдан ёқа ушлар эдик.

Сўзларимни ажойиб адид ва адабиётшунос Аҳмад Аъзамнинг “Тил номуси” (Тошкент “Akademnashr”, 2013) китобидаги мисол билан давом эттирасам: “Саксон еттинчи йилмиди, ёзувчилар уюшмасига Париждан “Аксисон поэтик” деган журнал вакиллари келди. Улар билан танишдик, суҳбатлашдик. Гапдан гап чиқиб, қайсимиздир бизда Эркин Воҳидов, Абдулла Ориповнинг шеърий тўпламлари саксон-юз минг нусхада чоп этилишини айтган эди, француزلар анграйиб қолди. “Сизларда қанча нусхада босилади?” – деб қизиқдим, э-э, буларни тоза уриб кетган экан-ку деган маънода. Улардан бири: “Юз-икки юз нусхада. Буни ҳам шоирнинг ўзи чоп қилдиради, ёру дўстларига тарқатади, ўтса, яна чиқаради. Катта тираж беш юзга боради-да”, – деди. Мен ажабланиб: “Дунёга машҳур шоирларингиз ҳам шу аҳволдами?” – деб сўрадим. “Ҳа, мен буюкларни айтаяпман”, – деди. “Шеърият бундай бўлса, прозанинг аҳволи қандай? Масалан, Францияда яшаётган Нобел мукофоти лауреати Семьюэл Беккет асарлари қанчадан босилади?” – деб сўрасам, “Беккетни уни тушунган одамларгина ўқииди. Булар ҳам кўп эмас. Беккет театри ҳам бор, унга эллик-олтмиш хос муҳлисларгина тушади”, – деди. Мен Чингиз Айтматовни сўрадим, “Унинг асарлари катта тиражларда босилар экан-ку сизларда ҳам?” деган саволимга: “Ҳа, Айтматов катта тиражда босилади. Лекин у бестселлер”, – деб гапни лўнда қилди” (81-82-бетлар).

Ўзимни жабрдийда қилиб

курсатмоқчи эмасману кейинги йилларда ўндан ортиқ шеърий ва насрой тўпламларимни турили нашриётларга олиб бордим. Нархи осмонда. Орадан йиллар ўтиб, уларнинг деярли барчасини қайтариб олдим. Фарзандларимни ўқитдим, оила, рўзгор ташвишлиари, дегандай. Айрим катта-катта пулдор ташкилотлар раҳбарларига шеър бағишлаб китоб чиқаришга эса ҳеч уқувим йўқ. Бу билан шундай қилаётгандарнинг устидан кулмоқчи эмасман. Адабиёт ҳар қандай шахсий манфаатлардан устун ва холи бўлиши керак-ку, ахир...

“Шарқ юлдузи”, “Ёшлик” журнallарида, “Шарқ зиёси” ва бошқа газеталарда мунтазам қатнашиб келаман. Машқларни канда қилганим йўқ.

Шу пайтгача чиққан китобларим ҳақида турли фикр-мулоҳазалар билдирилди. Уларни тўғри қабул қилдим. Ҳар кимнинг ўз қаричи бор, албатта.

Мақтаниш ёки катта кетиш эмас-ку, раҳматли шоир дўстим Назар Шукур хотирасига бағишлиган “Юксакдаги дараҳт” ҳужжатли қисса ҳақида Қашқадарёда, Навоийда, пойтахтимизда анча-мунча самимий муносабатлар билдирилди. Хатоларим ўзимники, агар бор бўлса, ютуқларим, озми-кўпми, китобхонларники. Бу тўпламларимдан кўнглим тўлди, дегани эмас.

**— Хотираларда ўқиймиз: бир вақтлар шоирлар варанглатиб шеър ўқишиган, тингловчилар олқишилаган. Бугун бу ҳол йўқ. Бунга баъзилар ҳозир шеърни ҳамма ўзича – телефонда, компютерда ўқииди, эштади, деб изоҳлаши мумкин. Лекин бошқа ҳолат ҳам бор: бугун даврада шеър ўқишига кўпчилик ийманади. Шуни сиз ҳам сезганмисиз? Бунинг сабаби нимада?**

– Ҳа, айтганингиздек, бир вақтлари шоирлар варанглатиб

шеърлар ўқишаар эди. Ўтган асрнинг 70-йилларида бир машҳур шоир Тошкентга келиб, “Залда беш минг киши бўлмаса шеър ўқимайман” деб туриб олади.

Билмадим, Тошкентда қандай, лекин жойларда мушоиралар, олқишилар ҳамон авжида. Масалан, Навоий давлат педагогика ва кончилик институтларида шундай. Бу олий таълим даргоҳлари ўқитувчиларининг аксарият қисми шоир. Уларнинг шоирликка асло даъвоси йўқ...

Айтганинг тўғри: ҳозир ҳамма телефонда, компютерда ёзади, ўқийди, тинглайди.

Кўйидаги мисол жойига тушадими-йўқми, билмадим. Бир пайтлари университетдаги домламиз – масалчи шоир Мухтор Худойқулов янги масал ёзиб, бизга ўқиб бергани ёдимда. Унинг мазмуни шундай: “Бир курка тўқай тўрида учиш назарияси бўйича бургут полапонларига узундан-узоқ лекция ўқийди. Семестр якунида имтиҳонларни аъло ва яхши баҳоларга топширганларнинг қувончи чексиз. Домланинг ҳам кайфияти зўр. Нега аъло бўлмасин, ахир, шогирлар ҳаво сокин ёки турли даражада шамол турганда неча градус бурчак остида қанот ёзиш кераклигини яхши ўзлаштириб олишиб.

Курка хурсанд ҳолда сўнгги саволини ўртага ташлади:

– Кимда қандай савол бор?

Охирги қатордаги эндиғина тухумдан чиққан полапон ўнг қанотини кўтаради. Устоздан ижозат бўлгач, савол беради:

– Домла, ҳаммаси яхши бўлдию, шу...

– Хўш?

– Би-и-ир учуб кўрсатмадингиз-да, устоз!

Домланинг ҳамон шашти баланд:

– Учишни бошқа домладан ўрганасизлар!

Шу билан семестр якунланади...

Вилоятимизга бир шоир келди. Теша тегмаган саволлар, кутилмаган жавоблардан ҳамма ҳайратда.

Тадбир ниҳоясида зал адогидан бир қиз шоирдан шеър ўқиб беришини илтимос қилди.

– Ҳамманг мана бу китобимдан сотиб олгансан, тўғрими?

– Ҳа! – залнинг турли жойларидан узуқ-юлуқ товушлар эшитилди.

– Уйга бориб, ёнбошлаб бемалол ўқийверасанлар! Мен аэропортга шошаяпман!

Ҳар-ҳар жойда шап-шуп чапаклар... Шу билан шоир бирорта ҳам шеър ўқимай келган жойига жўнаворди...

Агар зерикмаган бўлсангиз яна бошқа бир мисолни айтсан...

80-йиллар ўрталарида бир тўйга бордик. Тўйни қайси бир тумандан келган 35-40 ёшлардаги киши олиб борди. Ишонасизми, қарийб икки-уч соат давом этадиган давра шиддатли шеърлар билан бошланди. Таклиф этилган созандою хонандаларнинг тоқати тоқ. Тасаввур қилинг: “отарчи”лар “қистир-қистир”дан қолишшаётпи. Рақкосалар аламидан аччиқ-аччиқ шароб ичмоқдалар. “Состав” “каттаси” тўй эгасига ўдағайлайди.

– Сизларга келишилгани бўйича тўлайман! – дейди тўй эгаси.

– Мен бу йигитга ҳавасим кетиб олиб келганман. Қаранг, Эркин Воҳидовдан, Абдулла Ориповдан қандай зўр шеърлар ўқияпти!

– Биз қанча навалдан қолаяпмиз! – жазавага тушади “катта”.

– Бўлмасам... Ҳозир, шунисини тугатсин! Ўзим айтаман!..

Шу орада чироқ ўчса бўладими... Давра раиси микрофонсиз шеър ўқийверди. Кейин товуши чиқмай қолди. Давранинг эркаклар ўтирган томонида “жангу жадал” авжида: шақару шуқур!!!

– Шеърни зўр ўқир экан-эй! – дейди бирори.

– Оч қоринга шеър ёқадими, ҳа, жигар...

Яна шақара-шуқур...

Ярим соатлар ўтдими, чироқ ёнди. Мусиқа варанглаб, “Лаълихон” ҳаммани даврага чорлади: “кишан-кишан” бошланди. Қолганлар аланглайди: ҳалиги шеър ўқиган давра раиси кўринмади. Битта-иккитаси тўй эгасидан сўради, у елка қисди.

Рақкосалар давра айланишга тушиди. Пуллар дарёси... Бунинг оти – “навал”...

Орадан анча вақт ўтиб, кимдир гап топиб келди. Ҳалиги йигит хув наридаги “Жигули” ичидаги масти бўлиб ётган эмиш... Эртасига маълум бўлди: бу ишни “отарчи-санъаткорлар” уюштиришибди... Шу-шу ўша йигит қайта тўйга чиқмайдиган бўлди...

Менимча, бугун кўпчиликнинг шеър ўқишига ийманишининг сабаби...

### – Ёзиш қачон эҳтиёжга айланади? Шоир учун ёзолмай қолиш нима?

– Эшитгансиз... Искандарнинг шохи бор!.. Ёзиш ана шундай ўжар эҳтиёжга айланиши керак. Усмон Носирнинг сўнгги кунларини хаёлан кўз олдингизга келтиринг... Менимча, ёзолмай қолиш шоир учун Усмон Носирнинг сўнгги кунидир.

Шу пайтгача ёзганларим олтин суви югуртирилган байтлар эмаслиги ўзимга аён.

Шоир ёзолмай қолишидан ўзи арасин.

### – Адабиётнинг, ижоднинг, илҳомнинг илоҳийлиги ҳақида нима дейсиз? Шоирга илҳом қанчалик зарур?

– Бунга Алишер Навоидан, Лев Толстойдан, жаҳонга машҳур бошқа ижодкорлардан истаганча мисоллар келтириш мумкин. “Худо юқтирмаса, мол бозорига даллол ҳам бўлолмайди” деган мазмундаги гап бор. “Истеъдоднинг 99 фоизи меҳнат” деган ҳикматни эшитгансиз. Қолган бир фоизи юкоридан.

Бани башарга сув билан ҳаво, олов билан тупроқ қанчалик зарур бўлса, шоир учун илҳом ҳам худди шундай... Ўтқир Ҳошимовнинг “Асар илҳом билан яратилиши керак” деган мазмундаги гапини яхши биласиз. Менимча, илҳом ҳолати ижодкорнинг қайсиидир маънода Оллоҳга яқинлашишидир. Мендан оширига таърифлайдиганларнинг ҳалоли бўлсин.

**— Бугунги кунда кўпчилик ижодкорлар, айниқса, ёшлар ижодида мадҳиябозлиқ кучайиб кетгандай. Ёш қизчалар, дейлик қўғирчоги мушуги, ҳа, ана, дугонаси, онаси ҳақида ёзиши табиий-масми? Наинки, ватанпарварлик, унга жон фидо қилишни қаламга олса... Бу ҳол соҳталикни келтириб чиқаришга ва алал-оқибат-туйгуни ўтмаслаштиришга хизмат қилмайдими?**

— Бошқаларни билмадиму, менбоп савол. Бунинг ҳаётий сабаби бор, албатта.

Гап шундаки, қарийб қирқ йилдан бўён таҳририятимиз хузуридаги “Чашма” адабий тў-гараги машғулотларини ўtkазиб келаман. Тўгарагимизнинг собиқ аъзолари туманимиз, вилоятимиз, республикамиз миқёсидаги турли матбуот нашрларида, радио ва телевидениеда, бошқа соҳаларда қизғин фаолият кўрсатишмоқда. Кўпчилигининг неча-неча китоблари, таржима асрлари ёруғлик юзини кўрган. Улардан бир неча нафари Ўзбекистон Ёзувчилар уюшмаси аъзоси.

Тўгарагимиз аъзоларининг аксарият қисмини шоира, қизлар ташкил этади. Агар вақтингизни олмасам, журналхонни зериктирмасам, иккита мисол келтирсан майлими?

**— Марҳамат!**

— Раҳмат! Йигирма йилча илгари 2– ёки 3-синфда ўқийдиган бир қизалоқни отаси таҳририяти-мизга етаклаб келди:

— Қизим Ватан ҳақида шеърлар ёзган. Ўшаларнинг тўрт-бештасини Тошкентга юбормоқчиман!

— Ҳали шошмай туринг, вақти бор! Қизимиз тўгаракдаги ака-ларига, опаларига етиб олсин. Кўли келгач, Сиз айтмасангиз ҳам нафақат Ватан ҳақидаги, балки бошқа шеърий машқларини ҳам ўзим республика газета ва журналларига юбораман! – Сўнг қизалоқ юзландим:

— Уйингда олма дарахти борми?  
— Сизга неччи кило олма кепар! Ҳозир келтириб бераман!  
— деди у.

Орадан икки-уч кун ўтиб яна келди:

— Шеър чиқарадиган жой билан гаплашдим, “юборинг” дейишиди.

— Онаси, олма дарахти, қўғирчоги, товуғи, мушукчаси ҳақида ёзсин, демоқчиман.

Ота безовталанди:

— Нима, Ватан ҳақида ёзмасинми? Нега унга қаршилик қиласиз?  
— Қизимиз улуғ Ватан туйғусини ҳозирча сиз ёки менчалик ҳис қилмайди-ку.

— Сиз нимани ҳам тушунардингиз! – деди отаси.

— Ҳали ҳам кеч эмас, юборманг! Кўли тўғри бўлсин! Шошқалоқлик қилманг!

— Э!..

Эртасига у менга қўнғироқ қилди:

— Юбордим!

— Оббо!..

Икки-уч ҳафталар ўтибми, у сувга тушган латтадай бўлиб келди...

— Хўш?

— “Шеърларингизни олдик, ёзаверинг!” деган жавоб хати келди.

— Шу билан қизингиз истеъоддли бўлиб қолдими?

— Совға-повға юборишадими, деб ўйлаган эдим.

У индамай чиқиб кетди... Қизи тўгарагимизга қайта қадам босмади...



Иккинчиси эса қуидагича: мактаблардан бирининг маънавият ва маърифат ишлари бўйича директор ўринbosари иккита папкани столимга қўйди:

— Еттинчи синфда ўқийдиган бир қизимиз зўр шеърлар ёзиб, тўплам тайёрлаган. Мана буниси лотинда, буниси кириллда. Отаси нашриёт билан гаплашган. Сўзбоши ёзиб берасиз. Китоб қилиб чиқарамиз!

Папкаларни очдиму...

— Домла, шошмаяпсизми?

— Йўқ, нимайди?

— Мен ҳозир...

Кўшни кабинетга ўтиб шоир, таржимон Вафо Файзуллоҳнинг “Жон йўли” шеърий тўпламини келтирдим-да, папкалар устига қўйдим:

— Буниси лотин имлосида, буниси кирилдагиси!..

Муаллима аввалига ҳайрон қолди, сўнг китобларни вараклади, папкаларни очди, солишириб кўрди. Ҳалиги қиз китоб муқовасидаги муаллиф ўрнига ўзининг исми шарифини қўйган, тўплам номи ўзгарган. Қисқаси, китобни нуқта-вергулигача кўчириб олган.

— Кечирасиз!..

Муаллима кўзда ёш билан чиқиб кетди. Кейин эшитсан мактабга қизнинг ота-онасини чақиртириб, мухокама қилиби...

Афусски, бундай мисоллар битта-иккита эмас.

Шундай ҳолда ҳис-туйғулар қандай ўтқирлашсин? Ҳар қандай шароитда ҳам ёшларга тўғри йўл кўрсатиш бизнинг вазифамиз. Улардан умидимиз катта.

**— Адабиётнинг жамиятда тутган ўрнини сиз қандай тасаввур этасиз ва адабиётимизда қандай анъаналар давом этишини, қандай иллатлар барҳам топишини истар эдингиз?**

— Кўнгилга ўтиришадиган савол, унга жавоб қайтаришим шарт ва зарур, албатта.

Эрнест Хемингуэй “Чол ва денгиз” асари учун олган ўша Ноғель мукофотини. Нега айнан шу қисса учун? Негаки, бу мўжаз асарда инсон матонати улуғланиди.

Адабиёт – адаб, одоб. Адабиётсиз жамият бир қадам ҳам олға силжимайди. Менга қолса, жамият улкан машина бўлса, адабиёт уни ҳаракатга келтирувчи куч.

“Уткан кунлар”, “Мехробдан чаён”, “Навоий”, “Улуғбек хазинаси”, “Юлдузли тунлар” асарлари миллий адабиётимизнинг ноёб дурдоналари. Уларда анъаналаримиз бетакрор ёрқин бўёқларда муҳрланган. Табиат тасвири, қаҳрамонлар портрети...

Кейинги йилларда яратилаётган айрим насрый асарларда қаҳрамоннинг асл қиёфасини илғай олмайсиз.

Раҳматли Аҳмад Аъзам вафтидан бир ҳафтами-үн кун илгари қўнгироқ қилиб қолди.

— Нималар ёзаяпсиз? – сўрадим ундан.

— Ҳа, шу, соғлиқ...

— Хабарим бор, лекин сиз бекорчи эмаслигинизни яхши биламан.

— Бир нарсалар қоралаяпман, жўра. Асар диалоглардан иборат бўлади. Табиат манзаралари ҳам, қаҳрамонлар портрети ҳам сұхбат жараёнида очилиб бораверади...

Аҳмаднинг бу қўлёзмаси ниҳоясига етганми-йўқми, билмайман.

Тўғриси, ҳозир яратилаётган асарларнинг айримлари жаҳон адабиётининг баъзи намуналарига тақлиддан бошқа нарса эмас.

Назар Эшонқул, Хуршид Дўстмуҳаммад асарлари бундан мустасно. Ҳақиқий миллий асаргина ўз эътибори, қадрини топади, ўша машҳур масалда айтилганидай: “Тарихда мисоллар жуда кўп бунга...”

Дарвоқе, иллатлар ҳақида... Ўрик, гилос, олмалар пишиши билан оиласиз бекалари улардан мураббо тайёрлаб, қишига олиб қўйишади. Агар “банка” талаб даражасида қайнатилмаган, мева-чева яхши ювилмаган бўлса, вақти-соати билан ўша “банка” қопқоғи албатта “отилади”. Мабодо, қопқоқ отилмасдан аввал кимдир уни истеъмол қилса, заҳарланиши, шубҳасиз. Хоҳ каттами-кичикми, бундай “асар” ўқувчи қалбини заҳарлаши табиий.

Мазмуни ҳамду санолардан иборат, ялтироқ муқоваларда чоп этилган ана шундай “китоб”ларни кўрганимда Абдулла Қаҳҳорнинг “Бу асарни “дўппимни ҳидлаб-ҳидлаб ўқидим” деб ёзгани ёдимга тушади. Жасоратли адабиётшунос олим, ҳозирги замонавий тил билан айтганда, битта таҳлилий мақола билан ана шундай “китоб”ларнинг “жойини кўрсатадиган” Озод Шарафиддиновни эслайман...

Қани Озод акадай адабиётшунослар!

Биз улкан тараққиёт асри фуқароларимиз. Айни шу кунларда Саҳрои Кабирда улфатлари билан гап-гаштак, масалан, пи-воехурлик қилиб ўтирган Мажнуннинг (Худо кечирсин!) Такламакан чўлларида сочини қирқтириб, қошларини тердириб, (Астағфуруллоҳ!) дугоналари билан “кола” ичиб турган Лайлига SMS орқали севги изҳор қилишини бир тасаввур этиб кўринг... Бу ақлга сифадими?..

Гапни кўпайтирмай. Менимча, иллатлар ҳақида адабиётшунослар гапиргани маъқулмикан... Чумчук сўйса ҳам...

**— Бугунги ўзбек адабиётини янада ривожлантириш учун нималар қилиш зарур деб ҳисоблайсиз?**

— Менга қолса, айрим ёзувчи, шоирларимиз манманлик, кибру ҳаво, маҳаллийчилик осмонидан бир замонлар уларни улгайтирган ерга қайтиб тушсалар...

Ойдами-ийлдами, озиб-ёзиб вилоятлардан пойтахтга бир бориб қолган, нашриётлар эшигига сарғайиб турган ижодкорларга ҳам одамдай муомала қилсалар, ҳеч бўлмаса, ўзбекчилигимизни унутмай, одамдай саломлашишга одатлансалар... Ҳаддингиз сифиб, бир замонлар сизга таниш бўлган ижодкор ҳузурига борасиз... У эса... “осмонни ушлаб” туриди. Агар у қўйворса борми...

Давлатимиз томонидан адабиётимиз равнақи учун кенг имкониятлар яратиб берилмоқда.


Шоир, ёзувчи, умуман, ижодкорлар халқни эзгуликка бошловчи кишилар эканлиги аён ҳақиқат. Гоҳо “Ижодкорларнинг ахлоқ кодексини тузиш керакмикан?” деган хаёлларга борганимни билмай қоламан.

Нима бўлганда ҳам худо ҳар кимнинг ўзига инсоф берсин! Ҳар ким ўз ажали билан ўлади. Ҳар ким ўз қўли билан ёзади.

Қолгани – ВАҚТнинг олий хукмидаги...

Хурмат қилиб сұхбатга чорлаганингиз учун минг раҳмат!..

**Сұхбатдош – Фиёсиддин ЎНАРОВ**



# МАҲБУСНИНГ ИККИНЧИ ХАЁТИ

Новелла



**Неъмат АРСЛОН**

1

Ҳар доим аввал ўзини ясайди Шодия. “Аёл олдин пайдо бўлган, чунки у эркакни туғади”, дейди. Ишонаман. Ҳақиқатан ҳам аёл бўлмаса эркак туғилмайди-да... Кейин мени ясайди ва кўрпача устига ётқизиб қўяди. Мана, Шодия ёнимда ётиби. Эгнида кўк баҳмалдан нимча, сариқ шоҳидан этаги узун кўйлак, унинг остида мисқолгарди деган матоҳдан терлик. Докадек юпқа, чорхона гулли бу матоҳни мисқолгарди деб аташарди аёллар, балки ҳозир ҳам аёллар лафзида бордир бу сўз, аммо болалигим ва ўсмирилигим ўтгандан кейин қайтиб кўрмадим бундай матоҳни.

Икки дона супурги чўпи, бир дона тугма ва бир уюм олақуроқ латтадан иборат менинг вужудим. Ҳавас ва завқу шавқ билан қарайман унга. Қора тиринкадан тикилган шимим ҳам, йўл-йўл қандир кўйлагим ҳам ўзимга қуиб қўйгандай. Фақат ўзимдаги сирлилик ўзимни бироз чўчитади. Оппоқ, жуда оқ, қордай менинг юзим. Оқ сурп устида “Х” белгиси. Бу белги икки қатор қизил, уч қатор яшил ва тўрт қатор қора ипак қатими-

дан иборат. Мавҳумлик ва тақиқ аломати бор бу белгида. Агар тугма топилмаса, Шодия менинг ўзимни гулхайри мунчоғидан ясайди. Биз қалдирғочкула буталари остидаги соя-салқин уйда яшаймиз. Бу уйни ўзим қурганман. Эшик-деразаси йўқ, том тепаси очик, фақат уй атрофи лой девор билан ўраб олинган. Уй тўрида олақуроқ кўрпа-ёстиқлар икки қатор қилиб териб қўйилган. Бизни оҳанрабодек ўзига тортади фақат бармоқларимизгина сифадиган бу уй.

Шодия одатдагидай бугун ҳам уйни супуриб-сиридри, нонушта ҳозирлади ва дастурхонга омин ўқилгандан кейин мени ишга кузатиб қўиди. Ишхонам икки қадам наридаги дараҳт тагида. Мен сочувчиман, магазинда ишлайман. Вазифам нималигини аниқ билмаганим сабабли дараҳт ортида бироз ўтираман-да уйга қайтаман. Биз “келин-куёв”миз. Тик турган ҳолда овқатланганимиздан сўнг хона ўртасида осмонга қараганча қўлларимизни кенг ёйиб ётамиз, ёки хона тўридаги тахмонга сунянгача тик турамиз. Шодия тугма билан супурги чўпидан эркак ва

аёлни, сўнгра бир гала бола-чақаларни “халқ” қилган, яъни вужудга келтирган. Инсонни бунёд этиш унчалик қийин эмас: супурги чўпининг бир учига тугмани қўяди-да, бармоқлари билан қисиб ушлаганча бир парча оқ сурп билан тортиб ўрайди: одамнинг юзи шундай ясалади. Қўлни ясаш бироз қийинроқ. Юзни ва қўлни ўз ўрнига ўрнаштиргунча мен ўзимнинг “оёғимдан” тутиб тик ҳолатда ушлаб тураман. Қандир, тиринка ва сатин қийқимларидан кўйлак-иштон кийдирилганидан кейингина мен одам суробига келаман. Ва шундан кейингина эркакка айланаман.

Шодия дунёда энг латофатли “аёл”. Айниқса, бошга киядиган заррин қасаваси жуда безакдор. Унинг қўғирчоқлик ҳаётини кўзда тутяпман. (Ҳаётда эса бечорага аёл бўлиш насиб этмади). Хуллас, ўзи яратган аёлни атлас қийқимларидан тикилган кўрпачага ётқизиб қўярди-да, сўнгра мени “бунёд этарди”. “Бу сен бўласан”, дерди ҳали кийим киймаган ва демакки одам қиёфасига кирмаган чўпнинг учидан ушлаб туриб. Ва лабларини қимтиганча ишга

киришарди. Нозиккина бармоқларининг чаққон ҳаракатига қараб турарканман, ўз шаклу шамо-йилимининг чиройли чиқишини истардим. Менга “тиринка” деган дағал матоҳдан иштон кийгизарди. Оёқларимни ушлаб кўрар, эта-гимни кўтариб шиммимни ип билан маҳкам боғлар ва ётқизиб кўярди. Сўнгра ёнимдан ўзи жой оларди. Унинг либослари майин ва чиройли, соchlари қўнғир ва мафтункор. Бошида нафармон рўмол, унинг тагида сербар қасава. Шодия бундай нарсаларни ясашга уста. Бир бўлак латтани икки қатларди-да, ўртасига қаттиқроқ қофоз парчасини қўйиб, қўғирчоқнинг пешонасига тортиб боғлар ва устидан рўмол ташлаб кўярди. Мехр билан безанган келиннинг қиёфаси менга Шодиянинг ўзидан ҳам жозибалироқ кўринар ва унинг ёнида жон-жон деб ётардим.

Бугун мен ҳар қачонгидан ҳам савлатлироқ ва кўркамроқман. Эгнимда ола тўн, белимда са-

риқ рангдаги шоҳидан белқарс, бошимда кўк матоҳдан салла, иштоним ҳам бинойидек. Биз юмшоқ тўшак устида қўлларимизни икки ёнга ёзганча чалқанча тушиб ётибмиз. Энди Шодия ҳам, мен ҳам йўқмиз. Фақат қўғирчоқлар бор. Биз уларни ҳаракатга солиб турувчи кучмиз, холос. Қўғирчоқларнинг ҳаёти – ҳақиқий ҳаёт. Агар инсонга айлансанак, бизни ҳаракатга солиб турувчи қўғирчоқлар таъсирига тушиб қоламиз.

2

Ё Парвардигор! Қаердаман ўзи?! Бир умр қўғирчоқ бўлиб қолсам бўлмасмиди? Ахир, менинг бошқа тилагим йўқ-ку. Битта чўп, бир дона тугма ва бир уюм латта. Ҳеч кимнинг ҳақини емайман, ҳеч кимга ҳасад қилмайман, мансаб деб елиб-юргумайман. Шунда мени ушлаб кетиша олмасди. Қўғирчоқлар учун на суд, на милиция бор. Улар ҳатто солиқ ҳам тўламайдилар.

Турманинг зах ва совуқ хонасида бурчакка тиқилганча чўнқайиб ўтиарканман, ҳаётимнинг энг баҳтли лаҳзаларини эслашга уриндим. Сон-саноқсиз юзлар, башаралар, чеҳралар, афту ангорлар орасидан бир нарса ойдек балқиб кўринди. Танидим уни ва ҳаяжонланиб кетдим. Бутун вужудим “Шодия” деган сўз таъсирида яйраб, яйралиб ҳаво каби енгил тортиб, қўшилиб кетди коинот зарраларига. Мен бор овозим билан қичқирганча унга талпиндим: “Шодия!.. Шодия!..” Турма деворлари шаффофф тортиб мен ҳибсдан озод бўлдим ва ўзимни гуркираб ўсиб ётган ва жўшқин гуллаган қалдирғочкулча буталари орасида кўрдим. Мен яна қўғирчоққа айландим.

... Ўша ҳолатда – гўёки осмонни бағримга босмоқчи бўлгандек – қўлларимни кенг ёйиб чалқанча ётибман. Осмон эса узоқ, тубсиз ва беғубор. Беғубор... ҳақиқатан ҳам беғуборми болаликнинг ос-

Расмларни Оловиддин Собир ўғли чизган.



мони?! Ёки қачонлардир кимdir айтгану ҳамон ўзгаришсиз келаетган таърифми? Шодия ҳам ёнимда худди менга ўхшаб осмонга тикилганча ётибди.

– Эртага ишга борасизми? – дейди Шодия.

Индамай бош силкийман. Инсон табиатан ялқовликка мойил. Гоҳида бирор саволга “ҳа” деб жавоб беришга ҳам эрингандай бош силкиб қўяқолади. Яна Шодиянинг овозини эшитаман:

– Қайтишда нон олиб келинг...

Хўрсиниб қўяман. Рўзгорни таъминлаш учун эр сифатида темтиниб юрганимнинг ифодаси бу. Зеро, биз нондан бошқа егуликлар ҳам бўлиши мумкинлигини фира-шира тасаввур қилсан-да, рўзгорнинг боши нон деб тушунамиз. Бироз жимлиқдан сўнг Шодиянинг хавотирга тўла овози эштилади:

– Кечак... “Муаззамжоннинг пили сурати” хола келувдила...

Томоқ қириб қўяман. Бунда норозилик оҳанглари борлигини пайқайди Шодия ва индамай кутади.

– Янами?

Кўкрагим узра ёйилиб ётган соchlарининг силкинишидан унинг “ҳа” маъносида бош силкиётганини англайман. Бу хола кунора келиб туради. Унинг Муаззам деган қизи бор. Картон қофозга чизилган филнинг сувратидан бошқа бирорта жонзорт уларга ҳамроҳ эмас. Бу фариб оиланинг бор мулки ана шу фил суврати. Хола шу сувратни кўксига маҳкам босганча оstonада пайдо бўлади. Боши ўнг елкасига эгилган, вужуди қахратонда қолгандек қунишган, лаби титраб турибди. Шу сабабли лабларидан учайтган нимжон сўзлар ҳам титроқ:

– Холанг айлансин Шодижон... – Токи қўзлари намлангунча, бъазида икки томчи ёш мидираб тўкилмагунча сукут қиласи хола, сўнгра давом этади: – Муаззамжоннинг пили сувратини олиб бир кафтгина ун берсанг...

Шодия ярим пиёла унни холага тутади. Хола сувратни узатади. Шодия уни олмайди. Хола ерга эгилганча йўлга тушади. Кейинги кунларда хола келмай қўиди. Охири марта “пили суврат”ни олиб келиб бир бўлаккина нон олиб кетганди.

– Муаззамжоннинг пили сувратига нима бўлдийкан? – сўрадим нимадандир хавотир олаётганимни яширмай. – Фили қочиб кетмадимикан?

Шодия елка қисди. Бир муддат бир-биrimизга тикилганча жим қолдик. Сўнгра “хабар олиб келай қани”, деганча шоша-пиша йўлга тушди ва кўп ўтмай қайтиб келди. Кўзлари жиққа ёш. Хола оламдан ўтганини англашим.

### 3

Қулф ва калитнинг шақири-шуқиридан ўзимга келдим. Темир эшик даранглаб очилди. Икки нафар миршаб мени суриб-сургалаб йўлакка олиб чиқди. Ҳар иккала томони темир эшиклар ва панжаралардан иборат нимкоронги дахлиз бўйлаб бордик. Елкасида погони бор икки киши ўтиради хонада. Пешоналарида қизил юлдуз. Саволга тутишди.

– Отинг нима?  
– Остон.  
– Фамилиянг?..  
– Султонов.  
– Нечаки йилга қамалгансан?  
– Етти йилга.  
– Нима айб қилгансан?  
– Магазиндан, давлат магазинидан нон ўғирлаган, – жавоб берди менинг ўрнимга турма бошлиғи.

– Ўзим учун эмас, очдан ўлаётган бир бечора аёл учун... эри фронтда эди.

– Кимнинг магазинидан?  
– Ўзим ишлардим ўша магазинда.  
– Ҳимм... растрата!  
– Шундай, – жавоб қилди яна менинг ўрнимга турма бошлиғи. –

Етти тийин камомади бор...

Кейин мени ҳовлига олиб чиқишиди. Бу ерда юзга яқин, балки ундан-да кўп одам саф тортиб турарди. Темир йўл вокзалида ҳам тумонат одам. Ҳаммаси қамоқона кийимида. Биз узоқ йўл босдик. Қаерга олиб боришаётганини ҳеч ким билмасди. Поезддан тушиб солдатлар қуршовида пиёда кетдик. Ҳаммаёқ оппоқ қор. Бутун вужудим титрарди совуқ қаҳридан. Ниҳоят бир тепалик олдида тўхташга буйруқ берилиди. Шу ерда тепаликни айлантириб окоп ва траншеялар кавлашга киришдик. Тун тинч ўтди, аммо тонг отиши билан уфқда қорайб душман аскарлари кўринди. Ва ҳадемай тепалик томон бостириб келаверишди улар. Шунда бизни околардан қувиб чиқаришиди ўзимизнилар. “Олға!” деган буйруқ бўлди. Қўлларимиздаги бел ва пишангларни ўқталганча югурга кетдик... Бамисоли қўрқинчли туш. Визиллаб учарди ўқлар, ингранганча ийқиларди одамлар. Мен ҳам ийқилдим... Юзтубан ётибман. Жароҳатим у қадар оғир эмас, шекилли. Шундай бўлса ҳам индамай ётавердим. Ажнабий бақириқ-чақириклар. “Халт!” деган биргина сўз ёдимда қолди. Кимдир этиги билан қаттиқ туртди ва қичқирди: “Ауфштейн! Ауфштейн!” Хавф-хатар туғилганда ҳатто тулки ҳам ўзини ўлганга солади. Индамай ётавердим. Ўлган деб ўйлади, шекилли, устимдан босиб-янчиб ўтиб кетди бир гуруҳ солдат. Секин бошимни кўтаргандим йигирма қадамча нарида турган офицерга қўзим тушди. Қўлида тўппонча. Ҳеч шубҳасиз, мени пайқади ва тириклигимни ҳам билди. “Швайн!” деб дарғазаб бўлди немис офицери ва тўппончасини ўқталганча мен томон кела бошлади. Ажойиб бир фикр миямга келди шу лаҳзада. Барibir ўламан. Орадаги масофа тўрт-беш метрлар қолганда ўрнимдан сакраб турдим. Ва

қўлимни олдинга чўзиб, бор ғазабимни овозимга жойлаб баланд овоз билан қичқирдим:

– Ҳай Итлиф-FF!

Бир дам довдираб қолди офицер. Гитлерга соғлиқ тилаб турган кишини отиб ташлаш көракми-йўқми, шу ҳақда ўйларди, афтидан. Ва ниҳоят, пошналарини қарсллатиб бир-бирига урганча шошиб жавоб қилди:

– Хайл!..

Ўнг қўлида қурол борлиги сабабли шошилинчда чап қўлини кўтаргани ва бундай ҳаракат билан қонунни бузгани ёдига тушиб ғазаб билан вишиллади:

– Швайн!

– Ахтунг, панцер фрфлокт! – дэя ҳайқирдим бор овозим билан. Аммо бу сўзлардан бирортасининг ҳам маъносини билмасдим. Чўчиб атрофга аланглади офицер. Ҳақиқатан ҳам бақириқ-чақириқлар авжига чиқиб, чанг-тўзон ва қора тутун борлиқни қоплаб, тепалик ортидан қаторлашиб келаётган танклар кўринди. Ўзбекона таъриф билан айтганда ит эгасини танимасди. Олиб кетишди мени автомат қўндоғи билан турткиласганча. Аввал машинада, сўнгра поездда бегона юрт томон кетиб борардим. Тили, қиёфаси, дунёқараши, борингки, туриш-турмуши бутунлай бошқача, одамлар. Мускуллари ўйнаб турган баҳайбат бир немис қабул қилиб олди мени. Бу ер дала ҳовли эди афтидан. Дараҳтзор, баланд девор, бир томони ўрмон.

...Мана, уч ойдирки, шу ерда чўчқа боқаман. Бу бадхўр жониворлар учун бирорта тилнинг қадри ҳам, аҳамияти ҳам йўқ. Шундай бўлса-да, “швайн, швайн, халт!” дейман уларга қараб. Немис кулади. Ва “гут-гут”лаганча сигарета тутатади. Ишимдан мамнун. “Якши”, деб қўяди ҳар замон. Биламанки, ҳаётим шунинг қўлида. Ишлаб турган одам ҳамманинг қўзига яхши кўринади. Ана шу ақидага амал қиласман. Тинмай-

ман. Ҳамма жой саранжом-саришта. Орадан яна бир ой ўтиб Ҳанс мени уйига олиб кетди.

#### 4

Ўзим ҳам, меҳнатим ҳам унга маъкул бўлганини тушундим. Дарвозадан киришимиз билан бир гуруҳ ёш аёлларга кўзим тушди. Унча ёмон эмасди кўринишим. Ҳанс меҳнат ҳақимга пойабзал ва костюм олиб берган. Шу боис аёллар олдида унчалик хижолат чекмадим. Улар зўр қизиқиш билан кузатарди мени. Афтидан, Ҳанс уйига хабар қилган, уйидагилар ва қуни қўшнилар асир тушган “қизил солдат”ни кўриш иштиёқида тўплланган эдилар. Ҳанс аёллар олдидан мени намойишкорона олиб ўтارкан, қармоғига энг катта лаққа балиқ илинганд овчи қиёфасига киргани назаримдан четда қолмади. Бадавлат одам эди, афтидан, менинг соҳибим. Иккаламиз боғни айланиб томоша қилдик. Олмалар ширага кира бошлаган. Аммо узумлар ҳали хом. Молхонани ҳам кўрсатди менга. Қарийб ўн беш-йигирма қорамол жойлашадиган оғилда фақат битта ҳўқиз боғлаб қўйилган. Вазни ҳам чамамда бирор тонна бор. “Ҳаммаси сеники, ҳатто Астерий ҳам”, деди Ҳанс бақувват қўли билан ҳўқизга ишора қилиб. Назаримда немислар ҳазилга у қадар уста эмас. Ҳанснинг ҳазили ҳам жиддийроқ туюлди менга. Бу тилда сўзлар шиддатли, товушлар кескин, талаффуз аниқ. Душман билан немис тилида гаплашмоқ керак деб бекорга айтилмаган. Шунга қарамай, Гёте ва Шиллернинг шеърларидаги нафосат ва нозикликни ҳеч нарсага тенглаштириб бўлмайди. Яна бир жиҳати борки, немисларда буюк олим ҳам, буюк шоир ҳам ҳамиша муштини ишга солишга тайёр. Шарқона тавозе ва яна нимадир йўқдай бу халқда. Тилининг кескинлиги ҳам шунданми

деб ўйлайман. Ҳуллас, энди менинг катта боғим ва катта ҳўкизим бор. Ва лафзимда фикримни тушунтиришга етгулик немисча сўзим бор. Ҳанснинг юзига қараб уруш тарозуси қай томон оғаётганини англашга уринаман. Ёнига яқинлаштирмайди мени Астерий. “Шар” дейишади бизнинг Мираки томонларда бунақа жониворларни. Билмадим, қандай ўйинлар кўрсатаркан мабодо ечилиб кетгудек бўлса бу шоҳдор жонивор.

Бир ойдан кўпроқ вақт ўтди орадан. 21 июль. Бекамиз Аглаида хонимнинг таваллуд куни. Боғ ўртасидаги ўтлоқда зиёфат дастурхони ҳозирланди. Межмонлар қарийб йигирма киши бор. Ҳанс ва бир мункайган чолдан бошқа ҳаммаси аёллар. Оқшом палласи жой талашаётган майналардек чуғурлашарди улар дастурхон атрофида ўтириб. Бу пайтда мен дараҳт устида туриб олма терардим. Ногоҳ оғил эшиги қарсллганча очилиб кетди ва Астериининг баҳайбат шоҳли боши кўринди. Ўтлоқ саҳнида ўтирган одамларни кўрди жонивор ва ўйноқлаганча шиддат билан югуриб кела бошлади. Чор тарафга қочди саросимага тушиб қолган межмонлар. Шу келишда базм столини тагидан шохи билан илиб осмонга кўтардиган ҳўқиз. Ва идиш-товоқларнинг жаранг-жулинги садоси остида олға югарди. Қий-чув кўтарганча паноҳ истаб уй томон қочиб боришарди аёллар ва боловлар. Шохи атрофини ва пенонасини охир бурчагига, занжир боғланган қозиқка ёки бошқа бирор учли нарсага ишқалаш одати бор бу жониворларнинг. Астерий ҳам занжир сиқувидан озурда бўлган ва қичиётган шохларининг тубини ана шундай ишқалайвериб занзир ҳалқасини узиб юборган ёки бўшатган эди, афтидан. Ҳуллас, Астерий қочиб бораётган издиҳом орасидан Ҳанснинг ўн уч ёшли қизини танлаган ва қизнинг лоларанг юбкасидан бошқа ҳеч

нарса кўринмасди унинг қўзиға. Қиз қаттиқ чинқирганча мен олма тераётган дараҳт тагидан жон ҳолатда югуриб ўтди. Кўзи қонга тўлган Астерий уни таъқиб этиб келарди ҳамон. Қиз қочиб бораётган томондан эса нажот эшиги берк. Қўшни уйнинг баланд деворидан ошиб ўтиш иложсиз. Астерий ҳадемай унга етади ва қудратли шохлари билан... Ногоҳ унинг рўпарасида ҳай-ҳайлаганча Ҳанс пайдо бўлди. Аммо шу лаҳзада нафақат филдай Ҳанс, балки Африка фили бўлса ҳам шохига илиб отишдан қайтмасди Астерий. Шундай бўлди ҳам. Бир ҳамла билан йўлидаги тўсиқни итқитиб ташлаб, қизил юбка томон йўлини давом эттириди. Оний лаҳзаларда рўй берди бу воқеа. Ва мен нима қилаётганимни ўзим ҳам англамаган ҳолда дараҳт шохидан ерга сакрадим, балки йиқилиб тушгандирман. Мана, ҳўқиз Астерий ва одам Остон юзма-юз. Оёқларини ерга тиради шиддат билан югуриб келаётган Астерий ва рўпарасида турган жонзотнинг кимлигини, нималигини, кучини ва бошқа жиҳатларини аниқлаб олмоқчидай таққа тўхтаб, ногоҳ осмондан тушган жонзотга қараганча бир зум қотиб қолди. Албатта, унинг ўйлаб олиши учун бир дақиқа эмас, балки бир сония етарли. Шундан кейин шохи билан илиб осмонга отади мени ва яна йўлида давом этади. Албатта, бундай паллада энг машҳур испан матадори ҳам ҳеч нарса қилолмас ва унинг қўлидаги пичоғию қизил латтаси ўзининг қонига беланганд бўларди. Оёғини ерга тираганча бошини баланд кўтарди Астерий, қаттиқ пишқирди. Ва мени мўлжалга олди. Бу лаҳза астерий учун ҳеч нарса, аммо мен учун жуда қимматли. Қочишга улгурмайман. Ўзимни бир ёнга ташлаб йиқилиб қолишга улгурган тақдиримда ҳам Сафина омон қолмайди. Сафинанинг ўлими – менинг ўлимим. Шундай ҳолат юз берса, мен

ҳам тирик қолмайман. Ҳанс мени омон қўймайди. Чунки Астериийга қараш менинг ихтиёримга топширилган. Унинг занжирини мендан бошқа яна ким ёчиб қўйиши ва бу қизиқ томошани ҳўқизбоқардан бошқа ким ҳам уюштириши мумкин!? Ана шу фикрлар миямда яшин тезлигига чарх ураркан, қўлим ҳам яшин тезлигига ҳаракатга келди ва мен икки бармоғим билан Астериининг бурун каррагидан тутдим. Ва қаттиқ қисдим. Агар билсангиз, ҳўқизларнинг



ахелис товони, яъни энг заиф жойи – бурун карраги. Мен ҳеч қачон бундай қилиб кўрмагандим, аммо қассоб амакимнинг шу йўл билан ҳар қандай ҳўқизни бўйсундиришини кўп кўргандим. Бошини илкис кўтарганча тек қотди Астерий. Биринчи бўлиб Ҳанс ўзига келди ва қандай мўъжиза рўй берганини билиш учун ўрнидан туриб қўрқа-писа биз томонга бир неча қадам қўйди. Англадими, қўлимнинг ҳар қандай нозик

ҳаракатига ҳам бўйсунади энди бу баҳайбат маҳлуқ. Ва мен тантанавор бир алпозда ҳўқиз бошини Ҳанс томон бурдим. Ранги оқариб кетди унинг ва беихтиёр ортга тисарилди. Энди уй деворининг ташқи бурчаги билан зинапоя ортида тўпланишган ва беркинган жойларидан мўралашарди аёллар. Мен Астериини оғил томон етакладим ва майса билан қопланган ҳовли бўйлаб тантанавор қиёфада аёллар ёнидан олиб ўтдим. Оғил-

дан чиқишим билан меҳмонлар ва хонадон соҳиблари даврасига тушиб қолдим. Ҳанс ҳамон титраб-қақшаётган қизини қучоқлаб турар ва унга тинчлантирувчи қандайдир суюқлик ичиради.

– Сиз испанмисиз? – сўради ўттиз ёшлардаги латофатли бир хоним табассум билан. Қўрқувдан ўтакаси ёрилаётган оломоннинг биринчи саволи шу бўлди.

– Найн, их бин узбекиш. – Жавоб қилдим нафақат қутурган ҳўқиз устидан, балки бу оломон устидан ҳам тўла ғалабага эришганимни ҳис этиб немис тилида.

– Ўзбекларда сеҳргарлар кўпми?

– Матадорлар-чи?

– Балки сиз бирон-бир дуо ўқигандирсиз?

– Қандай дуо ўқидингиз?

– Астерий сизни тушундими?

– Агар Астерий яна чиқиб келса, шундай қила оласизми?

Бу саволдан кейин гёё Астерий яна чиқиб келадигандай қўрқув билан ҳамма оғил томонга қарди.

– Я, я, – деб оғил томон юра бошлагандим, “найн, найн” деганча бир аёл мени маҳкам қучоқлаб олди. Кейин бирдан хурсандчилик бошланиб кетди. Ҳанс столларни яна жойига ўрнатди ва қайтадан дастурхон ҳозирланди. Энди мен давра тўрида, Аглаида хонимнинг ёнида ўтирадим...

5

Уч йил ўтди орадан. Сафина энди ўн етти ёшда. Уруш тугаган. Сафинанинг амакиси, яъни мени асирга олган офицер жангдан қайтмади. Унинг русларга асир тушганлиги ҳақидаги хабар Ҳансни ва унинг оиласини чукур қайфуга солди. “Бўлар иш бўлди, энди сен укам ўринида укамсан, Ҳерманнинг хонасида яшайсан”, деди кунлардан бир кун Ҳанс. Жуда ноқулай сездим ўзимни ва бу таклифга рози бўлмадим. Ҳерман яшаган хонани унинг уй-му-

зейига айлантиришди. Кейин билсам, Ҳерман дурустгина шоир экан, унинг ёзган шеърларини ўқиб таъсирандим ва баъзиларини ўзбек тилига таржима қилиб Сафинага ўқиб бердим. Бизнинг тилимиздаги “ҳаё” деган сўз қизга жуда ёқиб қолди. Бунча майнин, бунча оҳангдор дея қайта-қайта тақрорлар ва бу сўз маъносини сўрарди. Афсуски, немис тилида бу сўз мазмунини меъёрига етказиз тушунтира олмадим. Шундай бўлса-да, мени кўрдими, худди саломлашгандай “ҳаё-ё-ё” деб кўядиган бўлди қизгина. Немисларда ҳам худди бизникидай “ҳ” товуши бор. Шу сабабли бу сўзни жуда чиройли қилиб айтарди Сафина. Бўлиқина, сербурим ва сервизик ҳамда ҳиссиётга тўла ва жуда сезгир лаблари худди хуштак чалаётгандай йифрилар, қошлари ҳам муҳаббат мавсумида рақс тушаётган қора илончалардай бир-бирига яқинлашиб бош кўтарганча титраб турарди. Одатда биз боғдаги баҳайбат дуб соясида ўтирап ва турли мавзууларда суҳбатлашардик. Ана шундай суҳбатларнинг бирида яна ўзбеклар тўғрисида сўраб қолди. Бизнинг қизларимиз кўпроқ қизиқтиради уни.

– Ўзбек қизлари қандай бўлади, кимга ўхшайди?

– Сенга. “Ҳаё” деганда худди бизнинг қизларга ўхшаб кетасан.

– Ибо десам-чи?

– Ўхшайсан.

– Ноз десам-чи?

– Ўхшайсан.

– Таман-но десам-чи?

– Бўлиб айтма. “Таманно” де...

Аммо қулоқ солмасди у ва аёллар аффектига, одатига, юз ифодасига хос сўзларни сўрайверарди. “Иффат”, “Фироқ”, “Карашма” каби сўзларни қийналиб бўлса ҳам талафуз қилар ва аёллар руҳий ҳолатини ифодаловчи сўзларнинг бу қадар кўплигидан ҳайратланарди ҳам. Кўп ақлли ва билимли эди қизгина. Бое адоғи-

да саир қилиб юриб ногоҳ қалдирфочулча бутасига дуч келиб қолдим бир куни. “Қалдирфочулча! Қалдирфочулча!” деган нидо отилиб чиқди бўғзимдан ва мен ёввойи гиёҳ пойига тиз чўқдим. Ёнимда Сафина борлигини тамом унугандим шу лаҳзада. Тамом ёлғиз эдим. Қалдирфочулчани бағримга босдим, унинг бинафшарангга мойил гулларини бекарор бир тарзда ҳидлай бошладим. Вужудимдан сирқиб келаётган ҳиссиётлар қайноқ ёшга айланиб кўзларимдан оқаётганини сезмасдим.

– Нима бўлди сенга, Остон?! – ҳаяжонини босолмай қичқириб юборди Сафина.

Гул бутасини яна ҳам маҳкамроқ қучоқладим мен.

– Остон!.. Остон!.. Остон!..

– дея елкамдан қучар ва вужудимни гул бутасидан ажратиб олмоқчидек силкиларди қизгина. Индамай ўрнимдан турдим. Қизга қарашга юзим чидамади. Ўнғайсизландим. Ва таскари қараганча муштларим билан кўзларимни ишқалаб туравердим. Кейин анча жойгача индамай бордик.

– Нима бўлди? Нега йиғлдинг? – дея яна сўроққа тутди Сафина.

– Сенга тушунтира олмайман, – дедим чукур ҳўрсиниб.

6

Қандай қилиб унга тушунтирам деб ўйлаб юрдим. Бизда ҳам шунақа гиёҳ ўсади, болаликда унинг тагида ўтириб ўйнардик, қўғирчоқлар ясардик, Қалдирфочулча уруғидан мунҷоқлар қилиб, қўғирчоқларимиз бўйнига тақиб қўярдик десам, ўша кунги ҳолатимни оқламайди ва қизнинг кўнглида губор қолади. Ана шундай хаёллар билан бир куни оғилхона бурчагида ўтириб қўғирчоқ ясашга киришдим. Латта-путта қийқимлари кўп эди бу ерда. Жуда чиройли чиқди қўғирчоқ. Аёл кўринишида, кийимлари

пўрим, бошида бинафшаранг қасава, унинг устидан сариқ шоҳи рўмол. Этаги узун парпари кўйлаги ва қора ҳошия тутилган кенг енги айниқса жозибали. Белида заррин камар... Эртага қўғирчоқни унга совға қиламан. Дарвоқе, эрта унинг сўнгги имтиҳони. Ўлкашуносликми ёки музейшуносликми бўйича университетга имтиҳон топширияпти. Туни билан хонасида чирок ўчмади. Нурафшон деразага қарай-қарай ухлаб қолибман. Эрталаб уйғонганимда Сафина шаҳарга жўнаб кетганди. Орадан уч кун ўтиб қайтди. Бутун оила уни табриклидик, шунда мен бошқалар олдида совғамни топширишга журъат этмадим ва қулай фурсат кутдим. Боф адогида хилват гўша бор. Чирмовиқ гуллар билан уралган яшил томча. Сафинанинг севимли гўшаси. Хонадон аҳлида шубҳа туғдирмаслик учун ҳадеганда у ерга боравермасдим. Астерийга ўт олиб келиш баҳонасида ёлғизоёқ йўлак бўйлаб яшил томча томон юрдим. Ёғоч скамейкада ўтиради у. Кўзлари юмиқ, киприклари ёйилган қуш қанотидай бўлиб юзига соя солиб турибди. Қизил чорхона матоҳдан тикилган кўйлагини скамейкага ёйиб ташлаган... Шарпамни пайқаб кўзларини очди ва илкис ўрнидан турди. Нимадандир қаттиқ ҳаяжонланарди. Худди кўзларини юмиди хаёлига келтирган ҳолат энди рўпарасида тургандай. Қиз худди мени бағрига босмоқчи бўлгандек қучогини кенг ёйди-ю, бунга журъати етмагандай яна жойига ўтириб олди.

– Сафина, сенга совғам бор...

Киприклари пирпираб кетди унинг ва савол назари билан кўзларимга тикилди.

– Мана!

– Вой. Ажинача! Ажиначагинам!

– Қўлимдан олди қўғирчоқни ва бағрига босди. Кейин ўзидан узокроқ тутиб қаради. – Қаердан

олдинг? – деди таажжуланганини яширмай.

– Ясадим.

– Ростданми? Ўзинг ясайдингми?

– Ҳа,

– Мен учунми?

Бош силкиб тасдиқладим.

– Оти нима бу ажиначанинг?

Қўғирчоққа ном қўйиш ҳақида ўйлаб кўрмагандим. Нима деяримни билмай тараффудландим. Турли, туман исмлар келди хаёлимга, аммо улардан мосини танлашим қийин кечди. Ба бироз давом этган сукутдан кейин қўғирчоқнинг номини айтдим:

– Шодия.

– Шодия?... Йўқ, Ажинача бўлақолсин... – деди Сафина ўтингансимон.

– Хоҳишинг...

Майса устига чўзала тушиб парпираб нур таратётган деразага қараб ётдим. Шу сонияда унинг нима қилаётгани, нималарни ўйлаётгани ва қандай ҳолатда турганини кўз олдимга келтиришга ҳаракат қиласа ва жўшқин хаёлларга берилардим. Ниҳоят дераза пардасида навниҳол қомати акс этди унинг. Қулида ниманидир тутиб турибди. Юрагим ҳаприқиб ўрнимдан туриб кетдим. Қўғирчоқ! Ўша мен совға қилган қўғирчоқ! Сафина қўғирчоқни дам бағрига босар, дам унинг либосларини силаб-сийпалар, дам кўксига босиб боласини овутаётган онадек у ён-бу ёнга тебранарди. Лабларининг ҳаракатига қараганда алла ҳам айтмоқда эди, афтидан...

## 7

...Шундан кейин орадан кўп ийиллар ўтди. Германиядан қайтганимдан кейин яна қамашди мени. Яна қўйноқлар ва сўроқлар... Гапнинг қисқаси, 1955 или озодликка чиқдим. Қишлоқлар қиёфаси ҳам, ҳаёт ҳам тамом ўзгариб кетибди. Ҳеч ким танимади мени. Қишлоқ қабристони атрофида

айланиб юрган бир қариядан Шодиянинг қабрини сўрадим. Биз майсалар гуркираб ўсиб ётган кичкина тупроқ тепача олдида тўхтадик.

– Мана шу.

– Янглишмаяпсизми?

– Аниқ биламан. Ўни қабрга қўйишаётганда отамнинг орқасидан эргашиб келгандим. Қўлимдаги тол чўпни олиб белги бўлсин деб қабр бошига қадаб қўйгандилар отам. Мана ўша чўп кап-катта дараҳт бўлиби.

– Нега “бўлибди” дейсиз, ўзингиз бу ерлик эмасмисиз?

– Аслида шу қишлоқликман. Урушдан олдинроқ қамалиб кетгандим.

– Қандай айб билан?

– Ёмон вақтлар эди, очарчилик... дўконда ишлардим. Бир аёлга бир кафт ун билан бир бўлак нон берганим учун растрата қилиб қамаб юборишган...

– “Муazzамжоннинг фили суврати” дейишмасмиди ўша аёлни?

– Ҳа, шундай дейишарди.

– Балки сиз Султон Остондирсиз?

Чол менга қизиқсиниб қарди. Ва индамай қўйнидан бир уом латта олиб қабр тепасидаги тошга суюб қўйди. Қарасам, чиройлигина қилиб ясалган қўғирчоқ. Мен Сафинага ясад берган қўғирчоқнинг айнан ўзи! Мен ҳам шундай қилдим. Қўғирчоқлар икки томчи сувдек бир-бирига уҳшарди. Бўйи басти ҳам, кийимлари ҳам...

Ногоҳ қулф-калитнинг шақиршуқиридан ўзимга келдим. Темир эшик даранглаб очилди ва назоратчининг погонли елкаси кўринди.

...Неча йиллардан бери турманинг заҳ камерасида ётган маҳбуснинг хаёлига нималар келмайди дейсиз...



Озод ШАРАФИДДИНОВ,  
Ўзбекистон Қаҳрамони

Муҳаммад Юсуф деган шоир шеъриятга қандай кириб келганини адабиётимиз сезмай ҳам қолди. Аммо у тезда ҳаммани ҳайрон қолдириб, оғизга тушиб кетди. Унинг ижоди ҳақида гап кетганда, кўпинча қўшиқларини тилга оладилар. У қўшиқ ёзган ҳам, ўзини қўшиқчи шоир ҳисоблаган ҳам эмас. Унинг ёзғанлари ниҳоятда долзарб мавзуда, ўта жиддий, аммо халқ тилига жуда яқин ва равон тилда ёзилган. Шунинг учунми, ҳофизлар уларни қўшиққа солиб юбордилар. Бу қўшиқлар қўшиқчиликни ҳам баланд поғоналарга олиб чиқди. Қанча-қанча ҳофизларни элга танитиди.

Муҳаммад Юсуф қўшиқлари билан эмас, аввало, халқ дардини барадла айтган, юрт муҳаббатини ҳеч кимга ўхшамаган мисраларда таърифлаган шеърлари билан танилди, шуҳрат қозонди.



## “Кўкламойим” муғалиди

Муҳаммаднинг шеърлари бир қарашда жуда содда, жўн ёзиладиганга ўхшаб туюлади. Аммо унга ўхшатиб ёзиб кўринг-чи? Кўлингиздан келмайди! Унинг осон ёзиладиганга ўхшаб кўринган мисралари муҳлисларини йиглатди, кулдириди, ўз оғушига тортиб олди.

Одамлар унинг шеърларини ҳаяжонсиз ўқимайдиган, китобларини дўйонлардан қидириб юрадиган бўлдилар.

Муҳаммад Юсуф Худо берган қобилият эгаси эканлигига ўзим гувоҳ бўлганман. Бир даврада Чўлпоннинг “Кўклам” шеъри тўғрисида гап борди. У менинг таърифимдан таъсирандими, ичкари хонага кириб кетди-да, 10-15 дақиқа ўтгач чиқиб, қўлимга “Кўкламойим” шеърини тутқазди. Уни менга бағишлаганини айтди. Шеърни ўқиб, кўзимдан ёш чиқиб кетганди ўшанда.

Муҳаммаджон камдан-кам туғиладиган истеъдод эгаси бўлиш билан бирга, камдан-кам шоирда учрайдиган хислат эгаси – шуҳратдан қочадиган камсуқум инсон эди. У шуҳратнинг эмас, шуҳрат унинг ортидан кувиб юради.

Муҳаммаджоннинг ёшлиқ, йигитлик йиллари Тошкентдай

шаҳри азимда ўтди. У шу ерда омадини, баҳтини, шон-шуҳратини топди. Шошнинг болохоналарида “шоир” деган унвонга эришди:

*Мени шоир қилган лойсувоқ  
Болохоналаринг бор бўлсин.*

Ва бу юртдан бир умр бурчдор эканлигини ҳис қилиб яшади:

*Кирқ йил қуллуқ қилсан ҳам агар,  
Узолмасман сендан қарзимни.*

Муҳаммад Юсуф – баҳтли, омадли шоир. Унга мустакил юртни, озод халқини кўриш насиб этди. Юртнинг энг улуғ байрамларида унинг қўшиқлари барадла янграйдиган бўлди. Ўзбекистон ҳақидаги шеърини ёшлар ҳатто ўз мадҳияларига айлантириб юбордилар. Шу ўринда хурматли Юртбошимизнинг бир камсуқум шоирга шахсан эътиборини айтмай бўлмайди. Шоир Муҳаммад Юсуфга Президентимизнинг меҳрлари бобомиз Улуғбек ҳақидаги қўшиқни эшитган пайтларидаёқ тушган эди. “Халқ шоири” унвонини ҳам мамнуният билан унга ўзлари топширган эдилар.

Муҳаммад ЮСУФ,  
Ўзбекистон халқ шоири

## Кўкламойим

Озод ШАРАФИДДИНОВга

Сочимда оқ, мен баҳордан ўтингдим:  
Кўкламойим, кўкингдан бер бир чимдим.  
Қор қўйнида сени қўмсаб ўкиндим,  
Кўкламойим, кўкингдан бер бир чимдим.

Кўнглимга кўк бинафшалар сочилсин,  
Кокилига толпопуқдан соч илсин,  
Бойчечакка борар йўллар очилсин –  
Кўкламойим, кўкингдан бер бир чимдим.

Фасл боши ҳам охири ўзингсан,  
Мажнунларнинг йўлдоши ҳам ўзингсан.  
Лайлиларнинг сирдоши ҳам ўзингсан,  
Кўкламойим, кўкингдан бер бир чимдим.

Кел-да энди соғинтирмай одамни,  
Сен йўғингда бир ғам босди елкамни,  
Қорлар кураб кўмиб келдим отамни...  
Кўкламойим, кўкингдан бер бир чимдим.

Кўкинг билан кийинтирай даламни,  
Оёқяланг суюнтирай боламни,  
Ўзинг олгин кўксимдаги аламни,  
Кўкламойим, кўкингдан бер бир чимдим.

Гинам йўқдир кузда кетган оқкушдан,  
Ийманасин қайта эшик қоқишдан.  
Қумри билан бирга чиқдик биз қишдан,  
Кўкламойим, кўкингдан бер бир чимдим.

Жон устида асраб юрай кўкни мен,  
Тўйиб-тўйиб кўзга сурай кўкни мен,  
Яна сенга етаманми-йўқми мен,  
Кўкламойим, кўкингдан бер бир чимдим.

Дил яйрасин дала-даштинг ясаниб,  
Ялпизларинг сув бўйига ястаниб.  
Икки мисра байт битай бир мақтаниб,  
Кўкламойим, кўкингдан бер бир чимдим!..





Абдуғани СУЛАЙМОН

# Құншил жақиқати билаң юзма-юз

Бир тунда уйқум қочди. Ётган жойимдан турдим-да, севган шоирларимнинг китобларини бир-бир варақтай бошладим. Ора-сира хаёлга толаман. Бир улкан савол миямда тинимсиз айланади: “Нима учун аксарият шоирлар машхурлиқка интилади?” Ҳатто аллақанақа модернизм, постмодернизмде мүкка тушиб ёзіб, үзини дунёға күз-күз қылгиси келдиганлар ҳам талайгина.

Ёнимда уйиб қўйган китоблардан бири тап этиб ерга тушди, хаёлим бўлинди. У китобни қўлимга олдим. Бу Муҳаммад Юсуфнинг шеърий тўпламларидан бири эди. Мехр билан китобни очдим. Ундан тупроқнинг ширин ҳиди келарди. Шеърларини хузур қилиб ўқий бошладим. Анчадан бўён мени қийнаб келаётган кўзимнинг хираги ҳам эсимдан чиқди. Бу шеърлар ҳеч қандай “изм” ларга сифас, жайдарича қилиб айтганда, қўнгилизм шеърлари эди.

Шунча шоирпастлигимга қарамай, нимагадир Муҳаммад Юсуф билан учрашиш менга насиб этмаган. Қўнглимдаги ана шу армонни унинг шеърлари билан юпатгим келади:

*Тошканда...төгларни соғиндим,  
Яшил ўтлоқларни соғиндим,  
Сув бўйида чордона қурган  
Момақаймоқларни соғиндим.*

*Кечагина ёмғирда ивиб  
Юрар эдим капалак қувиб,  
Шудрингларга юзимни ювиб,  
Болалик чоғларни соғиндим...*

Юқоридаги мисралар Муҳаммад Юсуфнинг “Соғиндим” номли шеъридан. Жуда содда, равон.

Шу қадар равонки, дилингизга бемалол бостириб киради, кўнгил билан оромижонлик қиласи. Руҳингизга шеърдаги ҳарорат тез юқади. Ва ана шу ҳарорати билан покликка интиласиз. Шеърнинг яна бир жойида шоир “Қўли қадоқларни соғиндим” дейди. Ҳа, у тоза ҳисларни, ўз кўнглини соғинади. Муҳаммад Юсуфнинг шеърларидаги соддалиқда ҳаётнинг барча ранги товланади. Ана шу ранглар товланиши ўлароқ ўз қалбингизни қайтадан кашф қилгандек бўласиз. Ростини айтиш лозим, шоир қўл урмаган мавзу қолмаган.

Унинг “Турғунлик” деб номланган шеърида собиқ шўро тузумидаги зулм сурати акс этган. Шоир бу шеърида жуда оддий, айни чоғда тифи ўткир халқона киноядан фойдаланади:

*Совуқ дейсизми?  
Ҳа, қаҳратон,  
Қўлчалар қўйинда қотган нон.  
Аммо нима қипсин, пахта – шон,  
Биринчи синф болалари.*

*Пахта терар йиғлаб, баҳти кулганлар,  
Омади кулганлар, аҳди кулганлар.  
Пуфак боболарин қаҳрамон қилганлар,  
Биринчи синф болалари.*

*Фақат бир илтимос, муаллимлари  
Бурнин артиб турса бўлгани,  
Иштонин кўтариб қўйишса бас шу –  
Пахтанинг плани тўлгани...*

Бундай шеърни фақат миллат дардини юракдан ўтказа олган чинакам фидойи шоиргина ёза олади.

Муҳаммад Юсуф шеърияти баландпарвоз гапларни инкор этади. Аксинча, шеърда тасвирлаётган манзарага мос юки оғир халқона ибораларни шу қадар моҳирлик билан ишлатадики, бу эса ҳар қандай ўқувчининг юрагини уйғотиб юборади.

Биринчи синф болаларининг, маъсум, чиллашир гўдакларнинг совуқда қўйналиб паҳта тераётгани пайтидаги азоби қалбингизни ўртайди. Беихтиёр, мустабид шўро тузуми ва унинг ниҳоясиз зулмини қарғашга тушасиз.

Ватанпарварлик руҳини ҳамма ҳар хил тушунади. Аммо, ростини айтишим керак, шоирнинг “Турғунлик” номли шеъри ҳақиқат томонида туриб Ватаннинг, унинг болаларининг қисматидан сўзлайди. Бу шеър ҳар бир ўзбек боласини истиқолни қадрлашга, Ватанни суйишга ўргатади, десак хато бўлмайди.

Муҳаммад Юсуф Ватан ҳақида дилининг қонини сирқратиб ёзди:

Мен дунёни нима қилдим,  
Ўзинг ёруғ жаҳоним,  
Ўзим ҳоқон,  
Ўзим сulton,  
Сен тахти Сулаймоним.  
Ёлғизим,  
Ягонам дейми,  
Топинган кошонам дейми.  
Ўзинг менинг улуғлардан  
Улуғимсан Ватаним.

Бир қараганда шеър оддий сўзлар, барчамизга таниш иборалардан тузилгандай туюлади. Аммо хулоса чиқаришга шошилманг. Чунки шоир қалбидаги туйгулар қўшиқдек бошланади. Ва аста-секин авж пардага кўтарилади:

Ким Қашқарни қилди макон,  
Ким Энасой томонда,  
Жалолиддин – Курдистонда  
Бобуринг – Ҳиндистонда.  
Бу қандай юз қаролиғ деб,  
Ётарлар зимистонда.  
Тарқаб кетган тўқсон олти  
Уруғимсан, Ватаним.

Муҳаммад Юсуф шеъриятида бобуона рух бор. У кўнгил дунёсини ошкор ва очик кўради. Ватанни эса ўзгача ишқ билан севади. Ва ҳар бир мисрасини тарих шафағига ошно этади:

Ўғлим десанг осмонларга  
Гирот бўлиб учгайман.  
Чамбил юртда Алломишига  
Навкар бўлиб тушгайман.  
Падаркушдан пана қилиб,  
Улуғбекни қучгайман.

Ғичир-ғичир тишимдаги  
Сўлиғимсан, Ватаним.

Шоир назокатли сўзлардан кўра, халқнинг дилини топа олгувчи дўлвор ҳақиқатнинг айтимларини хуш кўради. Шунинг учун ҳам барча шеърлари ўқувчи қалбига тез етиб боради. Қолаверса, санъат аҳлининг меҳру эътиборини ҳам тортган бу шеърлар.

Муҳаммад Юсуфнинг муҳаббат мавзусидаги шеърларида қайғу билан баҳтнинг, висол билан ҳижроннинг уйғунлашиш ҳодисасини кузатамиз:

Санам сочингдан ҳам шайдоларинг кўп,  
Хуснинг ошиқлари,adolaring кўп.  
Ниманг кўп кўйингда – гадоларинг кўп  
Аммо мен биттаман, мен биттадурман.

Сўймоқ бу-гулханда куймоқ азали,  
Мен шаҳар эркаси, сен тоф гўзали.  
Эслаб юр ёдингга тушган маҳали,  
Шайдоларинг кўпу мен биттадурман.

Баъзан бу шеърлар баҳшилар баётига менгзайди. Гўё шоир юрак торларини чертиб, туйгуларини куйга солиб куйлаётгандек бўлади. Сиз уни ўқимайсиз, гўё дилингизга яқин бир қўшиқни тинглаётган ҳолатга тушасиз. Муҳаммад Юсуфнинг шеърларини ўқиш ва уқиш асносида шунга амин бўласизки, у халқ ижодини, ҳикматли ибораларини яхши билган. Унинг “Биз баҳтли бўламиз” шеърининг оҳангги тоза ҳаво янглиғ кўнгилга бостириб киради. Оҳанг ичиди куйлаётган алангали умид нафаси руҳингизга гўзал кунлар илинжини ўтқазиб кетади:

Майли-да, кимгадир  
Ёқса  
Ёқмаса.  
Уларга қўшилиб  
Инглашармилик.  
Биз баҳтли бўламиз  
Худо хоҳласа,  
Худо хоҳламаса,  
Утрашармилик.

Баҳтли бўлмоқ – бу дунёга келган ҳар бир инсоннинг энг катта тилаги. Ошиқ зоти борки, висолни баҳт деб билади. Ана шу оддий ҳақиқатни шоир ниҳоятда сўлим иқрор билан, кўнглида чўкиб ётган дарду армони билан ошкор этади:

Мен эса  
Ошиғинг сенинг –  
Энг фарид.  
Тундан сўз  
Қарз олиб  
Тонгга тутгувчи.  
Сенинг ёнингда ҳам



Сени ахтариб,  
Сенинг ёнингда ҳам  
Сени кутгувчи.

Шеърни ўқиши асносида кўнглингиз тоза нафасга тўлиб, янги бир умид мавжини туясимиз. Бахтили бўлмоқнинг илинжида юракка беркинган ишқни қуёшга кўз-кўз қилгингиз келади.

Яна бир ўринда шоир севгилисини қуидаги мисралар билан юпатади:

Иифламагин  
Гуноҳим не деб,  
Айбинг –  
Онанг сени  
Чиройли туққан.

Жуда самимий, халқона юпатиш. Ва яна халқимиздаги “Чиройлилар кўп йиглайди”, – деган нақлга ҳам ишора бордек, назаримизда. Муҳаммад Юсуфнинг шеърлари юракни йиглатиб ёзилганга ухшайди. У мудом табиятга талпиниб, ундан янги мўъжиза ахтаради. Атрофидаги одамлардан излаб топмаган асл туйфуларни гоҳ капалакдан, қизғалдоқдан, гоҳ жайрону кийиклардан топади. (Албатта мажозий маънода).

Туғилгандан мен шўрликнинг бағрим қон,  
Бир жисмимда талашади икки жон.  
Жон талашсам, теппада чарх урган ул,  
Капалаклар одамлардан меҳрибон...

Гулга қўнса, қанотлари ботмайди,  
Ожизларим бировга тош отмайди.  
Бир кун яшар – бир-бирини сотмайди.  
Капалаклар одамлардан меҳрибон...

Шоир капалакларда бутун армонларини, орзу-ларини, тоза истакларини қўради. Ва улар билан дарди ҳол қиласди. У жисмида талашаётган икки дунё азобини, хоин “дўстлар”дан дилда қолган доғни, ғанимлар қўлидаги тошнинг оғригини, тепасида чарх ураётган капалаклар меҳрида енгади, гўё. Муҳаммад Юсуфга хос бўлган борлиқдан тилсум излаш

ва кўнглини ана шу тилсумга ишониш авжи барча шеърларида жаранглаб туради. Унинг “Қизғалдоқ” шеърида ҳам шу ҳолатни кузатиш мумкин:

Қизғалдоғим, қирдан бўлак кошонанг йўқ,  
Кокил ёйсанг, ердан бўлак тош ойнанг йўқ.  
Ўксиб-ўксиб турганингда ўзим бориб,  
Пешонангдан упай десам, пешонанг йўқ.

Олдингга мен боролмасам, ўт гуноҳим,  
Бир йўқлаб қўй, мен дунёдан ўтган чоғим.  
Қабрим узра ҳилпираб тур, қизғалдоғим,  
Муҳаммаддан бўлак дўсти девонанг йўқ.

Йўл четларида, лойсувоқ томларда, қиру дала-ларда қип-қизил бўлиб лов-лов ёниб очилгувчи қизғалдоқни деярли барчамиз кўрганмиз. Аммо бир оддий гул сифатида унинг ёнидан бепарво ўтганмиз. Муҳаммад Юсуфнинг кўнгил нигоҳи ана шу биз оддий санаган гулда янги бир туйфуни, ўзгача ишқни қўради. Уни ўз синглисилик юпатади, эркалайди. Ва қалбидаги мангу бир фифонни ундан яширмайди:

Қизил юзинг қон дилимга турар тегиб,  
Менингдек сен ғарибнинг ҳам парвонанг йўқ.

Шеърни ўқиб, дилингиз қаърида кимдир ўкириб-ўкириб йиглаётганини эшитасиз. Ва беихтиёр унга ҳамдард бўлгингиз келади.

Шоирнинг “Эрка кийик” номли шеъри ҳам жуда самимий. Шеър юракка меҳр туйфусини солади. Шоир баробарида сиз ҳам кийикни эркалагингиз, унга дарддош бўлгингиз келади:

Шамол эмас, изинг қувиб юрди камон,  
Сайёд менинг кулбамни ҳам қилди вайрон,  
Сенинг жонинг, менинг жоним омонат жон,  
Эрка кийик, майли бир эркаласам.

Шеър бошдан-охиригача ёруғ бир дардга чулған-ган бўлиб, кўнгилга тез етиб боради. Олов саҳраларнинг оташ нафаси кўксингизга урилиб, караҳт тортган ҳисларингизни уйғотади. Ва шу ўринда Муҳаммад Юсуфни табиятга талпинтирган куч табиийлик, самимиятнинг соғинчи эмасмикан, деган хаёлга борасиз. Хуллас, унинг шеърлари сизни бўлакча мушоҳада қилишга ўргатади. Шоир деярли барча шеърларида ўзини, кўнглини, табиятини тафтиш қиласди. Унинг қизи Нозимага бағишлиб ёзган “Узр” номли шеъри ҳам шулар жумласидандир:

Шуҳратга ўч бўлсам керак мен гумроҳ,  
Ёлғон бўлса керак дилда нолам ҳам.  
Тўпори байтларим битар пайтим гоҳ,  
Қўзимга кўринмай қолар болам ҳам.

...Улар шеър ёзмасин ҳеч менга ўхшаб,  
Мендан нафи кўпроқ тегар элимга.

Шоҳ асар бўлса ҳам тупурдим ўша,  
Боламни йиглатиб ёзган шеъримга.

Муҳаммад Юсуф “тўпори байтларим битар пайтим гоҳ”, деган мисраси билан қайсиdir маънода ўз шеърларининг туб мағзига таъриф бера олган, деб ўйлаймиз. Унинг ўхшаш ибораларида халқона тўпорилик бор. Бу, албатта, яхши маънода. У шоир сифатида на осмонга, на заминга сиғади. Баъзан ўз-ўзини тушунолмай қийналади:

Ўйлайман, ўйлайман, ўйларим узун,  
Қўлим қисқа, севгим бўйлари узун.  
Энди сен мен учун энг узун эртак,  
Энди мени ёмон қийнар бу юрак.

“Муҳаммад Юсуф ўзбекнинг ҳалол, содда, кўнгилчан шоири эди. У ёлғон, хушомад, хиёнат билан ҳеч қачон келиша олмасди”, – деган гапларни кўп эшитганман. Унинг ана шу феъл-автори шеърларида ўз аксини топган:

Ҳозир кўзим юмаману ерга ётиб,  
Юрагимни суғураман қон йиглатиб.  
Йўлбарсчалар есин уни касирлатиб,  
Юрагимни йўлбарсларга едираман...

Ёлғонлардан юраги зада бўлган шоирнинг яккаш иқрори бу. Никобли дунёга шоир юракнинг исёни бу.


Ўзбекнинг ҳақиқий чапани шоири Муҳаммад Юсуфнинг ижоди ҳақиқий ошиқ кўнгилдан кўчирмадир. Шунинг учун ҳам бу шоир ижоди барчага севимли. Унинг ҳақиқат томонида туриб келтирган иқрорлари жуда гўзал:

Шоирлик мен учун асло орзумас,  
Шу ҳам иш бўлдими йигит бошимга.  
Ҳамма шоир зотин йигфа арзимас,  
Онамни соғиниб тўккан ёшимга.

Аммо юрагимни қийнар бир азоб,  
Қўй десам, қўймайди, тутқазар қалам.  
Мен кетмон сўрасам, тутади рубоб,  
Куйтайман жонимдан ўтганда алам.

...Бўлди  
Шеър ёзмайман.  
Мен энди одам,  
Оддий одам бўлиб яшай бошлайман.  
Кўнглимга ачиниб агар ёзсан ҳам,  
Тунда ёзиб тонгда ўтга ташлайман.

Шеърни ўқиб етмиш икки томирингиз жимиirlab кетганини сезасиз. Чунки сиз бу лаҳзада шоирнинг ҳақиқати билан юзма-юз бўлдингиз. Чунки сиз шоирнинг кўнгли ичидаги баҳайбат армонни кўриб қолдингиз. Ҳа, Муҳаммад Юсуфнинг шеърлари ҳар қандай лоқайд кўнгилни ҳам ўз ҳақиқати билан ларзага солади.



Муҳаммад Юсуфнинг “Осмоннинг охири” номли мансураси ҳам жуда таъсирчан. Шоир бунда қадим бир фалсафани жонлантиргандай гўё. Осмоннинг охири қаерда эканлигини билгиси келади. Албатта, бу маъжозий бир йўл. Мансурани ютоқиб ўқийсиз. Дилингизга ширин бир туйғу юқади ундан. Бу асар мастоналиқда ёзилгандек туюлади сизга. Инсон ўзидан озод бўлгандагина, яъни озод ҳислар томон юз ўгирандагина шундай ҳолатга тушади. Шоир “Дунёдаги ҳамма нарса одамга яқинлашиши билан ўзлигини йўқотади”, – дейди ақлнинг тажовузкорлигига ишора қилиб. Ҳа, шоир бу дунёдан поклик истайди, оқибату меҳр излайди.

Унинг “Кўхна кудук” номли достони шундай бошланади:

Мени тонгда ширин уйқудан уйғотишди,  
Қарасам – уйқудан ширин одамлар.  
Боролмайман дедим ғурданиб,  
Ўзларинг кетаверинглар энди.  
Мени уйғотган одам буюк ҳофиз эди.  
Менинг борар жойим эса буюк Бухоро эди.  
Бухоро мендан хафа эди.

Достоннинг дебочасидаёт достон қадим Бухорога сафар ҳақида эканлигини англайсиз. Асарда бу шариф шаҳар бошдан ўтказган истилолар дард билан баён этилади. Унинг нураб бораётган деворларидан кўхна тарих қиссасини ўқийди шоир. Мустабид шуро

тузуми даврида нураб, қаровсиз қолган Бухоронинг ҳолига боқиб қийналади шоир:

Қандай гўзал эдинг Бухоро,  
Осломонўпар гумбазлар аро.  
Мен зиёрат қилиб оввора,  
Тополмадим бир соғ минора.

Бухоро лол, Бухоро ҳайрон,  
Арки вайрон, Мехроби вайрон.  
Лаби ҳовуз қирғоги вайрон,  
Ибн Сино арвоҳи сарсон.

Шоир қачонлардир кўркамлиги билан дунёни ҳайратга солган Бухорои шарифнинг собиқ шўро тузуми давридаги ҳолатини камситилган миллат ҳолатига қиёслайди:

Тоқатга ўхшайсан, сабрга,  
Қадри бору лек бекадрга.  
Ёмғирлар ёғмаган адирга  
Оролсиз кўкламга ўхшайсан.

...Қўлинг очик, кўзларинг юмуқ,  
Сен менинг отамга ўхшайсан.

Муҳаммад Юсуфга хос бўлган мардона нафис туйгулар “Миш-миш” номли шеърда баландроқ жаранглайди:

Майда миш-мишлардан зирқирав товон,  
Унганимиз-ку асли битта тупроқдан.  
У куни шеъримни тинглаб бир нодон,  
Мени мақтаб қўйди: фалон қишлоқдан.

Айтинг, хафа бўлай мен яна кимдан?  
Бирор давлат қурар, бирор уй тиклар.  
Асли бир ҳалқлигин билару зимдан  
Нечун бир-бировин кўролмас улар.

Шоир миллатни бирлашишга чақиради. Бир-бирини суяшга, Ўзбекистон деган Ватан учун яшашга даъват этади. Зотан, миллат бир-бирининг дардини англагандагина, бир-бирини қўллагандагина буюк ҳалқ бўлишини таъкидлайди. Ва дилида туғён кўтарган ҳақиқатни баралла ҳайқиради:

Майда миш-мишлардан битта беэзган мен,  
Занглаған ханжардек ўтди у жондан.  
Танишиб қўяйлик, шеърни ёзган мен –  
Муҳаммад Юсуфман, Ўзбекистондан!

Ҳалқимизда “Бўлинганни бўри ер” деган нақл бор. Маҳалийчилик ҳам миллатнинг қудратини сўндиради. Унинг ҳалқ бўлиб юксалишига тўсқинлик қиласи. Ана шу эътирофни шоирнинг “Ҳалқ бўл, элим” номли шеърида ҳам кўриш мумкин:

Қадим юртга қайтсин қадим наволарим,  
Кўмлар босиб қуримасин дарёларим.  
Алломишига алла айтган момоларим,  
Руҳини шод этай десанг, ҳалқ бўл, элим.

Муҳаммад Юсуф руҳи баланд, забардаст шоир сифатида она ҳалқига, юртига садоқат билан қарди. Элининг маънавиятини оловли шеърлари билан юксалтиришга хизмат қилди. Бир фарзанд сифатида эса Ватанни ҳеч кимникiga ўхшамаган ишқ билан севди. Гарчи бугун орамизда у бўлмаса-да, оташнафас шеърлари, дилни ром айлагувчи қўшиқлари билан ҳалқимизнинг кўнглида яшаяпти. Шу уринда кўнглимизда бир армон сим-сим оғрийди. Ва нега у қўйидаги сатрларни битди деган оғрикли савол кўнглимизни яралайди:

Тузалмайди дардим менинг,  
Ўлсам керак.  
Тупроқ билан оға-ини,  
Бўлсам керак.

Ўлим нима? Бу ҳам битта,  
Сайр, она.  
Ўғлинг қаро ерга кетди,  
Хайр, она.

Мен ҳаётда ўлимга тик,  
Боқиб ўсдим...  
Қани менга аталган жой,  
Кетдик, дўстим.

Балки шоир ўз қисматини башорат қилгандир. Аммо нима бўлганда ҳам сўзда жон борлигини, сўз ҳар қандай истакни жонлантиришини англаш лозимиди, деган азобли ўйлар менга тинчлик бермайди.

Ва яна йиллар шамолини кесиб ўтгувчи шоир кўнгли унинг шеърларида ҳали-ҳануз нафас олаётганидан юпанч топаман. Ногоҳ кўнгли пок, меҳрибон, ростгўй шоирнинг овози ерданми-кўқданми жаранглаб келгандек бўлади:

Ўтар қанча йиллар тўзони,  
Юлдузлар кўз ёши самони.  
Ўтар инсон яхши-ёмони,  
Меҳр қолур, муҳаббат қолур.

Қорачигда порлаган ўша,  
Иқболига чорлаган ўша,  
Дунёни тор айлаган ўша,  
Меҳр қолур, муҳаббат қолур.

Ўзи эътироф этганидек, қанча йиллар ўтмасин, Муҳаммад Юсуфнинг шеъриятига бўлган ҳалқнинг меҳр-муҳаббати, ишқи сўнмайди. Зотан, унинг шеърларида ҳақиқат жамоли, самимият иқболи билан юзма-юз келамиз.

# Кўклам куйи

Ҳикоя



**Фозил ФАРҲОД**

*Тоғам Ўқтам Тоғи  
ўғлига бағишиладим.*

Шумхабар бемаҳал овул оралаган бўридай хаёлим ва ҳаётими ни остин-устун қилиб юборди. Қўрада ҳуркиган қўйлар орасида совлиқни йўқотган қўзидай нима қиласримни билмай қолгандим. Ер ўқидан чиқиб кетгандай эди. Ҳаммаси эрталабки соат саккизда дўхтирлар кўлимга қандайдир қофоз тутқазганидан кейин бошланди. Ажабсиниб унинг нималигини сўрадим. Ташхис, дейишди. Ҳеч нима англамай: “Буни нима қиласман?” дедим елка қисиб. Шунда улардан бири қўзини каравотимга ёндош тумба устидаги гулдонга солинглан лопаларга тикиб: “Дўстим, нима десам экан, бу ошқозоности безингиздаги ўсма сурати, сиз оғир касалликка чалингансиз!” деди зўрга, кейин нигоҳларини алвонранг лолалардан узмай, чуқур нафас олди-да, эшитилар-эшитилмас қилиб қўшиб қўйди: “Афсус!” Ялт этиб дўхтирга қарадим. Унга юзланганимни сезиб, қўзини жавон томонга олиб қочди. Қўзларни

қувиб етдим. Ажабки, нигоҳларимиз шкаф ойнасида тўқнашди. Қарашларимнинг даҳшатини қўзларида кўрдим. Кўзини олиб қочаётганини билдирамасликка қанчалик уринмасин, пистирмага тушган қуёндай иложсиз қолганди. Барибир бардоши етмади, нигоҳини дераза томонга бурди – олис-олисларга беркитгиси келди. Жим қолдик. Бошқа дўхтирлар хабарни эшитгач бўладиган ўзгаришни томоша қилиш учун мендан кўз узишмасди. Шунда улардан бирига: “Бу хабар ёлғон-а?” дегандай илтижоли тикилдим. У бош силкиди, бу тасдиқмиди, инкормиди – билолмадим. Бирор юзимга тарсаки туширгандай бўлди. Гўё уйқудан уйғондим. “Мен соппа-соғман”, деб, ўрнимдан қўзғалмоқчи эдим, дўхтири: “Сиздаги касаллик анча олдин бошланган, лекин яширин кечган, кечаги хуруж бўлмаганида буни сираям билмасдик”, деди деразадан қўзини узмай. “Менга жавоб берасизларми, уйимга кетсан майлими?”, дедим ўрнимдан туриб. “Ҳа, бугунча жавоб берамиз”, деди шумхабарни етказган дўхтири жилмайиб. Буни унинг ойнадаги аксидан кўрдиму яйраб кетдим.

“Ҳазилни қийиб қўяркансиз-а?” деб кулиб юбордим. Дўхтири тагин жиддий қиёфага кирди-да: “Мен ҳазиллашганим йўқ, қўлингиздаги ташхисга қараб гапиряпман, буниси рецепт, даволанишга тайёргарлик кўринг!”, дея яна бир қофоз узатди. Унинг охирги гапи менга “Ўлимга тайёргарлик кўраверинг!” дегандай туюлди. Айтилган гаплар ҳазилмаслигини англадим. Улар билан қандай хайларлашганимни билмай эшикка йўналдим.

Йўлакка чиқдим-у, ниманидир йўқотгандай бесаранжом ҳолга тушдим. Унинг нелигини ўйлаб бироз туриб қолдим. Изимга қайтиб, палата эшиги олдида дўхтирларнинг ўзаро гурунгини тасодифан эшитиб қолдим:

– Янги ускунамизга ишонадиган бўлсак, бечоранинг бир кунлик умри қопти, эртага тонггача бормайди!

Музлаб кетдим. Музлаблар кетдим. Танамдан реза-реза совуқ тер чиқди. Кўксимга недир санчилгандай бўлди. Дўхтири худди: “Эртага пойтактимизда ёмғир ёғади”, деган хабарни етказаётган “об-ҳавочи”дай хотиржам гапиди-я! Танаси бошқа дард билмас,



деб шуни айтишсалар керак-да!

Хонага қайтганимни кўриб улар бирдан оғзига талқон со-волиши. Бир-бирига мъюноли қарашганини сездим. Ҳеч нарса демадим. Дея олмадим. Улар вағир-вуғурлашиб менга далда берган бўлиши, бироқ қулоқла-рим кар бўлиб қолганди. Эсанки-раганимдан қўлларим ичкиликка муқкасидан кетган одамнинг қўлларида титрардики, камзу-лимнинг тугмаларини қадай ол-масдим.

Қаердандир пайдо бўлган ҳамшира стаканда сув узатди. Қалти-роғим шиша идишдаги сувни-да чайқатарди. Стакан лабларим ва тишларимга теккак-да титроғим босилмади. Ҳолатимга ажабсини термилиб турган ҳамширага қара-дим. У фоят чиройли эди. “Эртага ўласан!” деб ҳукм ўқилгандаям одамзод гўзаллик қошида ожиз қоларкан. Қалтироқ бироз бо-силди. Амаллаб бир хўплам сув ютдим.

Эртага бўлмаса-да қачондир барибир ўлим ғолиб чиқишини ўйлаб, сал ўзимга келдим. Шунда камзулимнинг тугмалари осон-гина қадалди. Қарасам, ботин-камнинг ипи боғланмаган экан,

боғични боғлашга сал қийналдим. Бу табиий эди. Доим уйдан чиқиб кетарканман, аёлим боғичларни боғлашимга йўл қўймасди. Юмушни доим ўзи завқ билан бажаарарди. Уст-бошимни тузатиб, ўйлакдаги ойнага қарадим. Рўпа-рамда ҳали сочига оқ қўнмаган, юзига ажин ораламаган, ҳаётга ташна ўттиз беш ёшли навқирон йигит гавдаланди. Ота-онам, ука-сингилларим, ўғлим ва аёлимнинг менсиз кунлари қандай ўти-шини ўйлаб титраб кетдим. Шунда ҳамширанинг: “Соатингиз!” деган сўзи ҳаёлимни қочирди. Ҳа, боя унутган нарсам шу экан. Қиз маъ-юс жилмайди-да, соатни тақишига ишора қилди. Уни тақдиму беих-тиёр милларига қарадим. Неча бўлганини кўра олмадим. Умрим дақиқа сайин озайиб бораётганини ҳис қилдиму кетишим керакли-гини англадим.

Йўлак деворидаги одамларни ҳар хил қасаллиқдан огоҳ этувчи чақириқлар бемаъни битиклардай эди. Мана, эсини таниганидан бери иситмаламаган ва укол ни-малигини билмаган одам ажал билан бақамти бўлиб турибди-ю, бу ёзувлар инсонни ўлимдан қандай сақласин? Ҳаммаси Худонинг амри билан бўлади.

“Эй, Худойим! Олдингга шунча гуноҳ билан қандай бораман-а?”

Юрагим орқага тортиб кетди. Ташқарига отилдим. Ёмғир сева-ларди. Ҳавони симирдим. Ўпкамга ҳар куни миллион-миллион марта кирадиган ҳавонинг фоят мусаффо-лигини бошқача туйдим. Сув остида узоқ қолиб, ташқарилагач ютоқиб нафас олган одамдай эдим. Ўзим билан ўзим гаплаша бошладим:

“Айтгандай, бугун ойнинг не-чанчи куни?”

“Кечак 28 февраль эди”.

“Унда бугун биринчи март!”

“Демак, баҳорга ўтибсан-да!”

Шунда соатимнинг санани кўр-сатувчи ойначасига қарадим. У 29 феврални кўрсатарди. Ихтиёrsиз жилмайдим.

“Кабиса йили!”

“Қишининг охирги куни”.

Умрим яна бир кунга узайган-дай бўлди.

“Баҳорнинг биринчи куни эса эртага”.

“Эртага...”

Эртага эрталаб уйкудан уй-ғонмаслигим, эрта ҳеч қачон кел-маслигини ўйлаб юрагим увушиб кетди. Шунда ортимдан келган товуш ҳаёлимни бўлди: “Кечира-сиз, ёмғирда ивиб қоласиз, буни олинг, кеча шошганимдан ўзим-никини тополмай, акамнинг соя-бонини кўтариб келувдим. Мени эса салдан кейин ўзлари мошина-да опкетади”.

“Кечак” сўзидан кейин овоз-ни танидим ва ҳамшира менга гапирайтганини сездим. Ортга ўгирилдим. У айбдордай кўзини опқочди. Соябонни узатаркан, юзимга югурик нигоҳ ташлади-да, ортга бурилиб, тез-тез қадам ташлаб кетди. Қарашларидаги менга нисбатан дардкашлик ва ачиниш ҳиссини қанчалик яши-ришга уринмасин, барибири шахло кўзлари сездириб қўяди.

Соябонни ёймадим. Чунки ёмғир ёғаётгани парвойимга келмасди. Боз устига азалдан ёмғирда соябонсиз саир қилиш менга ёқарди. Осмонга тикилдим. Шунда ҳамма-ҳаммаси эсдан чиқди. Ҳаётни яхши кўриб кетдим. Яшашга бўлган иштиёқим шу дар-ражада кучайдики, ҳатто у дунё-сидан қайтишга тайёр эдим. Ҳаёт нақадар ширин, нақадар завқли, нақадар улуғвор-а! Ёмғир кўз ёшимдай юзимдан оқа бошлади. Бу ҳол қанча давом этди, билма-дим, лекин касалхона ҳовлисида узоқ туриб қолган эдим.

Негадир шошилмасдим.

Аниқроғи, бугун шошилмай яша-гим келди. Балки шунда ҳаёт мъяносини кўпроқ англарман. Шу пайтгача шошилиб нимага эришдим? Оқибатда барибир ўлим билан ўзма-юз бўлиб турибман. Кейинги ўн йилимни сарҳисоб

Қилдим. Эсда қоларли ҳеч қандай кун ёдга келмади. Қоғозлар орасида ўтган ўн йил-а! Шунда йилларим маъносиз, рангиз туюлди. Шу ўй билан бекатга етибман. Гўё мени ўлим сари тезроқ элтиб қўйиш учун автобус ҳам боришим биланоқ кеп қолса бўладими. Уловга чиқиб, ўзим яхши кўрадиган орқа ўриндиқа чўқдим. Инсоннинг ҳар куни, ҳар дақиқаси, кези келса, ҳар сонияси қадрли ва қайтмас эканини ҳис қилдим. Эҳ, шуни аввалроқ ан-гласам бўлмасми! Энди қолган ҳар дақиқамни қадрлайман! Неки қилгим келса, фақат ўшани бажараман! Бошқа бари бекор! Бугун режа тузмайман! Ишга бормайман! Газета менсиз чиқар! Ҳамма-ҳаммаси кўнгил амри билан бўлади! Фақат кўнгил амри билан!

Ойнага бош қўйдим. Кўзим очиқ турарди-ю, аммо дунё қоронги эди. Шаҳарнинг баланд бинолари юракка санчиб қўйилган совуқ пичоқ дастасига, жимжимдор шошқин мошиналар танамни эзғилаб бораётган саратон хужай-раларига ўхшарди. Етаклашган йигит билан қизни кўриб Садоқат билан илк танишган кезларим эсимга тушди.

...Талабалар ётоқхонасининг ошхонаси. Овқатимни олиш учун советкични очишим билан тўғралган кўкат солинглан ликопча лап этиб ерга тушди. Идиш-ку синмади, лекин кўкат сочилиб кетди. Нима қиласримни билмай қолдим. Шунда қозон бошидаги қорамағиз қиз: “Нарсангизни олиб кетаверинг, ўзим йиғиштириб оламан, кўкат ўзи эски экан-ку!”, дея мени хижолатдан кутқарди. Ўшандәёқ юрагимда ажиб илиқлик пайдо бўлди ва у тақдирим эканини англаганман.

Келишимни юраги сезганми ё деразадан кўриб турганми, кўнғироқни босмасимдан аёлим эшикни очди-ю:

– Ассалому алайкум! – деди мийифида кулиб.

– Ваалайкум ассалом!  
– Яхши келдизми, навбатчилик яхши ўтдими?  
– Худога шукр! Ўзинг яхшими?  
– Раҳмат! Ювиниб олинг, чой қўйгандим, дамлаб бераман!  
Хотиним кўзимга доимидан яхши кўриниб кетди.  
– Биласанми, Садоқат, сен дунёдаги энг яхши аёлсан!  
– Бугун бошқачасиз? – деди у чой дамларкан.

Ювиниб, ошхонага кирдим. Куймаланаётган аёлимни кўриб, ўзимни баҳтли сездим. Ортидан бориб секин қучдим. “Дарров соғиниб қолдизми?”, деди ийманиб. Юзини кўрмасам-да ёқимли жилмайганини сездим. “Сени соғинмай бўларканми, тентаккинам!”, дедим сочини ҳидлаб. “Фийқ” этган эшик овози мени сергаклантирди. Қўлларимни тортиб олдим. Ўғлим кўзларини ишқаб, “дада”, деб менга интилди. Тизанладим<sup>1</sup>. Келиб бўйнимдан кучди. Боламнинг белидан маҳкам қулоқладим. Кўзимдан ёш қуилиб кетди. “Дада, йиғла-япсизми?” деди ўғлим буни сезиб. “Йўқ, ёғирда сочим ҳўл бўлувди, шунга...”, дея алдадим ёшимни артарканман. “Ўғлим, бор, бет-қўлингни ювиб кел-чи, даданг билан чой ичамиз”, деди хотиним ўзи сезмаган ҳолда мени нокулайликдан кутқариб. Ўғлим чопиб ваннахонага кирди. Мен хонтахта ёнидаги доимиги жойимга чўқдим. Аёлим чой қайтараркан, юзимга тикилди-ю:

– Сизга нима бўлди, кўзиз қизариби? – дея ерга қаради.

– Чарчадим, навбатчилик оғир ўтди, – деб юзимни ундан олиб қочдим. Ўғлим келиб, мени хижолатдан кутқарди. Онаси олдимизга таом келтирди. “Ўзингам ўтири”, дедим. У қўлидаги юмушни қўйди-да, ёнимга ўтириди. Нонушта қилдик. Оилам билан сўнгги бора дастурхон атрофида ўтирганимни ўйламадимам. Чой ичдик. Гапни нимадан бошлишни билмай, ка-

ловландим, охири зўрға: “Бугун қишлоққа жўнайисизлар!”, дедим. Ўғлим “уррэ”, деб қичқириб юборди. Садоқат саволомуз қаради. “Хизмат сафарига кетяпман, тез кунда изларингдан бораман, баҳонада энамнинг рўзгорига қарашиб келасан”, дедим. Аёлим аввалига унамагандай бўлди, қовоғимнинг ўолганини кўриб “хўп”, дея бош иргади.

Балконга чиқиб, сигарета тутатдим. Деразани қия очиб, ташқарига термилдим. Ёғир бир маромда севаларди. Ялонғоч дараҳтлар ҳаётнинг ўткинчилиги ҳақида ўй сураётгандай эди. Санай бошладим. Бир, икки, уч...

“Эртага тонггача бормайди!”

...уттиз тўрт, ўттиз беш.

Дараҳтлар-да ҳазиллашаётгандай ўттиз бешта чиқди. Шу уйда ижарада турганимдан бери уларнинг ўттиз бешта эканини пайқамабман.

“Эртага тонггача бормайди!”

Ўттиз олтинчи дараҳтни жавдираб қидира бошладим. Шунда чопиб келиб, оёқларимдан қучган ўғлимнинг: “Дада, ўзингизам борасизми?” деган сўроғи фикримни бўлди. Уни кўрмасин, деб қўлимдаги сигаретни ташқарига отдиму:

– Эртага ёқ изларингдан етиб бораман”, – дедим.

– Алдамайсизми? – дея ўғлим оёқларимни маҳкам кучди.

– Дадалар алдамайди! – дедим унинг бошини маҳкам қулоқлаб, кейин кўшиб қўйдим: – Қишлоққа боргач, бобонг, момонг, онангнинг гапини икки қилма! Тушундингми?

У қўлларим орасидаги бошини ирғиди. Ота-бала шу кўйи узоқ туриб қолдик.

Уларни автобекатдан мошинага чиқаздим. Ойлик олганимни айтиб, хотинимга кўпроқ пул бердим.

– Бунча пулни нима қиласман? – деди ажабланиб Садоқат.

– Ортиқчаси бўлса, отамга бе-рарсан, – дедим беихтиёр кулиб.

<sup>1</sup>Тиззанламоқ (шевада) – чўқкаламоқ.

– Ўзингиз бориб олиб кела-  
сиз-а?

– Ҳа, индинларга етиб борсам  
керак...

Мошина қўзғалди. Ортимга қайрилдим. Энди чини билан йиғлаб юбордим. Фақат овозим чиқмасди. Катта-катта қадам ташлаб кетиб борардим. Шу кетишида: “Ўғлим билан хайрлашмаганим яхши бўлган экан, бўлмаса ўзимни тута олмасдим”, деб ўйладим. Хайрлашиш, чиндан хайрлашиш қўрқинчли бўлишини шу дам ҳис қилдим. Айниқса, сенга меҳр улашганлар билан хайрлашиш оғир экан.

Ёмғир тинибди. Ўзимга келиб, дўстимга кўнфироқ қилдим. Ишда экан. Олдига ўтишимни айтдим. Боришимга рози бўлди. Таксига ўтириб, ўн беш дақиқада унинг ишхонасига етдим.

Сўрашгач, ишхонаси ҳовлиси-даги ўриндиқлардан бирига ўтири-дик. У ёқ-бу ёқдан гаплашдик. Ўзимиз яхши қўрадиган ошхонага тушликка бордик. Икки хил овқат айтдик. Таомлар доимидан ши-рин эди. Дўстимнинг ҳай-ҳайлашига қарамасдан, ҳисобни ўзим тўладим. Бундан бироз ранжиdi. “Келаси гал тўларсан”, деганим-дан кейин чехраси сал очилди. Ишхонасигача жим бордик. Лекин қандай гап бошлишни билмасдим. “Қобил, ёртага ёрталаб бизниги кел, мени кузатиб қўясан!” дедим охири. “Қаёққа кетаяпсан?” деди ажабсиниб. “Узоққа”, – дея кулдими қўшиб қўйдим: “Қишлоққа – уй-имга...” Кўйнимдан дўхтирлар берган қофозларни чиқариб унга узатдим. У лом-мим демай қофозларга узоқ термилдию ийманиб-гина сўради:

– Қачон билдинг?

– Бугун!

– Ташхислар доимам тўғри  
чиқавермайди!

– Лекин бу энг янги ускуна ху-  
лосаси экан! – дедим синовчан.

У индамади. Бироз жим тур-  
ди-да бирдан жонланиб:

– Юр, оғайни, сени шаҳардаги энг яхши врачга обораман! Ҳар қандай янги аппаратам, энг зўр дўхтирам адашиши мумкин-ку? – деди.

– Қўй, ошна! – дедим хотир-жам.

– Ҳеч қаёққа кетмайман! Бугун ёнингда бўламан! – деди қатъий оҳангда.

– Илтимос, Қобил, бугун ўзим учун яшамоқчиман! – дедим уни совитиш мақсадида.

У бўйнимдан маҳкам қучоқла-ди.

Ошнам билан ҳеч қачон бу қадар яқин бўлмагандик. Дардимга шерик бўлгани учун дўстимдан миннатдор бўлдим, ишига қайтишини илтимос қилиб, уйимнинг иккинчи калитини узатдим. Аввалига олишни истамади. Хўрси-на-хўрсина қўлимдагини олдию мени яна бафрига босди. Зўрга “Ота-онамни йўқлаб тур!” деб олдим, холос. Ортиқ бу ерда қолол-маслигимни англаб, ошнам билан хайрлашиб йўлга отландим. Унинг охирги марта менга термилган кўзларида чўкаётган одамга ҳеч қандай ёрдам қўлини чўза олмай изтироб чекаётган инсон қиёфа-сини қўрдим.

Пиёда юргим келди. Қаерлар-гадир бордим, нималардир қилдим. Ҳеч бири эсимда йўқ. Эслаганим, кўзимни очсан, қандайдир ўриндиқда ўтирган эканман. Кўзим илинган экан. Атрофимни идрок этсан, айланиб-айланиб адиллар боғига келиб қолган эканман. Қарасам, уларнинг ҳаммаси ўриндиқда ўтириби. Нега? Бу ҳақда шу пайтгача ҳеч йўлаб кўрмаган эканман. Боққа шунчаки келиб-кетаверибман-да. Бошқа боғдаги шоиранинг ҳайкалини-да кўз олдимга келтирдим. Уям ўриндиқда ўтириби. Қатағон замонида юрак ҳовучлаб қалам тебратган ижодкорларимизнинг жисман, руҳан толиққанини ҳайкалтарош яхши фаҳмлабди. Қойил!

Боғдан чиқиб кетарканман бояги совуқ гап ногаҳон эсимга тушди:

“Ёртага тонггача бормайди!”

Нақадар совуқ сўзлар! Шунда телефоним жиринглаб қолди. Сесканиб кетдим. Йўл бўйидаги ўриндиқча чўқдим. Чукур-чукур нафас олиб телефонимнинг ойнасига қарадим: “Онам”. Бир неча кундан бери онамни йўқламаганимни, ҳатто эсдан чиқариб қўйганимни ўйлаб, ўзимдан нафратланиб кетдим!..

“Болажоним, ўзингмисан?” дедилар саломимни кутмасдан. Овозимга имкон қадар қувонч оҳангларидан қўшиб гаплаша бошладим. Сўрашгач мени саволга тутди:

– Негадир кўнглим фаш, кеча тушимгаям кирибсан, соғлигинг яхшими ўзи?

– Худога шукр, яхшиман! Эна, бугун келинингизни олдингизга жўнатдим.

– Вой, болам-эй! Яхши қи-либсан-да! Ўзинг қачон келасан, ўзинг?

– Бир-икки кунда бориб қоламан, эна.

– Тани-жонинг соғ бўлсин, илойим!

– Раҳмат, эна! Дуо қилиб ту-ринг!

– Икки қўлим доим дуода!

– Эна!

– Ҳа, жоним болам!

– Бодом гулладими?

– Эҳ-ҳә! Сўрама, болам! Кўриб қўзинг қувнайди! Эҳ, болам-а! Ўша шаҳарингдан уч-тўрт кунгинага ортиб, бир келиб-кетсанг, ҳаммасини ўзинг кўрардинг! Ҳаммамиз сени соғиндик, соғиндим!

– Бораман, эна!

– Тезроқ келақол!

– Эна! Ҳалиги...

– Гапиравер, жон болам!

– Йўқ, ўзим, ҳеч нарса! Майли, бўлмас!

– Тани-жонинг соғ бўлсин!

Алоқа узилди. Юрагимнинг бир четиям чирт узилди. Издан чиқкан

поезддай нима қиласримни, қаерга боришмни билмай қолдим.

Ўриндиқ ёнидаги энди куртак ёзаман, деб турган дараҳт шохларига боқиб болалигимни эсладим. Адирларда майсалар бош кўтарган чоги. Болалигимда қизлар гуллаган бодом шохини синдириб олиб, чаккаларига таққанлари, Боботоф адирлари бағрида чопиб кўй боққанларим эсимга тушди. Қалбимда занг қоплаган ям-яшил ҳаётга қайта жон ина бошлади. Хаёлим беихтиёр ўша кунларга улоқди.

...Синфдош қизнинг сочидан тортиб йиғлатгандаримни эсдан чиқариб бўларканми?! Қўшнимизнинг боғидан олма узиб еганларимни хотирамдан ўчириб ташлай оламанми? Ёз кунлари туш пайти уйдагиларнинг кўзини шамғалат қилиб ялангоёқ лойқа сувга чўмимишга боргандарим ҳаётимнинг энг ширин лаҳзалари экан. Исиқ тупроқда ётиб олиб, қуёшда қорайланларим-чи! Болалигим ҳозир менга ҳар қачонгиданам яқин эди.

Ундан-да кичиклигимда бобом яшил мошинасида мени катта шаҳарга олиб борганини эсладим. Универмагда ичига одам сифадиган ўйинчоқ мошин кўзимга яхши кўриниб қолса бўладими. Ўшани олиб берасиз, деб ерга ўтириб олиб, тир-тир енгарлик<sup>1</sup> қилиб, бутун универмагни оёққа турғизай деганман ўшанда. Ўга қайтаётиб менини бўлиши керак бўлган нарса тобора ортда қоларкан, йиғим янада кучайган, шунда сўнгги илинж – шўпир бобомнинг сочидан тортдим. Чўлнинг ўртасида тақ-тақ тўхтадик. Мошинадан туширилдим. Эллик-юз қадамча ортда қолгач, баттар йиғлаб мошинанинг ортидан чопганимни эслаб... ўзимга кулги оралади.

Қишлоғимни қаттиқ соғинганимни ҳис қилиб телефон титишга тушдим. Интернетдан сунъий

йўлдош ҳаритасига кирдим. У турган жойимни кўрсатарди. Амаллаб қишлоғимни топдим. Ҳар гал уйга қайтаётганда мени кучоқ очиб кутиб оладиган Бўйрабобим кафтдай эди. Баданимга чумоли ўрмалагандай бўлди. Туғилган тупроғингни осмондан кўриш бошқача бўларкан. Ҳаритадан бобо уйимни қидирдим. Болалигимнинг кўп қисми ўтган уй кўзимга бошқача кўринди. Нарироқдаги ота уйимда илиқликни ҳис қилдим. Мана, томорқамиз, дараҳтларимиз, уйимиз. Хаёлан уйимизнинг томига кирдим. У ерда китоблар, кийилмай қолган кийимлар, яна бир қанча буюмлар бор эди. Шифтда тағин нимадир осилиб турибди. Нима экан-а? Ахир бу бешик-ку! Мени, укаларимни, сингилларимни катта қилган бешик! Онажоним тебратиб тепасида бизга аллалар айтиб берган бешик! Мен туғилганда қувонган бобом қора толдан ясаган мустаҳкам бешик!

Харитани бармоқларим билан йиғдим. Бўйрабоб тағин кафтдай бўлиб қолди. Қишлоқ адогидаги оқ нуқталарнинг нима эканига қизиқиб, ўша жойни яқинлаштирудим. Не кўз билан кўрайки, оқ нуқталар қабристон эди. Бир муддат жим қолдим. Кўмилган қариндошларимизни эсладим. Ҳаритадаги қабристон билан хәёлимдагисини солиштирудим. Қабристон кенгайиб қолгандай эди. Чинданам, мен билган қабристонда бирорта бўш жой қолмапти. Қўшилган жойни яқинлатдим. У ерда ўн-ўн бешта қабр кўзга ташланарди. Мен учун ҳаммаси янги. Қишлоқда бўлмаганимда кимлар оламдан ўтди экан? Ўйдан кетганимдан бери анча вақт ўтганини ҳис қилдим. Эрта-индин қабрлар ёнида янги қабр пайдо бўлишини ўйлаб юрагим увишди. Ўйларим чувалашиб қолди. Ҳаритани тезда йиғдим. Қабристон кичрайиб, қишлоқ ичida йўқолди. Ўрнимдан қўзғалдим.

Совуқ хаёллар билан китоб дўйонига келиб қолибман. Ичкарига кирдим. Ўқимаган китобларимни олдим. Почтага бориб уларни ота уйим манзилига жўнатма қилдим. Китобсуяр синглим учун. Акаси ўқиёлмаган китобларни ҳеч бўлмаса у ўқисин! Фақат Қуръони Каримни ўзим билан олиб қолдим. Шууримда шифокорнинг совуқ гапи акс-садо бериб, юрагимни титратиб юборди:

“Эртага тонггача бормайди!”

Лекин тонггача улгуришим мумкин-ку!

“Худога шукр!”

Ўйга шошдим. Почтадан чиқсан, қош қорайибди. Шу яқиндаги масжиддан келаётган шом азони қулогимга доимгидан айрича эшитилди:

Оллоҳу акбар! Оллоҳу акбар!..

Ёмғир кучайганди. Кун бўйи ёнимда олиб юрганим – ҳамшира берган соябонни энди очмасам бўлмайди. Бофичини бўшатиб, уни ёйдим. Ўнта тиргаги бор бошпана бошимни тўсди. Ўйга пиёда кета бошладим.

Сўнг қанча юрганимни, нималар қилганимни, ўйга қандай келганимни эслолмайман. Билганим, мутолаа жараёнида чиндан яшаётганимни ҳис қилдим. Тонгга яқин уйқу элита бошлаганида эса ўзимни икки дунё оралиғида туйдим. Қайтиб кўз очмаслигимдан қўрқмай қўйдим. Ўқиганларим ёмғир томчиларининг шитир-шитирига қўшилиб умримда эшишмаган товуш – кўкламнинг ёқимли куйи янглиғ миямда айланарди. Ўйласам, куй ҳаётнинг ўзига ўхшаш экан. Куй ибтидо ва интиҳо ўртасидаги кўприклигини англадим. Куйдан бўлак ҳеч нарсани идрок этолмасдим. Юррак уришларим-да, нафас олишларим-да, сассиз сўзларим-да, сўнгсиз ўйларим-да куй бўлиб қолганди. Мен куйга айлангандим. Борлиғимни әгаллаган ёқимли куйни не тонгки тонгда эшик қўнғироғининг жарангি бўлиб юборди...

<sup>1</sup>Тир-тир енгарлик (шевада) – қайсарлик.



# ЯГРОК ХИКОЯЛАР

**Адхамбек АЛИМБЕКОВ**

Бугунги тезкор замонда одамлар қисқа фурсатда кўп ишларни қилишга уринадилар. Замондан орқада қолиб бўлмайди. Шу маънода қисқа ҳикоялар ёзишга уринидик. Қолаверса жаҳон адабиётида қисқа ҳикоялар ёзиш тажрибаси бор. Тўғри-да, бир қаторли шеърлар бўлганда, нега бир-икки гапдан иборат ҳикоялар бўлмаслиги керак. Асли ҳикоянинг моҳияти бир жумлада зуҳур этади-ку. “Хар қандай асар, одатда, бир сўз учун ёки бир сатр, бир фикр учун ёзилади” – деганди устоз Талъат Солиҳов.

Бизнинг япроқ ҳикояларимиз ҳам шу йўлдаги изланишлардандир. Изланиш айб саналмас.

## Бекадрилик

– Мен сени телбаларча севаман, – зорланди йигит.  
– Аҳмоқларнинг севгиси керак-  
мас, – кибрланди қиз.

## Никоб

– Қанчадан буён кўришмадигам, фамлашмадигам, тинчмисан,  
дўстим?  
– Э... вақт йўқ, – кўнглидагини  
яширди иккинчиси.



## Артист

– Суйганидан кўнгли озорланган қиз зорланди: – наҳот шу пайтгача айтганларингиз ёлғон бўлса?  
– Фонограмма эди – сурбетланди қаршисидаги.

## Садоқат

– Сени мендан ҳеч нима айира олмас, тўсолмас!  
Кўз ёшларим пардасидан ўзга.

## Мехрибон

– Бир бориб бобойни кўриб келмоқчи эдим, – виқор-ла деди супермаркетда бозорлик қилиб юрган Бойвачча тасодифан кўришиб қолган танишига. Ажнабий русумли машина Мехрибонлик уйи олдига келиб тўхтади.



## Җүрүр

– Санамларнинг, гўзалларнинг баданини менга қиёслайдилар, – Фууруланди сарв. Танасининг тошдек қаттиқлиги иши йўқ.



## Очиқлик

Унинг қулоги фийбатларга, оғзи нобоп сўзларга очиқ эди. Оқибат кўзлари ҳам очиқ кетди.

## Китоб

Ақлингга қараб таъсир қиласиди (сўз айтадиган) самимий дўст.



## Нега

Қўёш нур таратмаса ҳаёт йўқ. Аммо осмон безаги юлдузларни кўринмас қилиб қўяди.

## Барҳаётлик

Одамларга наф келтира олишда зухур этади.

## Тумроҳлик

Гулнинг тикани: “Боғбон мени суйганидан суғорар”, – дея кўнглин чофлар.

Гул туфайли сув ичганин билмас.

## Олижаноблик

Пул тўла ҳамён топиб олганда суюниш эмас, ҳамён йўқотганга ачинишда.

## Телефон

– Қўй телефони, роса омадинг келди. Урф бўлишда чемпионсан. Аммо одамларни яқинлаштияпсанми ёки аксинча?



## Меъёр

Кўзгудаги ўз латофатига маҳлиё кўзлар, кўзгуга тақаб қаради ва ҳеч нима кўрмади. Жаҳлдан улоқтириди ва кўзгусиз қолди. Меъёрни билмаслик душманим, ўксинди кўзлар.



## Пўсик

Кўзнинг нуруни кесиб бўлгайму. Фақат сенинг жамолинг.

## Нега издан чиқмас?

Ер шари коинот чексизлигига муаллақ айланиб юради. Нега бир издан чиқиб кетмай ёки мунтазам бир томонга, ё турли томонларга оғиб кетмайди. Сабаби тинмай ўз ўки атрофида айланишидир. Ўзлигини топган инсондек йўлини йўқотмайди она ер.



## Қувим

Ёруғликдан узоклашган сари соя каттараверади ва оқибат йўқолиб кетади. “Катталик” ортидан қувиб юрганлар, соянгга ҳам разм сол.



## Шомқалоқлик

Бир-икки кунлик илиқ кунларнинг шабадаси дараҳт куртакларини хўп эркалади. Майнинликдан хушбахт бўлған ғунчалар эртароқ лаб ёрдилар. Афсус, кейинги кечадаги қора совуқ уларни уриб кетди.



**Нурилла ЧОРИ**

...Бодомга ҳавас қилиб ўрик гуллаган. Кўклам ёмғири дашту далаларга яшил гилам тўшаб, болаларнинг қийқириғига эш қўй-қўзиларнинг бараши кўнгилларга кенглик бахш этган.

Изиллоқнинг адоғидан шарқираб оқаётган Тагисарой ариғи бўйида уч-тўрт ёш йигит ер ковлаётгани қўшни лолазорликларга ҳам кўриниб туради. Толмас тегирмончи пешонасига қўлини қўйиб, узоқ тикилди, тин олди: “Изиллоқликлар йилбоши сайлини бошлабди-да. Бизникилар нега ҳалигача жим?” дея хаёлидан ўтказди ва ўз ҳамқишлоқларини койиган бўлди...

Ер ковлаётгандар қатори кенгайиб, ўтин ёришга тушганидан аён бўлдики, улар ўчоқ қазишаётган экан. Қишлоқдан икки-уч одам бўлиб келаётгандарга болалар ҳам эргашган, “ҳа” дегунча қишлоқ аҳли жам бўлди.

Тол чўпдан от минганд болалардан бири “тулпорини кишнатиб” чопиб кетди. Ортидан иккинчи, учинчиси “бедов”ини чоптириди. Кўз очиб-юмгунча қиши билан эгнидан ташламай келган иссиқ чопони улоққа айланди.

# Дуога очилган қўллар

*Яратгандан юртимизга тинчлик, ҳалқимизга фаровонлик сўрайди*

Ўчоқ бошидаги ошпазлардан бири қурбонлик қилинган жонлиқнинг қулогини мўйлови сабза урган ўсмиirlар томон “Кулоқчўзма”, дея отиб юборди. Бу томошани қаранг! Бири қулоқни олиб қочган, қолганлар унинг ортидан қувган. Ким етса, қочганинг қулоғидан тортади – токи қулоқни ерга ташламагунча. “Кулоқчўзма”га ташланган қулоқ энг чақон, энг чопқир ўсмирнинг қўлида қолади. Голибни эл тақдирлайди. Қўлни дуога очиб қутлайди.

Буни қарангки, дуо бериб голибни мукофотлаган боболар ҳам шу куни болага айланиб, неваралари билан “чиллик”, “ошиқ” ўйнайди. Қизиги, невара чиллик урса, саксон ёшли нуроний уни олиб келгани лўкиллаб югуради. Ошиқ ўйнаб фарзандларига ютқазаётган боболарнинг: “Биз-ку умримиз давомида гоҳ голиб, гоҳида мағлуб бўлиб ўтдик. Ҳой, сизлар ҳеч қачон мағлуб бўлманглар!” деган тилагида ҳам эзгу ният, ҳам талаб балқиб туради.

Жажжи болакайни варраги тортиб кетади. Болаларнинг шодон ҳайқириғидан эл кўзи мусаффо осмонга қадалади. Осмон тўла

варрак, йўқ, варрак эмас – орзулар, умидлар, эзгу ниятлар!

Чиллик ўйнаган боболар чанқайди. Қўпкари чопган “чавандоз”нинг қорни очади. Варраги кўкка парвоз этётган болакай онасини турткилай бошлайди... Кимдир: “Йилоши пишдими? Пешин бўлди-ку！”, дея овоз беради.

Таом дастурхонга тортиладиган чоғда бутун қишлоқ – момолардан тортиб келинларга қадар, бўйқизлардан то азадорларгача шу ерга жам бўлади. “Ош каттадан, сув кичикдан” деганларидаи таом ёши улуғлардан бошлаб болакайларгача тарқатилади. Тамадди қилганлардан бирортаси ҳам қишлоқ имоми Султонмурод махсум, азиз-авлиёлар ва аждодларининг руҳларига бағишилаб Қуръон тиловат қилиб, “Қишлоқ аҳлига аҳил-иноқлик, инсофу диёнат, сиҳат-саломатлик, юрт тинчлиги-ю тўкинлигини, бу йилги дехқончилиги-ю чорвасига, жамийки ҳосилига қут-барака” сўрамагунча жойидан жилмайди.

Бу одатдаги бир эҳсон оши эмас, балки азал-азалдан кўкламни уйғониш, оламнинг янгиланиш ва яшариш, табиатнинг қайта туғилиш чофи, ҳаётнинг янги бир

мавсуми бошланиш палласи деб билган элнинг анъанаси. Шунинг учун фарзандталаб киши ҳам, бемор ҳам, бирор эзгу ишни бошлаётган тадбиркору ишбильармон ҳам, зурриётларининг иқболидан умидвор ота ҳам бундай фурсатни қўлдан чиқармай, эл дуосини олишга шошилади.

Қишлоқ оқсоқоли Маҳмуд aka ташаббусни бой бермасдан элни кенгашга чақиради: “Эй ахли Изиллоқ, бугун бир неча масалани кенгашиб олишимиз зарур. Сизларга, аввало, қишлоқ фаоллари, имоми, мактаб маъмурияти ва фермерларнинг айтар сўзи, талаб ва истаги бор. Қишлоқимизга экинларни суғоришга келадиган сув уч қишлоқдан ўтади. Буни барчангиз биласиз. Аммо шу ариқни қазиш ва тозалаш ишларида ҳамма баробар қатнашмади. Ўзини орқага тортиб турганлар, бир кун вақт ажратмаган кишилар ҳам эртага шу ариқдан сув ичади. Бу уят!”



– Ҳашарга чақирдим, – деб гап бошлиди Турсунпўлат полвон. – Ўтган йили тоғдан сув келгани йўқ, ҳашарда нима қиласман, деганлар ҳам орамизда бор. Шукрки, бу йил қиш яхши келди. Худо хоҳласа, сувимиз мўл, экинларимиз серҳосил бўлади. Аввало, ниятни яхши қилиб, эл юмушидан қочмай қатнашиш керак.

Оқоқол яна сўз олади:

– Қувондиқ укамиз орамиздан ёш кетди. Ўғли Ёдгорбек ҳали мактабга чиққани йўқ. Унинг оиласига маҳалла фуқаролар йигини томонидан ёрдам кўрсатилияпти. Биз-чи? Биз нима ёрдам қила олдик? Ёш ўсмир йигитлардан талабим – унинг томорқасини суғоришга!

– Тўғри таъкидладингиз, оқсоқол! Мана, Қулмирза укамиз ҳам икки йилдирки, хорижда. Болалари ёш. Келин томорқасига полиз етиштирмай, ўт экиб қўйган. Помидор, бодрингдан тортиб сабзи, пиёзни ҳам шаҳарликлардай бозордан сотиб олади. Негаки, шу экинларни томорқасида экса, моли ёзниг кунида оч қолади. Биз бўлсак, Қулмирзанинг аёли, болалари бир кунлик чўпонлик навбатини ўтказа олмаслиги сабаб, уларни навбатга қўшмаганмиз. Унинг молини кўплашиб боқсак, рўзгорининг бутлигига, дастурхонининг тўқислигига ҳисса қўшган бўламиз. Тўй қилса, яхши кунларни нишонласа, шу элга беради, – деб сўзига якун ясади Ҳошимхон.

– Яхши эслатдингиз, Ҳошимхон. Шу тўйларимиз тўғрисида гапим бор эди, – дея давом этади Султонмурод махсум. – Ўтган йили қишлоқда бир-биридан чиройли, тартибли тўйлар қаторида дабдабабозликка берилиш ҳолатлари, кимўзарга, мен сендан камми қабилида тўй ўтказишлар, ичкиликни ҳаддан зиёда, ҳатто ёшлар олдига ҳам қўйишлар бўлди. Бу билан ўз фарзандларимизни, ортимиздан қоладиганларимизни ичкиликка, унинг ортида

турган аҳлоқиззликка ундумаяпмиз, деб қани, ким айта олади? Бу йилги тўйларимизда бундай ҳолатларга асло йўл қўймаслигимиз керак. Бу, аввало, тўй ўтказадиган кишининг фойдаси. Ундан сўнг шу элнинг.

– Одам саломатлигига тамаки ва спиртли ичимликларнинг салбий таъсири кўрсатиши азалдан маълум. Ёш авлодни бу иплатдан холи қилиш учун соғлом турмуш тарзига эришиш лозим. Бунинг учун мактаб ва коллеж ўқувчиларини дарсдан бўш пайтларида спортнинг оммавий турларига жалб этсак, маъқул бўларди, – деди Камолиддин муаллим.

Шу тариқа бир неча маънавий-маърифий, ижтимоий-иқтисодий масалалар бўйича қишлоқдошлар кенгашиб олиши. Бундан кейинги йилбошиларда фермер хўжаликлари раҳбарлари қаторида, қишлоқ врачлик пункти шифокори, туман электр таъминоти бўлими ва бошқа мутасадди ташкилотларнинг вакилларини ҳам жалб этиш, пировардида эл фаровонлиги, тотувлиги, оиласар мустаҳкамлиги, навқирон авлод вакиллари орасида соғлом турмуш тарзининг қарор топишига замин яратиш борасида қишлоқ фаоллари, нуронийлар томонидан қимматли фикр-мулоҳазалар билдирилди, режалар кенгашиб олинди.

Доно халқимизнинг “Эр йигитни эл қўллайди”, “Кўпнинг дуоси Хизрнинг назарича бор”, деган нақллари, балки шундай шукухли кунлар сабаб айтилгандир. Якка боғ тумани “Янги ҳаёт” қишлоқ фуқаролар йигини таркибида аҳил-иноқлик билан бир-бирига маслақдош, ҳамфир, суюнч ва таянч, қавму қариндош бўлиб келаётган Изиллоқ ахлининг йилбошисига ҳавас қилган Толмас тегирмончи лолазорликларни йилбоши ўтказишга, ўз эли билан йил давомида қилинадиган эзгу амаллар хусусида кенгashiшга ундали.



Ги де МОПАССАН

## Мурданинг қўли

Ҳикоя

Бир куни кечқурун, бундан саккиз ой муқаддам, дўстимиз Луи Р.нинг хонасига бир неча собиқ синфдошлар йифилдик. Пунш ичдик, чекдик, адабиёт ва рассомлик санъати ҳақида гап сотдик, одатда ёшларнинг гурунгларида айтиладиган ҳазил-мутойибалар бўлди. Бир пайт туйкусдан эшик ланг очилиб, болаликдаги бир дўстим хонага қуюндай бостириб кирди.

– Хўш, қани, ким айтади, мен ҳозир қаердан келдим? – қичқирди у.

– Гаров ўйнашим мумкин, Мабилдан! – деди кимдир.

– Йўқ, кўринишингдан кайфинг чоғ, ҳарқалай, бирор жойдан қарзга пул ундирансан ё бувангни дафн этиб қайтдингми? Ҳа, топдим, соатингни гаровга кўйгансан, мўлжалингдаги нархда, – деди бошқаси.

– Менимча, сен жиндай отгансан, – деди учинчиси. – Луиникидаги пуншнинг ҳидини олиб, томогингни яна ҳўллагинг келиб қолган.

– Йўқ, тополмадинглар, мен П.дан келдим. Нормандиядаги П.дан. Бир ҳафта бўлдим у ерда, мана ўзим билан бирга биродаримниям олиб келдим, рухсат

этинг, жаноблар, уни сизга танишитирай!

У шу сўзларни айтиб чўнтагидан териси шилинган одам қўлини чиқарди. Қўл ниҳоятда қўрқинчли эди: қоп-қора қуриб қолган бармоқлари узун, майишиб кетганга ўхшарди. Фавқулодда бақувват мушакларнинг юқори ва қўйи қисмида шилинмай қолган, пергаментга ўхшаб кетадиган тери парчалари тарам-тарам, бармоқларининг учидан сарғимтирир ўткир тирноқлар туртиб чиқиб турарди. Бу манзарадан шундоққина жиноятнинг ҳиди анқирди.

– Тасаввур қилинг, – ҳикоя қила бошлади дўстим, – яқинда вилоятга донғи кетган бир қари жодугарнинг кўқир-сўқирларини сотишди. Жодугар ҳар ҳафтанинг шанбасида супургисига миниб, жинлар базмига отланар, жодугарлик билан шуғулланар экан: сигирларга кинна соганида жониворларнинг сути кўм-кўк кўкариб, думлари худди авлиё Антонийнинг надиминикидай тиккасига буралиб кетаркан. Ўша қари алвости мана шу қўлга жуда меҳр қўйган экан.

Унинг айтишича, бу қўл ўзининг қонуний хотинини боши

билан қудуққа ташлаб юборгани (дарвоқе, буни шахсан мен жиноят деб ҳисоблайман) ва бунгача ўзларини никоҳлаган руҳонийни жомнинг арқонига осиб ўлдиргани учун 1736 йили қатл этилган донғи кетган бир каллакесарга мансуб эмиш. Ана шу қўшалоқ жасоратни амалга оширганидан сўнг бу муттаҳам беҳад оғир жиноятларга қўл уради, ўзининг хийла қисқа ва айни пайтда саргузаштларга тўлиб-тошган умри мобайнида юзлаб сайёҳларни шилади, монастирда йигирматача руҳонийни тутунга қамаб бўғиб ўлдиради, аёллар монастирини ҳарамга айлантиради.

– Нима қилмоқчисан бу жирканч матоҳи? – деб сўрадик биз.

– Ҳе, жин урсин, ижарачиларни бир қўрқитай. Буни мен эшикнинг кўнғироғига дастак қилиб бойлаб қўяман.

– Дўстим, – деди новча, тепса тебранмас инглиз Генри Смит, – кўп ҳовлиқаверма, менимча, бу қўл янгича усолда консерваланган гўшт, холос. Мен сенга ундан шўрва қайнатиши маслаҳат бераман.

– Ҳазилни бас қилинглар, жаноблар! – деди ширақайф талаба-табиб сиполик билан норози

оҳангда. – Сен эса, Пер, менинг оқилона маслаҳатимга қулоқ осгин-да, майитнинг бу аъзосини масиҳ-часига дафн этгин, акс ҳолда эгаси қўлни қидириб сенга йўлиқади: боз устига, қўлнинг эгаси манфур одатини тақорласа ҳам ажаб эмас, ахир, ўзинг биласан-ку, “тарки одат – амри маҳол”.

– Ҳа, тарки одат – амри маҳол! Ичган – тагин ичади! Қани, олдик! – дея қувватлади уй эгаси ва талабага катта қадаҳни тўлатиб пунш қуиди. У қадаҳни бир кўтаришда бўшатди-ю, кайфи ошиб столнинг тагига қулаб тушди, хонада қўйқирик кўтарили. Пер қадаҳни кўтариб, мулозамат қилгандай қўлга хийла энгашиб, деди:

– Сенинг эганг билан бўлажак учрашув учун ичаман!

Шундан сўнг суҳбатимиз бошқа мавзуга кўчди ва орадан кўп ўтмай ҳамма уй-уйига тарқалди.

Эртаси куни, соат иккиларда мен Пер яшайдиган уйнинг олдидан ўтаётуб, бирров кирдим.

– Ҳўш, қалайсан? – деб сўрадим ундан.

– Зўр, – деди у.

– Қўл қаерда?

– Қўлми? Нима, кўзинг тушмадими, кеча кечқурун уйга кираётиб кўнғироқнинг ипига осиб қўйгандим. Ҳа, тасаввур қиласанми, аллақандай телба ярим оқшом кўнғироқни роса жиринглатса бўладими, ҳарқалай, кимдир бирор бебошлик қилди чоғи, мен кимсан, деб чақирдим, ҳеч ким жавоб бермади, кейин тўшакка чўзилиб қотиб ухлаб қолибман.

Шу пайт кўнғироқ жиринглади. Бу уйнинг хўжайини – қўпол, ёқимсиз бир нусха эди. У хонага тумтайганча кириб келди, ҳатто ҳол сўрашни ҳам ўзига эп кўрмади.

– Ҳурматли жаноб, – деди у дўстимга, – бу ўлимтиқни дарҳол йўқотишга рухсат этинг, акс ҳолда сизни хонадан чиқариб юборишга мажбурман.

– Марҳаматли жаноб, – фавқулодда жиддий оҳангда жавоб берди Пер. – Сиз қўлни ҳақорат қилдингиз, ахир, у бунга муносаб иш қилгани йўқ-ку. Билиб қўйинг, бу қўл бағоят ахлоқли инсонга мансубдир.

Хўжайн бурилиб, хайрлашмасдан чиқиб кетди. Пер унинг ортидан бориб кўнғироқдан қўлни ечиб олди ва уни тўшагининг устидаги қўнғироқ ипига илдириб қўиди.

– Мана шу ерда тургани маъқул, – деди у. – Бу қўл худди тирранчалар: “Биродарлар, ўлишга тўғри келади”, деганларидай, ҳар оқшом уйқу олдидан мени жиддий фикрларга ундаиди.

У билан бир соатча ўтириб, уйга қайтдим. Кечаси уйкум қочди, ҳаяжонландим, асабим бузилди, бот-бот босинқираб уйғониб кетдим. Бир маҳал аллаким бош учимда қаққайиб тургандай туюлди, вахима босди, ўрнимдан иргиб турдим, каравотнинг тагига

қарадим, шкафни очдим. Ниҳоят, соат олтилар эди, чамаси, кўзим илиниби, бироқ эшик шунақанги ваҳимали тақилласа бўладими, тўшакдан сапчиб туриб кетдим. Тақиллатган дўстимнинг хизматкори экан, яримяланғоч, ранг-рўйи докадай, жаги-жагига тегмайди, аъзойи бадани қалтирайди.

– Ў, жаноб! – хитоб қилди у йигламоқдан бери бўлиб. – Шўрлик хўжайинимни ўлдириб қўйишиди!

Апил-тапил кийиниб, Пернинг уйига югурдим. Тумонат одам, ҳамма ҳар томонга зир юргурган, рўй берган фожиани ҳар ким ўзича тўқиб-бичиб изоҳлар, ҳаяжондан бўғилиб баҳслашарди. Оломоннинг орасини ёриб ўтиб, дўстим ётадиган хонага бир амаллаб етдим: эшикни ичкаридан бекитиб олишган экан, кимлигимни айтгандан сўнг киритишиди. Тўрт нафар полиция ходими хонанинг ўртасида қўлларида ёзув дафтарчалари, бор нарсаларни бирма-бир синчиклаб кузатишар, ора-сира шивирлашиб дафтарчаларига бир нарсаларни ёзиб қўйишаради: икки нафар табиб бехуш ётган Пернинг бошида гаплашиб турарди. Пер тирик эди, афт-ангридан от хуркади, башараси аянчли тусда, қўзлари косасидан иргиб чиқсан, кенгайиб кетган қораҷиклари кўзга кўринмайдиган аллақандай ёвуз маҳлуққа қарагандай даҳшатга тушиб бақрайиб қотиб қолган, бармоқлари эса қаттиқ сиқилганидан мушт бўлиб тошдай қотган. Гавдаси ияигигача чойшаб билан ёпиб қўйилган. Мен уни ўмганидан олиб кўтардим, шунда томоғига чуқур ботиб кетган беш панжанинг изига кўзим тушди. Қўйлагига томган бир неча томчи қон қизариб турарди. Шу дақиқада мени бир нарса ҳайратга солди: фавқулодда кўзим унинг тўшаги устида осилиб турган кўнғироқнинг ипига тушди, кечакида ишни дўстим боғлаб қўйган териси шиллинган қўл йўқ эди! Балки кўрганлар қўрқмасин деб докторлар қўл-



ни ечиб олишгандир. Ахир, унга тасодифан кўзи тушган одамнинг юраги чиқиб кетиши турган гап. Қўлнинг қаерга дафн этилганини сўраб ўтирумадим.

Энди эртаси куни газетада бу машъум жиноят ҳақида полиция-нинг эълон қилган хуносасини жамики тафсилотлари билан келтирай.

Мана, мен газетада ўқиган хабар:

“Ёш, машхур норманд сулоласидан бирига мансуб талаба йигит Пер Б. кеч оқшом даҳшатли ёвзлик қурбони бўлди. У кечқурун, соат ўнлар чамаси, ётоғига қайтган ва хизматкори Бовенга рухсат бериб чарчаганини, ухламоқчи эканини айтган. Тун яримлаб қолган бир маҳалда қўнгироқнинг аянчли жиранглашидан уйғониб кетади. Юрагини ҳовучлаб ўрнидан тез туради-ю шамни ёқиб бироз кутади. Қўнгироқ овози бир дақиқа тинади, бироқ тағин узундан-узоқ жиранглайди: ўтакаси ёрилгудай қўркувга тушган хизматкор қоровулга югуради. Қоровул полицияга чопади, яrim соат ичидаги етиб келган полиция эшикни синдириб ичкарига киради.

Улар хонага киришгандан аянчли манзарага дуч келишади, мебеллар тўнтариб ташланган, кийим-кечаклар сочилиб ётарди. Буни кўрган полициячилар жиноятичи билан унинг қурбони ўртасида аёвсиз жанг бўлган, деган фикрга келишади. Хонанинг ўртасида ёш йигит Пер Б. бехуш чалқанча ётарди.

Унинг бадани титраб турар, юзида қони йўқ, қорачиқлари ваҳимадан кенгайиб кетган. Дарҳол бу ерга чақирилган доктор Бурдонинг фикрича, босқинчи кучли, бармоқлари узун ва чайир бўлган, чунки милтиқдан отилган ўқларнинг изидай беш панжа Пернинг гарданида нақ тешиб ўтиб, мушт бўлиб маҳкам сиқилган. Қотилнинг шахси ва жиноятга алоқадор бирорта далил топилгани йўқ”.

Эртаси куни шу газетада тағин шундай хабар чиқди:

“Кеча хабар қилганимиздек, оғир жиноятнинг қурбони бўлган жаноб Пер Б. доктор Бурдонинг икки соат мобайнидаги саъй-ҳаракатлари туфайли ўзига келди. Ҳозирча жабрланувчининг ҳаёти хавф остида эмас, бироқ ақл-хуши жиддий ташвиш туғдираётir, ҳануз босқинчидан бирор-бир нишона топилгани йўқ”.

Ха, шўрлик дўстим ақлдан озиб қолди, етти ойча уни йўқлаб, касалхонага бориб, кўриб турдим, аммо Пер ўзига келмади. У жинниларча жавраган пайтда оғзидан пойинтар-сойинтар сўзлар чиқарди, миясига елимдай ёпишган аллақандай фикр мудом уни азобларди: гўё уни арвоҳ тиндиrmай таъқиб қиласди. Бир куни Пернинг аҳволи оғирлашиб қолди, деб хабар келди, тезда етиб бордим, мен борганда дўстим жон талвасасида эди. Шундан сўнг у икки соатча қимир этмай ётди. Бир пайт кутилмаганда каравотдан сакраб турди-да, тутқаноғи тутиб, чинқира бошлади: “Йўқот уни! Йўқот! У мени бўғаятп! Дод! Ёрдам беринглар! Ёрдам!...” Пер фарёд чекиб жон талвасасида хонанинг ичини икки бор айланиб югурди-да, ўртага юзтубан қулади.

Боёқиш етим эди, жасадни оила аъзолари дафн этилган норманд қишлоқчasi П.га олиб бориш менга юкланди. Ўшанда, Луи Р.нинг уйида пунш ичиб, собиқ синфдошлар билан улфатчилик қилиб ўтирганимизда Пер мана шу қишлоқдан келган, бизга териси шилинган қўлни кўрсатган эди. Унинг жасадини қўроғшин тобутга солдик.

Орадан тўрт кун ўтиб, унинг биринчи муаллими кекса кашиш билан қабр қазиётган жойда айланиб юргандик. Ҳаво очиқ, жуда ажойиб кун эди, мовий осмонда офтоб чарақлаб турибди. Болалигимизда неча маротаба маймунжон терган юлғунзорда күшлар чуғурлашарди. Ҳар гал панжарали

тўсиқни ёқалаб бориб, ўзимизга маълум майдоннинг этагидаги камбағаллар дафн қилинадиган жойдаги девор тирқишидан кирганимиз ёдимга тушди. Ҳар сафар оғиз-бурнимиз маймунжондан қорайиб уйга қайтардик. Буталарга термиламан: шохларда маймунжон сероб, беихтиёр бир бутани узиб олиб, оғзимга солдим. Кашиш дуолар китобини очди ва минғирлаб ўқий бошлади, хиёбоннинг нариги бошидан ерга урилаётган белкуракнинг зарби эшитилиб турибди: гўрковлар қабр қазишаётir. Тўсатдан улар бизни чақириб қолишиди, кашиш китобини ёпди ва биз нима гаплигини билиш учун бордик. Маълум бўлишича, гўрковлар қабр қазиётib, бир тобутга дуч келишибди. Белкуракнинг зарбидан тобутнинг қопқоғи очилиб қолибди. Бир барваста жасаднинг скелетини кўрдик, скелет чалқанча ётар, бўм-бўш кўз косалари билан бизга ўқрайиб тургандай туюлди. Қўнглим бехузур бўлди, негадир кўркиб кетдим.

– Ана холос! – хитоб қилди гўрковлардан бири. – Қаранглар, бу жўмарднинг панжалари кесилган-ку!

Шундай деб скелетнинг ёнбошида турган қуриб қолган бармоқсиз билак суягини кўтариб бизга узатди.

– У менга ўқрайиб қараётганга ўхшайди, – деб кулди бошқа бир гўрков, – ҳозир томоғимдан олади, қўлимни топиб бер, дейди.

– Азизларим, – деди кашиш, – мархумнинг оромини бузманг, бекитинг тобутни: биродаримиз бечора Пер учун бошқа жойдан гўр қазамиз.

Эртаси куни маросимлар тугади ва мен бехосдан хокини безовта қилганимиз – ўша панжалари кесилган мархумнинг руҳига дуо ўқиб қўйишни сўраб кекса кашишга эллик франк бериб, Парижга жўнаб кетдим.

**Аҳмад ОТАБОЙ** таржимаси

# Ўзимга ўзимни эслатди сахар



Дадаҳон МУҲАММАДИЕВ

## Ёмғир остида...

Қийналади офтобни кутиб,  
Ёмғирларда ивиган шаҳар...

Усмон АЗИМ

Бу кеча осмоннинг бардоши синди,  
Ёмғирдан эзилиб уйғонди шаҳар.  
Тун бўйи дардимни янгилаб, энди –  
Ўзимга ўзимни эслатди сахар.

Ёмғирпуш тагида мунғайиб, ҳориб,  
Ва яна севгини кўкларда тутдим.  
Ошкор тан олмоқни бўйнимга олиб,  
Ўзимни ва кейин... уни унудим.

Унудим – жонланиб бораверди у,  
Ўпкам тўлаверди, кўнгил тўлмади.  
Эсламаслик оғир, унутиш – қайғу,  
Ёмғирни баҳона қилиб бўлмади.

Оёғим остида хазон чамандек,  
Хавони симирдим, ҳазин, оғир, нам,  
Мен билан кетишни истамагандек –  
Фурурни пеш қилиб қолмадим мен ҳам.

Кейин юракларим ёнди барқ уриб,  
Кейин осмонимни елларга бердим.  
Кейин фуруримни бир четга суриб,  
Боримни ўзим ҳам боримча кўрдим.

Тентираб, довдираб, томчилар бўлдим,  
Үйин тушиб бердим жилға-сойига.  
Боримни баҳшида этиб... ийқилдим,  
Ёмғир сиймо бўлиб келган пойига.

Йўқ-йўқ, ийқилмадим, ерларга чўқдим –  
Қўлларим лойларга беланди бирпас.  
Гўё унинг қўлин энтикиб ўпдим,  
Гўё муз устида учган каби маст.

Маст эдим, рўёлар бағрига сингдим,  
Сўнгги илинж билан ёлғиз қолгани.  
Хаёллардан олдин сен томон елдим,  
Тонгги тушларингга кириб боргани.

Кечикдим... Кечикдим чорасиз дарддай,  
Чорасиз изҳорлар қошингга етди.  
Бемаврид келган бир севинчли хатдай  
“Севаман” деган сўз хорланиб кетди...

Осмон кўз ёшларин сидириб олди,  
Ёмғир ҳам тўхтади ариган ғамдай.  
Қисматнинг лаҳзалик қадрини билдим,  
Қайтадан дунёга келган одамдай.

Қўлмакда шалвираб ётган барг бўлиб,  
Осмонни унудим, ерни унудим.  
Ёмғирга, хижронга таъналар қилиб,  
Миллион йиллик баҳтнинг... баҳридан ўтдим!..



Гулчехра АСРОНОВА

У тенгкурлари ичидаги охирги бўлиб узатилди. Ахир кимдир охирги бўлиши керак-ку? Лекин одамлар буни “ўтириб қолди” дейишади... Бу хунук ибора сенин-аста қизнинг ҳам кўнглига мўралаб, ўзини-да ишонтира бошлиган бир пайтда совчилар эшик қоқди (қўшни қишлоқдан экан, бу икки гўшани бир-биридан айириб турган биргина нарса – ўртадаги мўъжаз кўл). Ота-онаси енгил нафас олди, қиз эса кутилмагандага қайсарлик қилди – кўрмаган одамимга тегмайман, деб туриб олди. Ахийри, учрашувга чиқадиган бўлишди.

Ойқиз мактабни битирган, холос, аммо китоб жону дили, унинг дунёкараши бу қишлоқ сарҳадларини аллақачон тарқ этган. Ҳовлию дала тўла ишу ўқишига вақт топади. Шаҳардаги катта кутубхонада ишлайдиган қишлоқдош дугонасини тиндирамайди – ҳафта ўтар-ўтмас тугатиб, янгисини сўрайди. Китобни деб унча-мунча танбех ҳам эшишиб туради. Ахир жўнгина, шу қишлоқдан нарини кўрмаган бир қизнинг кўнглида нима борлигига ким ҳам қизиқарди? Ҳамма ўзи билан ўзи овора, ота-онанинг биттагина ташвиши

– уни узатишса-ю, сингилларига йўл очилса. Ойқизнинг кўнгли эса бошқача, унда ҳар бир ўқилган китобнинг андозаси бор. Рангин, ўзга дунёлар, турфа тақдирлар, муҳаббат қиссалари, ўзигагина маълум орзулар ичидаги яшайди у. Ёр сиймоси ҳали Отабек, ҳали Илёс, ҳали Камронбей бўлиб гавдаланади қизнинг тасаввурида... Хаёлий маҳбуби мукаммал сиймога айланиб бўлган, унинг фақат моддийлашуви қолган, илло, эртага шу буюк жараён рўй бермоғи ҳақида ўйлаб, ширин ҳаяжонга тушганди.

Эртасига, куз қўёши эндиғина қиздира бошлиган палла марказдаги кичиккина боғда учрашдилар. Мана У! Ҳа, худди ўзи!

Улар бир муддатгина хиёбондаги ўриндиқда суҳбатлашдилар. Ойқиз Унинг юзига уч-тўрт бор шоша-пиша қараб олди-ю, бошқа ботинмади. Йигитнинг ҳам овозида майнин титроқ бор эди. Демак... Фақат негадир У тезгина, бироқ илиқ хайрлашди. Ойқиз бундан ранжимади, чунки яна бироз ўтиrsa, юрагида “повв” этган олов вужудига тулашиб, ҳолини ошкор этиши мумкин эди. Уйга қайтгач, онасининг сўраб-сuriштириш-

ларига “майли”, деб қўяқолди. Шуурида эса бир иқрор садо берарди: “Билдим, севги деганини билдим...”

О, бу қандай баҳтиёрлик эди! Қаёққа қарамасин – Унинг қиёфаси, нима иш қилмасин – Унинг хаёли! Ҳатто китоб варақларида ҳам У! Бир мартағина кўрди-ю, кипригининг учигача эслаб қолди, назарида. Ота-онасига тобе ва бу тобеликни заррача малол олмаган гўзал ахлоқли қизлар, одатда, туйгуларига изн берилса, бутун борлиги билан севадилар.

Ойқизни энди биргина савол қийнарди: наҳотки йигит ҳам уни кўргиси келмаяпти? Лоақал кўчасидан бир ўтсайди, узоқдан бўлса ҳам қорасини кўролса эди! Эҳтимол, йигитлар камроқ севишар?

\*\*\*

Тўй бошланди. Қудалар уни камчиқим, дабдабасиз ўтказишга келишдилар. Негадир, ҳатто оқшомги базм бўлмас, ота уйида қизлар ўzlари ўйнаб-кулишлари кифоя эмиш. Ойқиз кўп оёқ тира-май, кўнақолди. Қолаверса, унинг баҳт ҳақида ўз тушунчаси бор: иккиси бирга бўлишса бас.

# Ой қиз

Ҳикоя

Ха, севги ҳам бир девоналиқ:  
Ойқиз на кам-күстга қаради, на  
онасининг кун бўйи кўз ёш тўкка-  
нига ажабланди, аммаларининг  
“нима бўлганидаям тиниб-тинчи,  
ортга йўл йўқ!” деб уқтиришлари-  
га эса кулгиси келди ҳатто. Беҳуда  
ваъз! Одамлар ғалати, қанча кутди  
ахир Уни, нега қайтсан?! Фақат  
бир нарсадан кўрқарди – кўзи кў-  
зига тушганда, юраги севинчдан  
тарс ёрилиб кетмасайди...

Никоҳ ўқилган пайт, эски  
паранжига ўраб-чирмаб қўйилга-  
нидан, куёвни деярли кўрмади.  
Кейинроқ, келинлик либосида  
ичкарида Унинг келишини пойлаб  
тураркан, дийдор лаҳзаларининг  
яқинлигидан қалби гулбарг мисоли  
титради. Бу пайтда қиз ота-онаси  
билан видолашиб бўлган, шаҳзо-  
даси остона ҳатлаб кириб келиши  
ва гул тутиб уни олиб кетиши тўй-  
нинг ягона жозибали манзараси  
эканидан заррача ўқинмас, аксин-  
ча, бениҳоя масрур эди.

Эшиқдан бир нечта жўралари-  
ни эргаштириб қуёв кириб келди.

Қуёв... кириб келди. Лекин...  
У қани?! Ойқиз ҳеч бир иккита-  
нишсиз, қаттиқ тикилганча ўзи  
томон келаётган дўппили одамга  
ҳарир ёпинчиқ ортидан лол бўлиб  
қараб турди, сўнг, ҳеч нарсани  
идрок этмагани ҳолда қўлига  
тутқазилган гулни ихтиёрсиз  
олди-да, атрофга аланглади. Бу  
ким? Қани У? Бу сўзларни ҳай-  
кириб айтди гўё, лекин ҳеч ким  
эшитмади. Ҳалиги одам “ушланг!”  
дегандай тирсагини ҳавола қилиб  
турарди. Дугонасининг турткиси-  
дан чўчиб тушди. Атрофдан “бў-  
линг энди, бўлинг!” деган овозлар  
қистар, бу худди бир алаҳсирашга  
ўхшаш файритабиий ҳодиса эди.  
Қиз унинг билагидан тутди-да,  
оёқлари қалтираганча эргашиб  
кетаберди. Худди гирдоб қаърига  
кириб борар, ўйлари пайдар-пай,  
дугонаси ҳар бир саволига “жим!”  
деб жавоб берарди. Улар пастина  
остона зинасидан тушиб кўчага,  
келинни олиб кетишга шай турган



машина томон юриб боришарди.  
Ойқизнинг мияси ғувиллар, жа-  
вобсиз саволлар дўлдек ёғилиб  
қалбини нимталар эди: “Ким бу?  
Катта кишига ўхшайди, балки  
амакиси ёки тоғасидир? Уларда  
шунаقا удум бордир, тоғаси ке-  
линни олиб чиқадиган? Унда нега  
ҳеч ким айтиб кўймади? Нега  
довдиратишяпти? Бу одам... қа-  
ергача бошлаб бораркин? Қани У,  
қани?!”

Машинага келин, сўнг ёнига...  
ҳалиги эркак ўтириди. Қизнинг  
юраги гурсиллаб ура бошлади.  
Ёпинчиқ ортидан яна қайта қара-  
ди. У ҳам худди шуни кутгандай,  
асли шундай бўлиши керақдай  
қизга юзланди. Боягидай қаттиқ  
тиклиди. Шундагина Ойқиз унинг  
юзидағи тириққа – чаккасидан то-  
лабигача тортилган чандиққа кўзи  
тушиб. Сесканиб, бор журъатини  
икки оғиз сўзга жамлаб, сўради:

– Сиз... кимсиз?

Эркак бир зумгагина кўзларини олиб қочди. Кейин ялт этиб қараб, таъкидлаб айтди:

– Кўрмаяпсизми? Куёвман!

– Қанақасига? Мен... Мен сизни танимайман!

– Ҳайда! – деди ҳалиги одам, гўё унинг сўзларини эшитмагандек.

Қизнинг ич-ичида нимадир “чирт” этиб узилгандек бўлди. Наҳотки шу... Унда... Йўқ, бу туш! Бундай бўлиши мумкин эмас!!!

Бу ёнига чақонлик билан жойлашган дугонасига нажот билан қаради.

– Бу нимаси?

– Мен ҳам билмагандим, ишон, – пичирлади ўртоғи, ийғлагудек бўлиб. – Энди ҳаммага шарманда бўлмай, жим ўтири!

Машина зувиллаб йўлга тушди. “Нима деяпти булар? Қанақасига? Учрашувга чиқсан йигит қани?”

– Нари туриңг! – дея беихтиёр дўппили одамни тутиб юборди Ойқиз. – Бу қанақа юзсизлик? Қочинг! Мен тушаман, тўхтатинг!

Шунда дўппили одам билагидан маҳкам ушлаб, бир силтади:

– Жиннилик қилманг! Никоҳ ўқилиб бўлди.

Қиз бир тўлғонди-ю, боши орқа суюнчиққа шилқ этиб тушди.

\*\*\*

Хуши кириб-чиқиб этиб келди, чимилдиқ ичига қандай олиб киргандарини билмайди. Худди фақат жисми шу ерда, ўзи эса узо-оклардан кузатаётгандай... Мана, ёқалари жиққа ҳўл, қалин кўрпалар устида йиғлаб ётиби. Бошида аммаси, яна бир-иккита нотаниш аёллар. Уларнингavrashлари, алдашлари, “шарманда бўлма!”, “гап-сўзга қоласан!” деб пўписа қилишлари-ю, дилпора келинчакнинг дод-войларини баён этиб, юракни эзишга ҳожат бормикин? Уни шундай, шунчалар алдашди. Ёши ўтиб қолган, бир

нечта қиз билан учрашиб юрак олдирган куёв юзидағи чандиини деб учрашувга чиқмабди эмиш. Ҳалиги йигит эса, яқинда хотини қазо қилган дўстси экан...

Янгалар вазиятни юмшатиб, “биз шу ерда, чимилдиқ ортида бўламиз” деб чиқиб кетдилар. Ойқиз оппоқ либосда, қалин кўрпалар устида оёғидан боғланган күшдек бенажот ўтирап эди. Ўйлагани сари даҳшат ўпқонига чуқурроқ ботар, нималарнидир англаб етарди. Онасининг тўй яқинлашгани сари хомуш тортиши, аммаларининг сабр-тоқату тушган жойида тош қотиш ҳақидаги қаттиқ-қаттиқ насиҳатлари, ва айниқса, хайрлашар чоғи отасининг кутилмаганда йиғлаб юборгани... ҳаммасининг боиси равшан бўлди.

Наҳотки энг яқин, ишонган одамлари уюштирган фитна бу? Айби нима? “Ўтириб қолиш” бундан-да фожиали эдими?

Қанча вақт ўтди, билмайди, тинмай йиғлади. Уни овутгани, баъзан эса пўписа қилгани кимлар кириб-чиқмади. Охири куёв келди. Бутунлай бегона, аламзада, ширакайф бир эркак...

\*\*\*

Ойқиз ҳамон йиғларди. Фақат, энди беун ёш тўкарди. Ёнида пишиллаб ухлаб ётган... одамни уйғотиб юбормаслиги керак. Қарори қатъий. У на эрка, на инжиқ қиз эди. Ҳамма нарсага кўнарди. Лекин индамай кўниб, мана бу мунофиқ кимса билан бир умр бирга яшаш дунёдаги энг итоаткор қиз учун ҳам оғирлик қиларди.

Аста ўрнидан туриб, жуфт-жуфт болишлар зичлаб йиғилган токчани бўшшата бошлади. Хайрият, дераза дала томонда экан. Эҳтиёткорлик билан очиб, сирғалиб тушди. Шундай секин юриб кетдики, қишлоқнинг энг сергак итлари ҳам пинак бузмай ухлаб ётдилар. Икки қарта дала ошиб,

кўлга етиб келди. Чангальзор ортидаги соҳилга етгачина тўхтаб, ерга беҳол ўтириди. Ҳаётидаги энг даҳшатли тун ойдин ва сокин эди.

Кўл суви майин мавжланар, янги ойнинг акси тўлқинларнинг кўйнига кириб, келинчакдек зир титрар эди... Қиз кўлнинг нариги томонига термилганча юраги орзиқди. Бир пайтлар ўша қирғоққа дугоналари ёки сингиллари билан келар, қий-чув солиб чўмилишар, кўйлак қуритиш учун ўзларини офтобга солиб ўтириб бир-биридан ширин орзулар қилишарди. Ойқиз кўпинча ўзи ўқиган китобларини айтиб берар, тинглашни истамаганлар билан уришиб қолар эди. У жуда кўп ўқиди, ўзининг ҳәёти ҳам китоблардагидек жўшқин ва маънодор кечишига ишонди. Фақат китобларда ҳам баъзан энг масрур дамларда киши тақдири бирдан ўзгариб, орзулари чилпарчин бўлиши мумкинлигини унугтан экан. Қандай севган эди-я! Тамом, барча гўзал ҳислар нариги қирғоқда қолиб кетди...

Ҳавода изғирин кезинар, кўл устида енгил буф кўтарилиганди. Лекин, узун соchlари паришон, кўйлагининг этаклари титилган қиз бу тобда совуқни ҳис қилар ҳолатда эмасди. Ҳозир яrim тунда шу ахволда уйига кириб бориши, отасининг қаҳри, эртани жанжалу гап-сўзлар ҳақида ҳам ўйламасди. Шу қадар ерга урилган қадрига куярди қиз. Сувдаги оймома аксига қараб, баттар тўлиқди. Илгари у билан баҳт, муҳаббат ҳақида хаёлий сухбатлар қуарди... Ҳозир эса, кўқдаги сирдоши ҳаётидаги энг баҳтсиз кунга шоҳид бўлаётир. Ойқиз аста пичирлади:

– Сен мендан бошқа қизларнинг ҳам ҳасратини тинглагандирсан, а, адаш? Айт-чи, улар орасида менчалик шўрпешонаси бормиди? Йўғ-а? Қара, шунчалар ҳам алдайдиларми? Гап

чандиқда ҳам эмас, менинг қалбимдаги жароҳат олдида унинг чандиги бир пул! Қодирийни ўқиган ҳар бир қиз чимилдиқда “Сиз... ўшами?” деган сеҳрли сўзларни айтишни орзу қилади. Мен ҳам савол бердим. “Сиз... кимсиз?” дедим. Ахир бу қандай жазо?! Сенга бир гап айтаман. Агар бир кун: “Қизларни алдаб узатиш қадим замонларда қолиб кетган”, десалар, ишонма. Но-мардлар ҳар қандай даврда ҳам бўлади. Қиз кўнглини оёқости қи-лувчилар доим топилар экан. Худодан кўркмайдиганлар... Лекин мен қараб турмайман! Курашаман улар билан! Қиз бола ҳам ОДАМ эканлигини билиб қўйишсин! Эҳ, Оймомажон... Биласанми, нима қилмоқчиман? Уйга қайтиб отамнинг, онамнинг, кейин ўша... учрашувга чиқсан номарднинг кўзларига тик қарамайман! Нега бундай қилдинглар, энди менга нима бўлади, нима қилай, деб сўрайман! Ахир энди... энди менга нима бўлади?..”

Нимадир “чўлп” этиб, мавжларнинг мароми бузилди. Ойқиз чангалзорнинг у бошига қарди-ю, қандайдир шарпани кўриб, даҳшатдан сесканиб кетди. Тамом! Уни қувиб келишибди. Қиз ўзини чангалзор панасига олди. Юлғуннинг новдалари орасидан ўша томонни кузатди. Икки киши. Хайрият, балиқ овлаётгандар экан. Улардан бири тўнғиллаган эди, иккинчиси шартта терс ўгирилиб олди. Қиз томонга... Тун шундай ойдин эдики, йигитнинг юзи элас-элас танир даражада ёриши. Қизнинг юраги кўксини ёриб чиққудек потирлаб кетди.

\*\*\*

— Яна аразлайди-я, — деди балиқчи ёш ҳамроҳига ўдағайлаб.

— Тош отганинг нимаси ахир, баликларни чўчитиб? Ҳе, думбул. Ўзи нега бошимга оғриқ қилиб опкелдим сени, а? Ҳамма тўйда, бунинг шу кеча овга чиққиси кепқопти.

— Сиз нимани билардингиз, — тўнғиллади йигит. — Боргим йўқ ўша тўйга.

— Нимабало, келин суйган қизингими?

— Эз, дарров шунақа деманг. Бир мартағина кўрганман... — Кейин худди ўзига гапиргандай, пи chirlab қўшиб қўйди: — Жуда яхши қиз у...

— Нима?

— Э, қўйинг, барибир айтмайман.

Балиқчи яна нималардир деб унинг ғашига тегмоқчи бўлди. Йигит бу пайтда ўз хаёллари билан банд, ўша учрашувга розилик берган кунини лаънатлар, бироқ шу ҳақда ўйлаши билан қалбининг туб-тубида бир шуъла пайдо бўлар ва борлиғини ўзига фарқ этарди. Кейин худди ҳув авави сувда жилва қилаётган ойга ўхшаш қиз чехраси пайдо бўларди. Исми жисмига монанд Ойқиз... Худди бугун ҳеч қанақа тўй бўлмагандек, унга ним табассум билан уялинқираб қарайди-да, дарров кўзларини олиб қочади. Нега уни аввалроқ учратмади? Йўқ, энди у ҳақда ўйламаслиги керак! Энди у бирорвнинг ҳасми. Ўша, бир пайтлар далада ўзини комбайн босиб кетишига бир баҳя қолганда кутқариб қолган, аммо юзи жароҳат олиб бир умр чандиқ билан яшаётган йигитнинг ҳасми у қиз. Ундан ўзини қарздор ҳис қилиб юрган шўрпешонани “ўрнимга уч-

рашувга чиқасан” деб ҳоли-жонига қўймаган, йўқ деёлмаслигини билиб шундай қилган ярамаснинг ҳасми-ҳалолидир у...

Йигит беихтиёр баралла гапириб юборди:

— Э Худо, нима қилиб қўйдим?!

— Оббо, мунча эзилдинг, баликлар қайтиб келади, — деди буни ўзича тушунган шериги.

“Балиқдан бошқа дарди йўқ бу чолнинг!” У илкис ўрнидан туриб, нари кетди. Чакалакзорнинг у томонига. Тунги ёғуда қизғиши товланган бесўнақай буталар ортида уни нима, ким кутиб турганини ҳали билмас, сал ўтмай шохлар асабий шитирлаб, хунук чангал бағридан ойдек қиз чиқиб келиши ва бир зумлик даҳшат ва карахтлиқдан кейин иккисининг кўзида ҳам юз йил кутилган сўзлар – “Сиз... ўшами?” деган савол акс этиши ҳозирча унинг хаёлида ҳам йўқ...

\*\*\*

Йиллар ўтди. Дунёи дун чархпалаги тинмай айланиб, кимларнидир бир-биридан айирди, кимларнидир топиштириди. Ойқиз эса кўлдан анча олис, аммо тунлари ўшандай ойдин бир юртга боз олиб кетди. Отасининг оқ фотиҳаси, жуфти ҳалоли билан. Ҳув авави оппоқ уйнинг Оймома мўралаб турган деразасига назар солинг-а: ана, Ойқиз бешикни тўхтатиб, ҳарир пардани хиёл кўтарганча пишиллаб ухлаётган болакайнинг юзига термилиб қолди. Дадасининг ўзгинаси-я! Бурни, қоши, пешонаси... қуйиб қўйгандек. Бу аниқ, чунки Ойқиз эрини ҳув ўшанда, биринчи учрашувдаёқ кипригининг учигача эслаб қолган...





Отабек САФАРОВ

Инсон кўнглидаги кечинмалар инъикоси бўлган бадиий асарнинг, манба моҳиятига мос равишда, турли-туман шаклу шамойилларда намоён бўлиши табиийдир. Адабиётшунослик илмида насрый жанрларнинг энг кичиги санала-диган ҳикоя жанрига қўйиладиган талаблар шаклланган бўлса-да, адабий жараёнда ҳар доим ҳам бундай қоидаларга риоя этилади, дейиш қийин. Масалан, “Адабиётшунослик лугати”да ҳикояга шундай таъриф берилади: “Ҳикоя – эпик турнинг кичик жанри. Ҳикоя, одатда, қаҳрамон ҳаётидан битта (баъзан бир-бирига узвий боғлиқ, қисқа муддат давомида кечган бир неча) воқеани қаламга олади. Тасвирланаётган воқеаларнинг қисқа вақт давомида кечиши ҳикоянинг ҳажман кичик, сюжети содда, иштирок этувчи персонажлар сони кам бўлишини тақозо этади. Ҳар қандай воқеа ҳам ҳикоябон эмас. Ҳикоя асосида ётган воқеанинг яхлит, тугал бўлиши талаб этилади, бунинг учун уйзининг бошланиши ва якунига эга бўлиши (масал, латифадаги каби) лозим. Яхлит воқеани тасвирлаш асносида ҳикоянавис ё шу воқеанинг, ё унинг воситасида характеристикинг моҳиятини очиб беради”

(Қурунов Д. ва б. Адабиётшунослик лугати. –Тошкент: “Академнашр”, 2010. 393–394-бетлар). Таникли ҳикоянавис Шукур Холмирзаев ижодини кузатсак, унинг кўпгина ҳикоялари, айниқса, ўтган асрнинг 90-йилларида битган асарлари юқоридаги таърифга “сифмаслиги” аёнлашади. Бошқача айтганда, адабий жанрларга анча эркин муносабатда бўлади, уларнинг чегарасини нисбий қабул қиласи.

Ёзувчи бошқа жанрларда ҳам самарали ижод қилган бўлса-да, асосан, ҳикоянавис сифатида довруқ қозонди. Шукур Холмирзаевнинг ҳикоянавис саналишига унинг жаҳон ҳикоячилигини чуқур ўзлаштиргани, ҳикоя табиати борасида асосли тўхтамларга келгани ва ўз ижодида бу назарий асослардан ўринли фойдалангани ҳам сабабдир. Зотан, адаб дунёнинг етук ҳикоянавислари Жек Лондон, Робинранат Тҳакур, Антон Чехов, Эрнест Хемингуэй, Абдулла Қаҳҳор ва бошқаларнинг асарларини шунчаки ўқимайди, балки уларнинг ижодидаги етакчи белгиларга дикқат қаратади, ушбу асарларни қай хусусиятлар ҳикояга айлантирган, уларнинг асоси нима, деган саволларга жавоб

излайди. Шу жихатдан адабнинг “Ҳикоя ҳақида” деган мақоласи дикқатга сазовордир. Муаллиф ушбу мақоласида ўзига кучли таъсир кўрсатган улуғ ҳикоянависларнинг алоҳида қирраларини билимдонлик билан кўрсатиш баробарида фоят долзарб муаммо – асарнинг бадииятига пуртетказувчи иллатлардан бири – ҳикояда баёнчилик масаласига ҳам тўхталиб ўтади. Маълумки, бадиий асар фабуласи ҳаётий воқеа асосида тикланса ҳам, бу ҳаётда қандай бўлса, шундайича кўчириш керак, дегани эмас. Аксинча, Абдулла Қаҳҳор таъбири билан айтганда, ҳаётдан айнан кўчириш китобдан кўчиришдай гап. Асарга синч вазифасини бажарган ҳаётий воқеа муаллиф томонидан қайта ишланиши, сўнг бойитилган, аниқлаштирилган ва ёзувчининг ижодий принципларига мувофиқлаштирилган ҳолда ўқувчилар ҳукмига ҳавола этилиши лозим. Шукур Холмирзаев ёзади: “Бир замонлар, ҳозирги кунда ҳам баъзан, шундай ҳикояларни ўқир эдим: бир қиз бир йигитни севади, кейин йигит вафосиз чиқипти, кейин қиз унинг юзига... Ёки, бир йигит бир қизни сева туриб, эскилик сарқити йў-

лига күндаланг бўлгани учун уни енга олмай, бошқага уйланипти, кейин ўша қизни кўрипти – иккиси ҳам пушаймон... Ёки, ёмон одам билан яхши одам ҳақидаги ҳикояларни айтмайсизми... Хуллас, санайверсам, адо қилолмайман” (Холмирзаев Ш. Ҳикоя ҳақида//”Шарқ юлдузи”, 1971. № 1). Дарҳақиқат, воқеани қуруқ баён қилувчи лавҳаларнинг “ҳикоя деган нарса билан алоқаси жуда кам экан, улар шунчаки эрмак учун ёзилган ёки умуман адабиётни тушунмаслик оқибатида пайдо бўлган маҳсулотлар экан” (Холмирзаев Ш. Ҳикоя ҳақида//”Шарқ юлдузи”, 1971. № 1).

“Мўъжиза бўлиб қолсин” мақоласида Шукур Холмирзаев замондош ҳикоянавислар ижодига кенг тўхталади. Айни мақолада адабнинг ҳикоя жанрига қўйиладиган талабларга муносабати, ҳикояни бошқа жанрлардан фарқлантирувчи белгиларга оид қарашлари анча ойдинлашади. Гарчи мақола аввалида адаб “мулоҳазаларимни ҳам мутлақ объектив деб эмас, журналнинг фикри ёки қатъий хуросаси деб эмас, балки шахснинг нисбий объектив мулоҳазалари, деб қабул қиласиз”, дея таъкидласа-да, унинг умумадабий мезонлар асосида иш кўргани фикрларининг ҳақиқатга ёвуқлигидан далолат беради. Иккичидан, айни мулоҳазалар Шукур Холмирзаевнинг қозилик даъво қилмаслигини, ўзининг фикрлари хатодан холи бўлмаслигини эътироф этишини, қолаверса, ҳар кимнинг таъби ҳар хиллигини хисобга олганини кўрсатади.

Муаллиф йигирмадан ортиқ ёзувчининг 1987 йили чоп этилган ҳикояси мисолида ўзбек ҳикоя-чилигининг “шаклан ва қисман мазмунан ҳам анъанавий йўлда илгарила” ётганини, “ҳикоянависларимиз турмушга чуқурроқ шўнгий бошла” ганларини, “бир қурум адиллар тасвир имкониятларини кенгайтириш устида турли



таҗрибалар ҳам қилиш” аётганини ва бунинг-да “сифат ўзгаришларига олиб бориши табиий” лигини таъкидлайди. Адаб асар мазмунини бошдан-оёғ қайта сўзлаб бермайди, бильякс, таҳлил қилинаётган ҳикоянинг ютуқ ва камчиликларини аниқ мисоллар билан кўрсатади. Масалан, Жамила Эргашеванинг “Маломат” ҳикояси қаҳрамони – “ёши ўтиңқираганроқ Эркиной отли қиз автобаза директори Самадни яхши кўриб қолади ва ҳалигидай “юра бошлайди”. Кунларнинг бирида маълум бўладики, директор оиласи, тўртта боласи бор. Шу ўринда жиндак таажжуб қиласан: битта районда яшаб туриб, ундаги азза-базза автобазадек корхона директорининг уйланган-уйланмаганини билмаслик – ғалати! Бунинг устига, унга маъшуқа бўлиб юрган қизнинг билмаслиги!” Билганидан сўнг қиз “бирорнинг оиласини бузиш яхшимас” деган ўйда ишдан кетиб қолади. Автобаза директори эса ўз оиласи оғушида, илгари қандай яшаган бўлса, яна шундай яшаб кетаверади.

“Ё, тавба, – дейсан, – ахир у Эркинойни севарди-ку? Қани

“ҳаётдан тўйиб кетган” йигитнинг нолалари?”

Демак, йигит қизни шунчаки алдаб – эрмак қилиб юрган. Қиз эса, – қиз-да, – унга ишонган!

Менга шундай туюлдики, ёш адабамиз ҳам худди қаҳрамонлари Эркинайдек ўйладилар ва Эркинай каби база директорига ишондилар. Ана шунинг учун ҳам силлиқ, чиройли тил билан, эҳтирос билан ёзилган ҳикоя чала бўлиб қолди: автор ҳикояни давом эттиrolмади.

Хуллас, муаллиф қаҳрамонларидан БАЛАНДда туролмаган”.

Маълумки, XX асрнинг сўнгги иккى ўн йиллиги адабиётда ҳам ўзгаришларга, янгиланишларга бой бўлди. Ўзбек адабиётига кириб келган янги авлод адабиётни ҳам шаклан, ҳам мазмунан янгилашга ҳаракат қилишди. Н. Эшонқул, Н. Отахонов, О. Отахонов каби ижодкорлар асарлари тасвир ўзгачалиги, обьект янгилиги, идеалнинг ўзгаргани билан салафлар ижодидан фарқ қилади. Н. Отахоновнинг “Оқ бино оқшомлари” асаридаги Шукур Холмирзаев таъкидлаган қўйидаги жиҳатни ҳам айни омил билан изоҳлаш



ўринлидир: “Ёзувчи Ҳафизазининг эри билан ҳам, бу ўйнаши билан ҳам кечирган интим онларини биз тасвирашга журъат этолмайдиган бир шиддат билан кўрсатадики, адабиётнинг мана шу функцияси ҳам борлигини унугиб қўйганимизга иқрор бўламиш: ахир адабиёт ҳаётнинг мана шундай томонларини ҳам одоб доирасида кўрсатиши керак!” (Холмирзаев Ш. Мўъжиза бўлиб қолсин (1987 йил ҳикоячилиги ҳақида ўйлар) //”Шарқ юлдузи”, 1988. № 6).

Шукур Холмирзаев “Оқ бино оқшомлари”дан шундай кўчирма келтиради: “Ҳафизиздан дугонаси сўрайди:

“– Мабодо қайта бошдан бошлаганингда, кимга тегардинг?

– Шариф акамга, – деди Ҳафиза ўйлаб ўтирамай.

– Унда Аваз ака-чи?

– Билмадим... – Ҳафизиза тутилиб қолди. – Ростини айтсан, тагин шундай бўларди, шекилили...”

Сўнг ўз муносабатини қўйида-гича билдиради:

“О, гап бу ёқдами? Демак, ёзиги шу?.. Уни – қисматни билар экан-да? Демак, Шарифга тегиб олиб, ишратни Аваз билан суриш тақдираша бор экан-да?

Ана шунда қизиган миянгга навбатдаги хунук гап келади: демак, Ҳафизиза Шарифни ҳис билан, Авазни ҳирс билан севар экан” (Холмирзаев Ш. Мўъжиза бўлиб қолсин (1987 йил ҳикоячилиги ҳақида ўйлар)//”Шарқ юлдузи”, 1988. № 6).

Бу “хунук” тасвир қарашлари анъанавий ёндашувлар асосида шаклланган Шукур Холмирзаевга ўринсиз туюлади. Ҳолбуки, инсон жумбоги айнан унинг кўнглида, кўнгил эса турли-туман кечинмаларга бой маъво саналади. Инсон қалби сониянинг юздан бир қисмида не-не ҳисларни кечирмайди. Бу жиҳатларни инобатга олмаслик инсонни роботмисол кўрсатишга, яъни сунъийликка сабаб бўлади. Вульгар социалистик реализм талабларига мувофиқ ёзилган аксар битикларда

айнан шундай қолип – стереотиплар тўлиб-тошган, аксар қаҳрамонлар икки хил – ё фақат яхши одам ёки буткул ярамас кимса сифатида талқин қилинар, бир киши ҳам хислат, ҳам иллатга эгалиги унуглиганди... Гарчи ўтган асрнинг 60-йилларида адабиётимизга кириб келган ижодкорлар плеядаси мавжуд адабий кечимдан қониқмай, асарларида кўп ўзгаришлар ясаган эса-да, айрим ўринларда, айниқса, инсоннинг ҳолини – ички оламини яширмасдан тасвирлашда шаклланган ўйлдан юргандиларки, бундай ёндашув Шукур Холмирзаевнинг “Оқ бино оқшомлари” юзасидан билдирган мулоҳазаларида ҳам сезилади. Бироқ (энг муҳими ҳам шуки), улкан адаб кўзқарашларини, ижодий тўхтамларини адабий кечимга мувофиқ ривожлантириб боради. Жумладан, унинг “Булут тўсган ой” (1996) ҳикоясида ўйлдан адашган аёл фожиаси ўзгача ракурсда, бор мураккаблиги билан кўрсатилади. Кўнгил манзаралари бекиёс даражада гўзал акс эттирилган асар мутолааси жараёнида инсон деган хилқатнинг сирли-номаълум қирралари ҳали ҳам бисёр экани англашилади. Зотан, ҳикояда одам табиатидаги туйғуларнинг кесишган, иллату фазилатлар зидлашган нуқталари маҳорат билан, яширмай, очиқласига акс эттирилади. Шундан ҳам кўрина-дик, Шукур Холмирзаевнинг “Тасаввур этинг: Нурилланинг ижозати билан ҳалиги парчани олиб ташлайлик-да, ҳикояга яна бир назар солинг: нима ўзгарди? Ҳеч нарса. Қайтамга боягидек хунук хулоса дарҳол бизни тарқ этди”, деган қарashi вақт ўтиб ўзгарида. Зотан, “Оқ бино оқшомлари” асарида айни парча, яъни аросатдаги жувоннинг иккиланишлари асар моҳиятини очишдаги бир калиттир; инсон жумбоги, унинг кўнглини англаш мушкуллигини тасдиқловчи ҳолат тасвиридир.





### Юрак саломатлиги учун фойдали

Тухумни чала пишириб, сариги еб юрилса, юракни қувватлантиради.

Юраги сиқилиб хафақон дардига учраган киши ўзига ёқадиган хушбўй нарсалар (атиргул, райхон, атири кабилар)ни ўзи билан бирга олиб юриши керак.

Иссиқ мизожли одам кашнични майдалаб еб юрса, юракка қувват беради, уни хафаликдан кутқаради.

Ҳайвон (мол-қўй) юрагини хил-хил қилиб пишириб ёки ёғ билин қовуриб, сирка қўшиб ейилса, юракка қувват беради, хафақон иллатини қувади.

Ҳар куни наҳорга ўрик шарбатидан бир пиёла ичиш ёки кунига 4-5 та ўрик туршаги еб юриш ҳар қандай юрак хасталигини даволашда қўл келади ва юракни бақувват қиласди. Говчашм (сигир-қўз) шираси, говзабон шираси, гулоб юракка қувват бағишлади.

### Чумоли (арабча “намл”, форсча “мурча”, эски туркийча “қаринча”)

Чумолини зайдун ёғи билан қайнатиб, қулоққа томизсалар, карликка даводир. Мозорот чумолисидан юзтасини тутиб, дақя розиқий ва симоб ёғига ташлаб, уч ҳафта қуёшга қўйилса, ундан кейин закар атрофига суртилса, бу малҳам шаҳватга қувват беради. Бу синовдан ўтгандир. Шу мозор чумолисини сиркага қўшиб майдалаб, мўйи олинган жойга суртилса, ҳеч қачон мўй чиқмайди.

Чумоли тухумини ҳар қандай ёғ билан яна ўша мўй чиқармаслик учун суртилса, мўй чиқармайди.



Овқатланишда крахмал, сут маҳсулотлари, қанд-шакардан тийилиш ҳам бу касаллиқда фойда беради.

Анбар (кашалот балиғидан олинадиган хушбўй модда) кексаларнинг юрагига қувват беради.

Бинафша ёғи, ширин олма шарбати, ширин анор шарбати юракни қувватлантиради. Капалак-гулнинг гулларидан чой дамлаб ичиш ҳам юрак хасталигига даво.

Саккиз грамм пиллани сувда қайнатиб оқ қанд билан қиёмга келтириб ейилса, юракни қувватли қиласди. Тол барги ёйиб, устига ётилса, юрак ҳароратини даф қиласди.

Сариқ чой (далачой новдалари)нинг қуруқ ўтини сувда қайнатиб тиндиргач, бир ош қошиқда кунига 2-4 марта овқатдан кейин ичиш ҳам фойда беради.

Қуритилган кашнич, беҳи истеъмол қилиш, оқ атиргул ҳидлаш билан юракни қувватлантириш мумкин. Беш гр. кунгабоқар илдининг суви ичилса, совуқликдан заифлашган юракка шифодир. Кунига бир коса янги соғилган сиғир сути иссиғида ичилса, юракка куч бағишлади.

### Типратикан



Типратикан гўшти бадандаги моховларга боғланса ёки шўрваси ичилса, яхши ёрдам беради. Типратиканнинг қуритиб, сўнг майдалаб туйилган гўшти мохов касалини даволашда истеъмол қилинади. Типратикан гўштини тузлаб, керакли дорилар билан қўшиб, фалаж бўлган беморга берилса, фойда бўлади. Типратиканнинг куйдирилган териси ватиканлари шароб билан ичилса, фалажликка яхши фойда қиласди. Чўл типратиканинг тузлангани филлик касалига фойда қиласди. Шунингдек, гўшти шимдириш ватиканниш хусусиятли бўлганидан мохов касалида фойда қиласди. Ибн Сино типратикан гўштини сил бўлган одам истеъмол қилиши керак, деган. Типратикан зардобини оловда қуритиб, кейин сурма қилиб кўзга суртилса, кўзга оқ тушишини йўқотади. Пешоби тутилиб қоладиган кимсага типратиканнинг ички аъзоларини пишириб берилса, яхши наф қиласди. Типратикан гўштини беш-олти марта қайнатиб, кейин ейилса, эски бош оғриғи қийнатётган беморнинг дардига шифо бўлади.


# Ижодкорниң метин иродаси

Асар ёзиш бу сўздан иморат қуришга ўхшайди. Ҳар бир ижодкор ўзининг кўнглидаги ғояларни, фикрларни ва дардларини яхлит сюжетга бирлаштириб, композиция асосида “бадий иморат” барпо этади. Ҳар бир сўз устида эринмасдан ишласа, асар янада сифатли чиқишини буюклар амалда исботлашган. Аммо ёзувчилик одамдан энг аввало сабр-тоқат ва матонат, метин ирова талаб қиласи. Ўзининг асарига вақти ва кучини аямаган ижодкор иродали ижодкордир. Бундай адилар адабиёт тарихида кўп учрайди.

## Жюль Верн (1828-1905)

Бу улуф француз қаламкаши ҳам матонат борасида барча ижодкорларга намуна бўла олади.

Верн 77 йил яшади. Умрининг сўнгги йилларида қанд касалига чалинди. Ҳатто унинг кўзи ҳам ожизлашиб қолган эди. Лекин ҳеч қандай касаллик Жюль Вернга ижод қилиш учун тўсқинлик қила олмади. Адид ўшанда ўз ўғлига айтиб туриб, асар ёздирган ва сўнгги китобларини тугаллашга муваффақ бўлганди.



## Лев Николаевич Толстой (1828-1910)

Граф Толстой эса ўз номига мос келадиган йирик жилдли асарлар ёзгани барчага маълум. “Уруш ва тинчлик” 4 жилдан иборат бўлиб, 2000 саҳифадан ортиқ. “Анна Каренина” ҳам тахминан 1050 варагни ташкил қиласи. Улардан ташқари Толстойнинг барча асарлари умумий 90 жилдни қамраб олиши адебнинг кучли иродасидан далолат бериб турибди. Лев Николаевич ҳар биттаси 500 саҳифали “Уруш ва тинчлик”ни бир неча бор қайтадан кўчириб чиққани ҳам фикримизга далил бўла олади.




**Николай Васильевич  
Гоголь**  
(1809-1853)

Буюк рус сатирик адабининг ёзган асарлари сон жиҳатдан эмас, балки сифат даражасига қараб аҳамиятидир. Ҳар бир қўлёзмаси устида ойлаб тер тўккан. Баъзи қиссаларини йиллар давомида ишлаганини эшитганимиз. Айниқса, пьесаларини ёзиб тутагандан сўнг, ўзининг 3-4 та дўстини тўплаб ҳар бирiga қўлёзманинг дастлабки вариантини ўқитган ва қизгин муҳокамага қўйган экан. Баҳс ва мунозаралар тугагандан кейин эса ўтириб, қўлига қалам олган ва пьесанинг иккинчи вариантини ёзишга киришган...

**Герберт Уэллс**  
(1866-1946)

Инглиз фантасти – болалик пайтида ҳам, балоғатга етганда ҳам оёғини синдириб олган ва натижада Герберт Уэллс бир умрга ногирон бўлиб қолган. Лекин, ёзувчиларга шунаقا төмрир ирова ато этилганки, буюк асарлар ҳар қандай шароитда ҳам яратилаверади.



**Оноре де Бальзак**  
(1799-1850)

Франциялик бу адид ҳақида эса ҳар қанча гапирсак ҳам оз. “Инсоният комедияси” режа бўйича 100 жилдли романдан иборат бўлиши ва у Франциянинг XIX асрдаги умумий манзарасини акс эттириш лозим эди. Адид ўз чидам ва иродаси билан кунига 18 соатлаб, кунига бир маҳал овқатланиб, қоронги хонада, шам ёруғида ижод этгани барчага маълум. Бальзак уйқуни енгиш учун тинимсиз қаҳва ичаверган. Гарчи, Бальзак режасини тўлиқ тугалламаган бўлса ҳам, ўз қалам кучи билан 88 та романни қисқа вақт 20 йил ичидаги (1830-1850) ёзиб битирди.



**Эрнест Хемингуэй**  
(1899-1961)

XX асрнинг энг машхур адиларидан бири бўлган Хемингуэй ҳам ёзмасдан туролмасди. Ўтириб ёзверганидан оёқлари увушиб қолган. Аммо шундаям у тик оёқда туриб қофоз қоралайверган... Бундан ташқари ёзувчи урушда яраланиб, бир неча бор турли хасталиклар туфайли азият чеккан. Хемингуэй вафот этганидагина ёзишдан тўхтаган.



Темур ТАНГРИБЕРГАНОВ тайёрлади



Умар САЙФИДДИН

Ўрта дengизнинг қаҳрамонликлар макони бўлмиш сўнгсиз уфқларига қараган кичик тепалик мўъжазгина чаманзор эди. Ингичка узун новдали бодом дараҳтларининг олачалпоқ сояси соҳилга энган сўқмоққа тушар, кўкламнинг майин шабадаларидан сархуш чағалайлар савдойи чукур-чуқурлари билан самода шовқин соларди. Бодомзорнинг ёни кенг узумзор эди. Оқ тош-

\*Форса – кемада эшқакчиликка маҳкум қилинган кул.

## Форса

Хикоя

лардан тикланган қисқа девор ортидаги хароба водийга тулашиб кетганди. Узумзор ўртасидаги вайронга кулбанинг эшиксиз оғзидан бир чол чиқиб келди. Унинг соч-соқоли оппоқ эди. Худди бурисини тўғриламоқчидек керишиди. Кўллари, оёклари қалтирарди. Осмон қадар бўш, осмон қадар сокин денгизга узоқ тикилди.

– Хайрлидир, иншааллоҳ, деди ўз-ўзига.

Девор тагидаги тошлар уюмига чўқди. Бошини қўллари орасига олди. Эгнида йиртиқ бир қоп бор


эди. Яланг оёклари тупроқдан қорилгандек, нимжон қўллари эса кир жез рангида эди. У яна бошини кўтарди. Кўк билан дengиз туашган уфқа тикилди, аммо кўзга ташланадиган ҳеч нима йўқ эди.

Бу чол ҳар кечада тушида ўзини қутқариш учун елканли кемаларнинг келаётганини кўрадиган бечора собиқ турк форсаси\* эди. Асирга олинганидан бери қирқ йил ўтиби. Мальта қароқчилари кўлига тушганида, ўттиз яшар бақувват, азамат, пахлавон қаҳрамон эди. Йигирма йил улар-

XX аср турк адабиётининг йирик вакилларидан бири Умар Сайфиддин (*Omer Seyfettin*) 1884 йилда Туркияning Гўнен шаҳарчасида дунёга келди. Мактабдан сўнг ҳарбий таҳсил олди. 1903 йилда ҳарбий мактабни тугатиб, 1908 йилга қадар Измир ва унинг атрофида зобит бўлиб хизмат қилди. Жандарма билим юритида дарс берди. Ҳаётининг Измирда кечган даври бўлажак адид учун ижодга тайёрланиш йиллари бўлди. Умар Сайфиддин 1908 йилда Салоникига юборилди. Болқон яримороли ихтилофлар билан тўлиб-тошган, у ердаги элатлар ўз мустақилларни учун туркларга қарши қўзгалган бир пайт эди. Умар Сайфиддин шундай бир шароитда Румелининг қатор қишлоқ ва шаҳарларида турли мансабларда хизмат қилди. Хизмати давомида дуч келган турфа ҳодисалар унинг миллий туйғуларига ҳам таъсир этмай қолмади. Буни ҳикояларидағи миллатпарварлик руҳида яққол кўриш мумкин.

Адид 1910 йилда ҳарбий хизматдан бўшаб, Али Жониб ва Зиё Кўкалл сингари турк маърифатпарварлари билан биргаликда “Янги тил” ҳаракатига киришади. Улар шу мақсадда 1911 йилда Салоникида “Ёш қаламлар” журналини чиқардилар. Умар Сайфиддин бу ҳаракат орқали “адабиётда ва тилда бир инқилоб” ясаш фикрида эди. Уларни “янги тилчилар” дейишарди: “Янги тилчилар”нинг ғояси ёзув тилини турк тили қоидаларига бўйсундириш эди.

Журналнинг дастлабки сонидаги “Янги тил” номли мақоласида Умар Сайфиддин ўша пайтдаги турк тилининг ҳеч ким сўзлашмайдиган лотинча, ибронийча сўзлар билан тўлдирилган, миллатга



нинг кемаларида эшкак эшди. Йигирма йил икки оёғидан икки занжир билан рутубатли кема тубига боғлоқлиқ яшади. Йигирма йилнинг ёзлари, аёzlари, шамоллари, довуллари, күёшлари унинг метинде вужудини буқолмади. Занжирлари занглади, чириди, узилди. Йигирма йил ичиди бир неча марта ҳалқалари ва михларини алмаштиришди. Аммо унинг пўлатдан ҳам мустаҳкам оёқларига ҳеч нима кор қилмади. У фақат таҳорат ололмагани учунгина хафа бўларди. Қуёш чиқадиган томондан ўнгроққа бурилар, кўзларини қиблага қаратиб, беш вақт намозни сирли имо-ишора билан адо қиласади.

Элликка кирганида, “Энди эшкакни яхши эшолмайди”, деб, қароқчилар бир оролда уни сотиб юборди. Хўжайини бир деҳқон эди. Ўн йил қаттиқ нон еб, унинг қўлида ишлади. Оллоҳга шукр қиласади. Чунки энди оёқлари занжирбанд эмас, таҳорат ола билар, тўғридан-тўғри қиблага рўбарў туриб, эсида қолган оятлари билан намоз ўқиб, дуо қила оларди. Бутун ўй-хаёли туғилган юртига, Эдремитга қайтиш эди. Ўттиз йил ичиди бир лаҳза ҳам умидсизликка тушмади. “Ўлганимдан сўнг тирилишимга қанчалик ишонсанам, эллик йиллик асирликдан кейин ҳам Ватанга қайтишимга шунчалик ишонаман”, дерди. У энг

донгдор, энг машҳур турк кемачиларидан эди. Йигирма ёшидаёт Жабал ал-Тариқ бўғозидан ўтган, шимол шамолига қараб ҳафталаб, ойлаб қирғоқ кўрмай сузган, дуч келган эгасиз ороллардан солиқлар ундирган, катта-кичик денгиз флотларини бир ўзи енгил кемасида ёнганди. Ўша пайтлар турк элида унинг номи тилларда достон эди. Ҳатто подшоҳ саройга чақиририб, саргузаштларини мароқ билан тинглаганди. Чунки у Ҳизр алайҳиссалом кезган диёрларда сайр этганди. Шундай денгизларга борган эди, унда тоғлардан, ороллардан катта муз парчалари сузиб юрарди. У томонлар умуман бошқа бир дунё эди. Олти ой кундуз, олти ой кеча бўларди. Хотинини ҳам ўша – бир йили бир кечакундуздан иборат сирли ўлқадан топган эди. Кемаси олтин, кумуш, инжу, олмос ва асиirlар билан тўлиб, ватанга қайтар экан, денгиз ўртасида уйланган, ўғли Турқут Чаноққалъядан ўтаётганда туғилганди. У ҳозир қирқ беш ёшга кирган бўлса керак. Тирикмикан-а? Қиёфасини ҳам унугиб юборгани, қордан ҳам оппоқ аёли соғ-саломатмикан? Қирқ йилки, фақат пойтахтнинг, Истанбулнинг миноралари, уфқи хаёлидан ҳеч кетмайди. “Бир

бегона, айрим мутахассисларгагина англашиладиган бир тил эканлигини айтади. Унингча, Туркия адабиёти Шарқда Эронга, Farbda Францияга эргашмоқда. Бугун Франция изидан бораётгандар билан эскидан Эронга тақлид қилиб келгандар орасилда ҳеч қандай фарқ йўқ. Олдинлари форсча шеър ёзиб, бундан фуурланиб юрганлар бўлгани сингари эндиликда французча шеър ёзганидан фахрланадигандар бор.

Умар Сайфиддин “сарвати фунун” тарафдорларининг баъзи мисра ва жумлаларида бирорта ҳам туркча сўз йўқлигини мисоллар асосида кескин танқид қиласади, янги бир миллий тилни шакллантироқ лозимлигини сўзлайди. Унингча, эски тил хастадир. Уни тузатиш учун бир қатор чоралар кўрмоқ лозим. Умар Сайфиддин фикрича, ҳалқ билмайдиган, ишлатмайдиган арабча ва форсча грамматик қоидаларга, сўзларга, имкон борича, ўрин бермаслик зарур. Ёзув тилида фақат миллий грамматик қоидалар қўлланимлиги лозим. Умар Сайфиддин 1912 йилда яна ҳарбий хизматга қайтади. Болқон урушида серблар, юнонларга қарши жанг қиласади. Урушда асир тушиб, бир йил Юнонистонда қолиб кетади. Урушдан сўнг истеъфога чиқиб, Истанбулга келади. “Турк сўзи” журналида бош муҳаррир бўлиб ишлади. Айни пайтда Истанбулда турли ўкув юртларида адабиётдан дарс беради. “Ҳалққа дўғру” (Ҳалққа юз буриш), “Турк юрду” (Турк юрти), “Зако”, “Буюк мажмуа”, “Тикон”, “Вақт”, “Замон” каби газета ва журналларда кўплаб мақола ҳамда ҳикоялари чоп этилади.



кемам бўлса, кўзимни шарт юмардим-у, Кабатошнинг олдига лангар ташлардим”, дея орзу қиларди... Олтмиш ёшдан ўтганидан кейин хўжайини уни гўёки озод қилди. Бу озод қилиш эмас, кўчага ҳайдаш, ночорликка ташлаш эди, аслида. Кекса тутқун шу қаровсиз узумзордаги хароба кулбани топди. Ичига кириб, жойлашиб

олди. Ҳеч ким ҳеч нима демади. Ора-сира қишлоққа тушар, қарилигига ачиниб берилган садақаларни йифиб қайтарди. Орадан яна ўн ийл ўтиб кетди. Энди жуда ҳолдан тойған, узумзор эгаси ҳам уни ёқтирмай қолганди. Қаёққаям борар эди?

Аммо энди аввалги тушларини яна кўраётганди. Қирқ йиллик

туш... Туркларнинг, турк кемаларининг келиши... Қоқ суяқ қўллари билан кўзларини ишқади. Денгиз кўк билан туташган уфқа қаради. Ҳа, албатта келишади, бу – аниқ! У бунга шунчалар ишонардики...

– Қирқ йил кўрилган туш ёлғон бўлмайди! – деди ўз-ўзига. Кулба деворининг тагига чўзилди.

Умар Сайфиддин – ҳаётни билиш, англаш ва тасвирлаш маҳоратига кўра нодир бир санъаткор. Миллатсевар адабижодининг асосий қисмини ташкил этувчи ҳикоярида туркларнинг қаҳрамонлиги, уларнинг юксак маънавий фазилатларини бош мавзу қилиб олади. Энг кўп шуҳрат қозонган асарлари миллий-тариҳий мавзулардаги ҳикояриди. Асарларида миллий шуурга қувват бериш, Туркияning тикланишини тезлаштириш орзуси сезилиб туради.

Ёзувчининг инсон табиатидаги камчиликларни тасвир этишга бағишлиланган ҳикоярида ҳажвий ифода кучли. Асарнинг таъсир кучини ошириш мақсадида ҳикояни кутилмаган тарзда якунлаш муаллиф услубининг ўзига хос хусусиятларидан ҳисобланади. Умар Сайфиддиннинг “адабиётсиз адабиёт яратиш” шиорига мувофиқ иш тутганлиги, яъни асар яратишда жимжимадорликка, китобийликка берилмай, “порлоқ жумлалар” сиз, оддий сўзлашув тилида ёзиш услуби ҳикояларининг машҳур бўлишига олиб келади. Адабиётда инқилобий ўзгариш қилишга уриниш, мавзуни кундалик оддий воқеалардан олиб, кичик ҳикоялар ёзиш Умар Сайфиддиннинг ижодий қиёфасига хос хусусиятлардан эди.



Бегали ҚОСИМОВ

Секин кўзларини юмди. Кўклам умид учкуни каби атрофни нурга тўлдиради. Чагалайларнинг “Келаяптилар, келаяптилар, сени қутқаришга келаяптилар” деганга ўхшаш ширин овозларини тинглай-тинглай ухлаб қолди. Девор тошларининг орасидан чиқкан калтакесаклар унинг устида кезиб юрар, дағал кийимининг ичига ўрмалар, қалин оппоқ соқоллари орасида ўйнарди. Кекса тутқун тушида оғир турк денгиз флотининг бандаргоҳга кирганини кўрарди. Қасабага борадиган йўлга бир неча бўлук аскар тушган эди. Қизил байроқни узоқдан таниди. Ханжар ва қалқонлар қуёш нурида ялтиради.

“Бизниkilар! Бизниkilar!” дея бақириб уйғонди. Қаддини ростлади. Устидаги калтакесаклар тумтарақай қочиб кетди. Бандаргоҳга қаради. Ҳақиқатан ҳам, қалъанинг қаршисида денгиз флоти кўринарди. Кемаларнинг, елканларнинг, эшқакларнинг шаклига эътибор берди. Ранги оқариб кетди. Кўзларини каттароқ очди. Юраги ҳапақа бошлади. Қўлларини кўксига қўйди. Қирғоққа яқинлашаётган турк кемалари эди. Кўзларига ишонмади.

“Ажабо, тушимми, ўнгимми?” – шубҳага тушиб қолди. Уйғоқликда ҳам туш кўриладими? Ишонч ҳосил қилиш учун қўлини тишлади. Ердан ўткир тош парчасини олди. Пешонасига урди. Ҳа, оғриқни ҳис қиласяпти. Уйғоқ экан, кўрганлари ҳам туш эмас. Ҳойнаҳой, кемалар у ухлаётганди бурун орқасидан чиқиб келган бўлса керак. Севиниб кетгани, шошиб қолгани боис, оёқларидан мадор кетди. Ўтириб қолди. Қирғоққа чиқкан бўлуклар қизил байроқлар кўтарганча тўғри қалъага қараб келаётганди. Қирқ йиллик кутишдан ортган энг сўнгги файратини йиғиб олға интилди. Бирдан суяклари қисирлаб кетди. Бодомларнинг

гулли соялари тушиб турган йўлдан илдамлади. Қирғоққа қараб югурга кетди. Аскарлар оқсоқол чолнинг ўzlари томон чопиб келаётганини кўриб:

– Тўхта! – дея бақирдилар.  
Қария тўхтамади, у ҳам бақирди:  
– Мен туркман, ўғилларим,  
туркман!  
– ...

Аскарлар унинг яқинроқ келишини кутди. Чол туркларга яқинлашаётib, биринчи учраганини қутоқлаб, ўпа бошлади. Кўзларидан дувиллаб ёш оқарди. Унинг аҳволини кўрганлар ҳам мутаассир бўлдилар. Чолнинг ҳаяжони бироз босилгач, сўрадилар:

– Қанчадан бери асириклидасиз?  
– Қирқ йилдан бери!  
– Каерликсиз?  
– Эдремитлик.  
– Исмингиз нима?  
– Қора Мемиш.  
– Капитанмидингиз?  
– Ҳа...

Чолнинг атрофидаги аскарлар орасида фала-ғовур бошланди. Бир ҳайқириқ янгради: “Бейга хабар беринг!” “Бейга хабар беринг!” дея бақиришиб қолишиди. Чолнинг қўлтиғига кирдилар. Денгиз бўйига қушдек учирив боришиди. Бир қайиққа ўтқаздилар. Кейин катта кемага олиб чиқишиди. Аскарлар орасида унинг қаҳрамонлик саргузаштларини билмаган, довругини эшитмаган кимса йўқ эди. Қария кема саҳнида бироз туриб қолди. Севинганидан шошиб қолган, ўзини йўқотган эди. Унга шалвор кийгизишиди. Елкасига зарбоф тўн ташладилар. Бошига дастор кийгиздилар.

– Қани, бейнинг ёнига, – дедилар.

Уни бу ерга олиб келган аскарлар билан бирга улкан кеманинг қўйругига қараб юрди. Ҳарбий кийими устидан темир, пўлат зирҳ

кийган шопмўйлов одамнинг қаршисида тўхтадилар.

– Сиз капитан Қора Мемишмисиз?

– Ҳа!

– Ҳизр алайҳиссалом кезган жойларга борган сизмисиз?

– Менман.

– Рост гапирайapsизми?

– Нега ёлғон гапирайин?

– Ечинг ўнг енгингизни, кўрай.

Чол қўлини тўнидан чиқарди.

Енгини шимарди. Бейга узатди.

Билагида хоч шаклида чукур чандик бор эди. Бу чандикни олти ой тун бўладиган оролдан хотинини олиб қочаётганида ортирган эди. Бей чолнинг қўлини қучди, ўпа бошлади.

– Мен сизнинг ўғлингизман! – деди.

– Турқутмисан?

– Ҳа!..

Кекса асир севинчдан хушини йўқотди. Ўзига келгач, ўғли унга:

– Мен жанг қилиш учун қирғоққа тушаяпман. Сиз кемада дамингизни олинг, – деди.

Собиқ қаҳрамон кўнмади:

– Йўқ. Мен ҳам сизлар билан жангга кираман.

– Кексайиб қолгансиз, ота.

– Аммо ҳали ҳам юрагим бақувват!

– Дам олинг! Бизни кузатинг!

– Қирқ йилки урушни соғин-ғанман...

Ўғли отасининг қўлларидан тутди: “Ватанингизни, яқинларинингизни кўрмасингиздан, сизни яна йўқотмайлик, ота”, дея ёлвориб ўпди.

Чол бошини кўтарди, қаддини ростлади: у яна ёшаргандек эди. Байроққа ишора қилиб деди:

– Шахид бўлсан, буни устимга ёпинглар! Қизил байробим ҳил-пираб турган жой ҳам ватаним эмасми?

1910

Турк тилидан  
**Давронбек ТОЖИАЛИЕВ**  
таржимаси



Бахтиёр ОЛЛОМУРОД

## Парида момонині жини

Парида момодан икки ҳовли нарида яшайдиган Тойирқул тиланчиликда мүлтони беканинг эрини йўлда қолдиради. Тортинчоқлик Тойирқулнинг фитратига мутлақо ёт. У уят, андиша деган шахсий тараққиётига ёт унсурларни яқинига йўлатмайди ҳам. Ўзи ҳам йўламайди бундай “зарарли иллат”нинг яқинига. Кўзга ташланса, қўлга илинса эканки, жарроҳга олдириб ташлатса. Мабодо, Тойирқулдан уят-ор ҳақида сўрасангиз, “У ўзи нима нарса, метрлаб сотиладими, ё килолаб” деб ўзингиздан қайтариб сўрайди. Тойирқул Парида момонинг ўғли Бердиқул билан синфдош. Қишида этигини, ёзда майкасини сўраб келаверади. Ҳатто ҳаммомга бирга боришганида кема лангарининг тасвири солинган калта иштонига кўнгли кетиб, “Жўражон, бериб тур, бир-икки кун кийиб чўмилай” деб роса ялинган. Бердиқул бундай ноқулай илтимосни рад этиш билан кифояланмаган. Бу гап бутун синфдошлар орасида

# КЧНЛАРДАН БИР... КЧН

ёйилиб, роса ҳангома-достон бўлиб кетган. Тойирқул-ку, бир мартаға ўзини изза қилган жўрасидан ранжиган. Бироқ у узоқ кек сақлаб юрадиганлардан эмас. Қолаверса, ҳар гал бирор зарур юмуш билан туман марказига боришга тўғри келса, Бердиқулнинг ёзда финча кўйлаги ва жинси шимини, қишида курткаси билан телпагини сўраб туради. Турган гапки, бундай олди-бердига асосланган жўрачилик Парида момонинг сабр косасини тўлдириб, сўқинишига сабаб бўлади. Тойирқул эса, ўғил бола эмасми, кўнглига олмай енгади. Тўғри-да. Кўнгли нозиклик ва аразни қизларга чиқарган. Манглайи олти қарич эканми, Тойирқул уч марта уйланди. Биринчисини дароз деб айблади, иккинчисини пакана деб ҳайдади. Ўзи асов айғирдай бўлса-да, ҳарна худо инсоф бериб, “учинчи қозик”да тўхтади. Ўзига қолса-ку, тўхтагиси йўқ эди. Бунга... нимайди-я, ҳаҳ отинг ўчгур, камбағаллик халақит берди! Тойирқулнинг тез-тез хотин алмаштириши ота-онасидан ҳам кўра, Парида момога кўп малол келади. Йўқ, уйланса

уйланавермайдими. Қувайт амирига ўхшаб қўша-қўша хотин олмайдими. Бироқ, фақат шу... ҳар уйланаётганида Бердиқулнинг шимини сўраб жонга теккани ёмон-да.

Учинчи бор уйланаётганида ҳам каллаи саҳардан темир дарвозани даранглатиб муштлаганича овозининг борича бақира бошлади:

– Паридаxo-ла-a-a, ҳув  
Парида холо-ов!

– Ҳа-а, нимага бунча бўкирасан?! – дарвозанинг митти табақасидан қўлида қора косов ушлаган Парида момо кўриниш беради. – Бир марта чақирдинг бўлди-да. Худди ошириб кўйгандай дарвозамни қоқасан. Ҳе, онанди сотай сени!..

– Бўлди, бўлди, холажон,  
сўқинманг!. Бердиқул уйдами?  
Гапим бор эди...

– Агар кўйлагини сўраб келган бўлсанг кечикдинг, ўзи кийиб кетди.

– Йўқ, бошқа ишим бор...

– Улим районга чиқиб кетган.  
Ҳали-бери қайтмаса керак. Жуда зарил гап бўлса, менга айтиб кетавер.

– Эҳ, чатақ бўпти-да. Парида

хола, Бердининг буругини бериб туринг. Бугун уйланаяпман... қиз болага.

– Учинчи марта ҳам қиз олаяпсанми? Эситгина қиз бола-я... Сен қулоги калта маҳлуқни пори арапаш нишхўрт ҳам тешиб чиқмас эди-ку! Эситгина қиз бола-я. Учинчи марта ҳам қиз болага уйланишни унутмабсану, кетингни ёпиб юришга битта чоловор олиш эсингдан чиқибдида-а?

– Ҳа, энди шу тўй ташвишлари билан бўлиб... ҳадеб уришаверманг, ЗАГСга кийиб борай... Тўйдан кейин ечиб, қайтариб бераман.

– Аввал икки марта уйланганингда ҳам улимнинг чоловорини кийиб борган эдинг. Ҳатто қаллиқ ўйинга кийиб боришига ҳам сўраб келардинг. Уятинг борми ўзи?

– Холажон, тухматни ҳам инсон билан қилинг-да, қаллиқ ўйинга кечаси борсам, қоронгида яп-янги чоловорди нима кераги бор? ЗАГСга бўлса, бошқа гап. Дўст-душман кўради.

– Оҳ-ҳо, дўст-душмандиям борига шукр-е! Агар шулар бўлмаса, дунёдан беиштон ўтиб кетар экансанда-а? Сен, иштонсиз безбет, ҳар хотин алмаштирганингда биздан чоловор сўрайсан-да, бир марта йўқ десак биз инсонсиз бўп қоламизми-а? Сенинг дастингдан ўз чоловоримизни ўзимиз эмин-эркин кия олмаймизми, энангди тепай!

– Бўлди, холажон, илтимос, аччиқланманг! – шим ундиrolmasligidan кўнглига қўркув оралаган Тойирқул ялинишга тушади. – Улингиз икковимиз жўрамиз-ку, ахир!

– Ҳе сендай мўлтони ошна топилмай кет! Ҳали улим келсин, ҳам иштонсиз, ҳам виждонсиз сендай ошна топгани учун орқасини косов билан кўкартирумасам!

Холани момочилтонлари жаҳл отига миндирдими, унинг важоҳатидан Тойирқул ковагини тополмаётган сичқоннинг аҳволига тушиб қолди. Парида момонинг эса жини кўқиб ҳамон сўқинарди:

– Ҳе, энангди сотай сендай иштонсиз бойваччани! Тур йўқол-е! Учта хотин олгунча уятингди ёпишга битта иштон ол!..

## "Қайси бўриниди боқайин ..."

Фикри саёз, авомфеъл кимсалар то ҳануз шўро замонининг сувтекину сифатсиз ва миннатли неъматларини мақтаб юришиди. Ўша пайтлар хўжаликлар қатори мактабларнинг ҳам зиммасида жун, тухум режалари бор эди. Устозларимизга яхши кўриниш учун уйимиздаги тухумни ота-онализга билдириласдан ўғирлаб келиб бозордагидан уч баробар арzoniga топширадик. Камида ўн дона тухум, икки кило жун олиб келмаган бола кўпчилик олдида изза қилинарди. Ҳатто, бир замонлар "Вьетнамнинг мазлум болаларига ёрдам" дея биринчи синф болаларигача пул тўплаб бергани ҳамон ёдимда. Кўп қатори ана шундай номаъқулчиликлардан зада бўлиб юрган Парида момони ота-оналар мажлисига чақиришди. Чақиришгани камдек, "болаларингизнинг ўқиши суст" деб жаҳлни ҳам чиқаришди. Парида момонинг ҳам жинлари фалаён қилди:

– Бироринг мояк, бироринг жун обке дейсан... Сенларга қарайинми, Ветнамдинг бачаларини боқайинми, очопат моякхўрлар!



## Ўзгармаған Эломон

Барча хислатларнинг-да "ӯта"си ярамайди. Ҳатто у яхши хислат бўлса ҳам. Синфдошим Эломон табиатан юввош, ӯта мўмин-қобил бола эди. Бундайларни ўрислар ва ўрислашган шаҳарликлар "лўх" деб атайдилар. Ана шу "лўх" лигининг "шарофати" данми ё касофатиданми, Эломон ошнам бу талотўп ҳаётда кўп калтак еди. Аммо ўлмади. Бир кам элликка кирди. Илоё, ўлмасин, камида биркам юзга кирсин. Лекин ўлган чоғда ҳам Эломон ютқазмайди. Балки, ўзларига ҳамзамон, ўлжа бўлиб яшаётган содда мўминларнинг биттага камайганидан шайтондил догоулилар ютқазди. Эҳтимол, шу боисдан ҳалигача дунё ҳам омон, Эломон ҳам. Орада буқаламун кимсалар неча минг бора ўзгариб турланди. Бироқ соқол-муртлари оқарса-да, Эломон ўзгартмади. Бобомеросми, отамеросми лўхлигича қолди. Хуллас, болалик давримизнинг бир кунида...

## Муқодим жазо

Биринчи синф эдик. Эломон одатига кўра, сумкасини терс кўтартганча, жаҳли тез муаллимани дарғазаб қилганча биринчи дарсга камида йигирма дақиқа кеч келар, калтак ейиши муқаррарлигини сезса-да, таҳдидли саволларига бир пайса ҳам ёлғон қўшмай, рўй-рост жавоб қайтарарди.

- Нега кечикдинг, бугун ҳам онангга тезак ёпишга қарашдингми?
- Йў-ўқ-ққ... ма-а-а-лимм...
- Бўрининг олдидан чиқиб қолган эчкидай маърайвермай, тўғрисини айт! Бугун ҳам онангга сигир соғишдингми?
- Йў-ў-ў-қ... Сийирдиям онамнинг ўзи совди. Суттиям ўзи пишириди. Мен қозондинг тубини яладим. Қозонимиз ка-ат-та ва чуку-ур... Рес-са кў-ўпп яладим, ма-а-лимжон, шунга кеч қолдим. Алдасам ўлай агар... – Эломон лафзининг исботи учун тилини чиқариб айлантирганча, лаб-лунжида қолган сут юқини ялаб-юлқаб қўяди. Боланинг ростгўйлигидан азбаройи меҳри ийган сержаҳл муаллима берилажак қаттиқ жазо – тарсакини нисбатан енгилорига – қарғишига алмаштиради:
- Еб тўймаган ялаб тўярмиди?! Ҳе, қозоннинг тубини ялаган тилларингдан чипқон чиқсан, ўтири жойингга!

## Итни бехузур қиласан қасам

Дўйончи амаки маош ва қалам ҳақи оладиган кунимиздан хабар топса, таҳририятга келиб қарзини ундириш учун Абдирасулнинг атрофида парвона бўлиб қолади. Бу манглайи қора ўзининг исми-шарифи рўйхатнинг энг пастида эканини ҳали билмайди-да. Абдирасул дўкондордан ташқари ишхона хазиначисидан икки миллион, ҳар бир жамоадошлардан эса, камида юз минг сўмдан қарздор. Муҳарриримиз шуларнинг барчасидан хабардор бўлса-да, “Нафақасига икки йил қолди, мўйсафид одамнинг кўнглини оғритмайлик” деб унинг ёнини олгани олган. Негаки, тили қисиқ. Унга ҳам Россияга кетиб қолган бир татар зобитнинг бевасини никоҳлаб берган. Шунинг ортидан ярим йилдан бўён уйида жанжал.

Қарзни ундиrolмаётгани боис, сахий дўкондор Абдирасул билан қиёматлик ота-ўғил тутинган. Ўғил қиёматли отасига яқин кунларда қарзини тўлашга йигитлик лафзини берган. Лафзининг хотимасида “Агар лафзимда турмасам, ит бўлай, ё итингиз билан битта ялоқдан овқат ейин, овми-ин!” деб иккала кафтини жуфтлаштириб ювуқсиз турқига тортган. Турган гапки, бу қадар кескин қасамдан дўкондорнинг ити рози бўлмаган. Чунки Абдирасул унга кучукваччалигидан яхши таниш. Шу боис, ҳаппа-ҳалол ризқига лафзи бетайин битта қасамхўрни шерик қилиш ёқармиди!



## Томсувбок

Ҳамсояларнинг фирромлигини кўрингки, ўзларининг барча ҳашарларида юз фоиз қатнашган Эломонни беписанд қилиб, атиги икки хонали пахса кулбаси томини сувашга келгилари йўқ. Баҳоналари ҳам тап-тайёр. Биттаси “калламда фуррам бор” деса, яна бири “белимда чуррам бор”, дейди. Эломоннинг ҳам бундай номардларга паст кетиб элангиси йўқ. Ўйлай-ўйлай охири “бунинг чораси – Оқил пиён!..” деган тўхтамга келди. Ечим топган хумкалласини рағбатлантирганча “балли калла” дея бир чертиб ҳам кўйди.

Оқил пиён – қишлоғимизнинг энг арzon тракторчиси. Тўрт тўғрам қовурилган гўшт, бир шиша ароқ ва уч-тўрт сўм бўлса, юкловчи кўтарма трактори билан хоҳлаган хизматингизни қилиб беради. Аммо, индамаса, ана шу алкаш ҳам Эломоннинг пухта тадбирини “бўлмайди”га чиқармоқчи бўлди.

– Ўзинг биласан, уй сеники-ю, аммо шу чоққача томга тупроқ эмас, тап-тайёр ширдон чиқарганман... бундайчикинини умримда кўрмаганман.

– Сиз айтганди қилинг-да, ҳақингизди олинг, бошқаси билан ишингиз бўлмасин!

Хуллас, Оқил пиён юклов тракторининг чангалида томга тупроқ чиқариб берадиган, Эломон эса лўмбазни биратўла томнинг ўзида қориб, сувайдиган бўлди. Бироқ, биринчи бор қўлланаётган ушбу “муҳандислик кашфиёти” илк синовдаёқ муваффақиятсизликка учради. Оқил пиён бешинчи “чангаль” тупроқни томга чиқарганида тахта-тўсинлар қарсиллаб синиб, деворнинг тепа пахсаси ўпирилиб тушди. Воқеа устига келиб қолган Эломоннинг отаси қўлидаги гаврони билан ҳашар эгасига қўшиб Оқил пиённи ҳам савалаб қувалади.